



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj:
Sarajevo, __. __. 2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj __. __. 2022. godine, usvojilo je

Izveštaj o ostvarivanju politike Grada Sarajeva i aktivnostima gradonačelnika/ce Grada Sarajeva za period od 01.01. do 31.12.2021. godine

PREDSJEDAVALJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

IZVJEŠTAJ
O OSTVARIVANJU POLITIKE GRADA SARAJEVA I AKTIVNOSTIMA
GRADONAČELNIKA/CE SARAJEVA ZA PERIOD
OD 01.01. DO 31.12.2021. GODINE

Predlagač: Gradonačelnica
Obrađivač: Stručna služba gradonačelnice
Grada Sarajeva

Sarajevo, mart 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 39. stav 1. tačka 9. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), gradonačelnica Grada Sarajeva, Gradskom vijeću Grada Sarajeva na 14. sjednici od 04.04.2022. godine, podnosi na razmatranje i usvajanje:

IZVJEŠTAJ
O OSTVARIVANJU POLITIKE GRADA SARAJEVA
I AKTIVNOSTIMA GRADONAČELNIKA/CE SARAJEVA ZA PERIOD
OD 01.01. DO 31.12.2022. GODINE

I UVODNI DIO

Gradonačelnik/ca Grada Sarajeva je u skladu sa odredbom člana 20. Statuta Grada Sarajeva, a u vezi sa članom 38. („Službene novine Kantona Sarajevo”, broj 34/08 – prečišćeni tekst) izvršni organ Grada Sarajeva, nadležan da predstavlja i zastupa Grad Sarajevo, kao i da obavlja poslove iz samoupravnog djelokruga Grada Sarajeva za koje je utvrđena njegova nadležnost u skladu sa članom 39. Statuta. Gradonačelnik/ca je u obavljanju poslova iz samoupravnog djelokruga Grada Sarajeva, između ostalog, nadležan i za podnošenje izvještaja Gradskom vijeću o ostvarivanju politike Grada Sarajeva i svojih aktivnosti, a Programom rada Gradskog vijeća predviđeno je godišnje izvještavanje.

Ostvarivanje gradske politike, a samim tim i politike gradonačelnika/ce Grada Sarajeva ostvaruje se kroz gradske službe. U Gradskoj upravi Grada Sarajeva djeluje ukupno devet Gradskih službi, i to: Gradska služba za opću upravu i zajedničke poslove, Gradska služba za lokalnu samoupravu i razvoj Grada, Gradska služba finansija, Gradska služba za lokalno poslovanje, Gradska služba za poslove informacionog centra, Gradska služba za urbano planiranje, investicijske, stambene i komunalne poslove, Gradska služba za obrazovanje, kulturu, sport i mlade, Gradska služba za internu reviziju, Gradska služba za inspeksijski nadzor, a koje su formirane na osnovu Odluke o organizaciji i djelokrugu organa uprave Grada Sarajeva („Službene novine Kantona Sarajevo, broj 24/21). Pored gradskih službi za upravu, Uredbom o osnivanju Stručne službe gradonačelnice Grada Sarajeva („Službene novine Kantona Sarajevo“, broj 24/21) formirana je Stručna služba gradonačelnice Grada Sarajeva koja se sastoji od četiri odjeljenja: Odjeljenje za kabinetske poslove, Odjeljenje za međunarodnu saradnju, Odjeljenje za informisanje i Odjeljenje za protokol. Uredbom o osnivanju Stručne službe za poslove Gradskog vijeća („Službene novine Kantona Sarajevo“, broj 30/21) formirana je Stručna služba za poslove Gradskog vijeća koja se sastoji od dva odjeljenja: Odjeljenje za stručne poslove i Odjeljenje za kabinetske poslove.

Metodologija izvještavanja je ostala ista kao i u svim prethodnim godinama i vrši se u skladu sa metodologijom izrade i donošenja godišnjih programa rada i godišnjih izvještaja o radu, utvrđenom Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo”, br. 29/12 i 11/17).

Provođenje politike gradonačelnika/ce Grada Sarajeva tokom 2021. godine ostvarivalo se uz poštivanje utvrđenih programskih ciljeva, dinamike rada, rokova i finansijskog okvira utvrđenih u: Politici Grada Sarajeva za mandatni period 2021.-2025., Programu rada Gradskog

vijeća grada Sarajeva za 2021. godinu, Programu rada gradonačelnika Grada Sarajeva za 2021. godinu, Budžetu Grada Sarajeva za 2021. godinu i Odluci o izvršenju Budžeta Grada Sarajeva za 2021. godinu, uz poštivanje svih važećih propisa i procedura.

PROGRAMIRANE AKTIVNOSTI I AKTIVNOSTI KOJE PROIZILAZE IZ NADLEŽNOSTI GRADA SARAJEVA KOJE PROVODI GRADONAČELNIK/CA

Gradska politika i u 2021. godini imala je za cilj realizovati što veći obim nadležnosti Grada Sarajeva utvrđenih Statutom Grada i drugim propisima. U realizaciji gradske politike, za koju je u obavljanju poslova iz samoupravnog djelokruga nadležan/na gradonačelnik/ca, u oblasti **lokalne samouprave i razvoja grada** glavni pravci djelovanja, u izvještajnom period, odnosili su se na praćenje zakonskih i drugih akata aktuelnih za lokalnu samoupravu.

Aktivnosti Grada Sarajeva u oblasti **međunarodne saradnje** tokom 2021. godine odvijale su se na multilateralnom nivou kroz učestvovanje u međunarodnim skupovima, na bilateralnom nivou u formi saradnje sa pobratimskim, partnerskim i drugim gradovima i institucijama u svijetu, saradnjom sa diplomatsko-konzularnim predstavništvima u BiH, te aktivnosti u okviru međunarodnih asocijacija.

Obzirom da je gradonačelnik/ca nosilac pripreme na izradi provedbene planske dokumentacije (regulacionih planova), u skladu sa potrebama lokalnih zajednica i inicijativama nadležnih općinskih službi u 2021. godini u oblasti **urbanog planiranja** vođene su aktivnosti na pripremi i izradi regulacionih planova za područje četiri gradske općine.

Definisani su ciljevi i usmjerenja prostornog razvoja, koordinisan rad svih institucija uključenih u proces izrade planova, osigurano učešće javnosti u svim fazama izrade planova, te dostavljena planska dokumentacija Gradskom vijeću Grada Sarajeva na razmatranje i usvajanje.

U oblasti **komunalnih poslova** rad se temeljio na nekoliko osnovnih ciljeva: praćenje donošenja svih zakonskih i drugih akata na nivou Federacije BiH, Kantona Sarajevo i općina, saradnje sa javnim komunalnim preduzećima, općinama, Kantonom Sarajevo, a sve u cilju efikasnijeg obavljanja komunalnih djelatnosti i realizacija planskih projekata komunalne infrastrukture.

U cilju realizacije Gradske politike na planu **obrazovanja, kulture, sporta i mladih** finansirani su, prije svega, projekti i aktivnosti koji su, po principima masovnosti, u najvećoj mjeri uključivali djecu i mlade, zatim sufinansiranje kulturnih manifestacija, obilježavanje kulturnih i sportskih manifestacija, a provedena je i procedura stipendiranja učenika za 2021. godinu.

OSTVARIVANJE POLITIKE PO OBLASTIMA

1. GRADSKA SLUŽBA ZA OPĆU UPRAVU I ZAJEDNIČKE POSLOVE

Aktivnosti u oblasti opće uprave odnosile su se, između ostalog, na pripremu propisa i drugih akata iz nadležnosti Gradske službe za opću upravu i zajedničke poslove koje donosi Gradsko vijeće i gradonačelnica, davanje mišljenje na odluke i akte koje pripremaju gradske službe, staranje o upotrebi imena i simbola Grada Sarajeva, obavljanje normativno-pravnih, upravnih i stručnih poslova vezanih za radne odnose, upotrebu ljudskih resursa i kadrovsku politiku, kao i planiranje i provođenje javnih nabavki.

1. Pripremljeni i upućeni materijali na sjednice Gradskog vijeća

U oblasti opće uprave vršena je izrada sljedećih propisa, općih akata i izvještaja:

- Odluka o izmjeni i dopuni Odluke o pečatima i žigovima Grada Sarajeva;
- Sporazum o saradnji i aktivnostima na prevenciji i borbi protiv korupcije;
- Odluka o organizaciji i djelokrugu organa uprave Grada Sarajeva;
- Odluka o uslovima i načinu korištenja i davanju u zakup poslovnog objekta „Vidikovac“
- Odluka o uslovima i načinu korištenja i davanju u zakup dijela objekta željezničke stanice „Bistrik“;
- Odluka o razrješenju predsjednika i članova Skupštine JP Olimpijski bazen „Otoka“;
- Odluka o imenovanju VD predsjednika i članova Skupštine JP Olimpijski bazen „Otoka“ na period od 3 (tri) mjeseca;
- Odluka o imenovanju VD predsjednika i članova Skupštine JP za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP Sarajevo d.o.o.) na period od 3 (tri) mjeseca;
- Odluka o dopuni Kalendara obilježavanja datuma i događaja značajnih za Grad Sarajevo;
- Odluka o dopuni Odluke o pečatima i žigovima Grada Sarajeva;
- Izvještaj o primjeni Odluke o upotrebi grba, imena i isticanju zastave Grada Sarajeva;
- Izvještaj o stanju u državnoj službi u Gradu Sarajevu.

U cilju realizacije upravnih poslova izrađena su:

- rješenja o odobravanju upotrebe priobalnog pojasa vodotoka na području grada Sarajeva **(5 rješenja)**;
- rješenja o odobravanju upotrebe imena Grada Sarajeva **(7 rješenja)**;
- rješenja o pristupu informacijama **(4 rješenja)**.

2. Realizacija ostalih akata i pravnih poslova

U toku 2021. godine pristupilo se izradi mnogobrojnih finansijskih odluka i ugovora, odluka o odobravanju sredstava sa pozicija nepredviđeni izdaci, pomoć u teškim socijalnim slučajevima, pokroviteljstvo i realizacija odobrenih sredstava iz Budžeta Grada Sarajeva od čega su pripremljeni:

- odluke o odobravanju novčanih sredstava – jednokratne novčane pomoći **(42 odluke)**;

- odluke o prihvatanju pokroviteljstva Grada Sarajeva (**4 odluke**);
- ugovori o realizaciji sredstava iz Budžeta Grada Sarajeva za 2021. godinu (**5 ugovora**).

Pored gore navedenog izrađeni su i sljedeći prijedlozi akata:

- Instrukcija o pristupanju Odluci o Registru zaposlenih u javnom sektoru;
- Instrukcija o pristupanju Odluci o Registru imenovanih lica u Kantonu Sarajevo;
- Instrukcija o pristupanju Odluci o Registru podataka o javnim nabavkama koje provode institucije čiji je osnivač Kanton Sarajevo;
- Rješenja o imenovanju uposlenika za unos podataka u Registre;
- Rješenje o imenovanju lica u Gradski savjet;
- Poslovnik o radu Gradskog savjeta;
- Rješenja o prijenosu ovlaštenja na državne službenike u organu državne službe;
- Rješenje o zasnivanju radnog odnosa za gradonačelnicu Benjaminu Karić;
- Rješenje o zasnivanju radnog odnosa za zamjenike gradonačelnice;
- Rješenje o zasnivanju radnog odnosa za predsjedavajućeg Gradskog vijeća;
- Rješenje o zasnivanju radnog odnosa za zamjenike predsjedavajućeg Gradskog vijeća;
- Odluka o razrješenju predsjednika i članova Upravnog odbora JU muzej „Ars Aevi“;
- Odluka o imenovanju VD predsjednika i članova JU „Muzeji Grada Sarajeva“;
- Rješenja o izradi pečata;
- Rješenja o davanju ovlaštenja za korištenje pečata;
- Rješenja o imenovanju Disciplinske komisije za državne službenike i namještenike;
- Rješenja o ostvarivanju prava na novčanu naknadu za slučaj smrti i teške bolesti uposlenika i članova njihove uže porodice;
- Ugovori o djelu i autorski ugovori;
- Odluka o novčanoj naknadi uposlenicima povodom vjerskih praznika;
- Odluka o darovanju prvorođenog djeteta u novogodišnjoj noći 2021. godine;
- pripremljena Odluka o popisu;
- pripremljeno Uputstvo o vršenju popisa i formirane komisije;
- potvrde o podacima s kojima raspolaže Grad Sarajevo;
- odluka o odobravanju novčanih sredstva za potrebe obuke uposlenih i izabranih zvaničnika u organima Grada Sarajeva, u skladu sa Programom stručnog usavršavanja za uposlene u jedinicama lokalne samouprave;
- pripremljen veći broj mišljenja;
- odgovori i informacije po prigovorima upućenim Instituciji Ombudsmena za ljudska prava BiH (po prigovorima razriješenih predsjednika i članova JP („Olimpijski bazen Otoka“ i JU Muzeji Grada Sarajeva);
- ostali poslovi u vezi sa upravljanjem ljudskim resursima.

3. Stanje u državnoj službi u Gradu Sarajevo

Ljudski resursi, njihova znanja, sposobnosti i stručne kompetencije su ključni faktori svakodnevnog rada i djelovanja svake organizacije ili institucije. Sa dobrom organizacijom poslova i kvalitetnim i obrazovanim ljudskim resursima moguće je odgovoriti na izazove i zahtjeve sa kojima se suočavamo u radu. Ulaganje u ljudske resurse kroz različite vidove

edukacije, profesionalnog osposobljavanja, poboljšavanje uslova rada i opremanje ljudskih resursa je od velikog značaja kako za razvoj i ugled organa uprave tako i za postizanje veće efikasnosti u radu, a sve sa ciljem kvalitetnijeg zadovoljavanja potreba građana. Individualna stručnost je najbitniji kapital kojim organ državne službe raspolaže, a upravljanje ljudskim resursima je dio djelovanja i funkcionisanja organizacijskog kolektiva

Unutrašnja organizacija

Gradsko vijeće Grada Sarajeva je, na sjednici održanoj 02.06.2021. godine, donijelo Odluku o organizaciji i djelokrugu organa uprave Grada Sarajeva („Službene novine Kantona Sarajevo“, broj 24/21). Novom Odlukom izmijenjena je organizacija kako u pogledu broja službi, tako i u nadležnostima istih.

Shodno navedenoj Odluci, proces rada u Gradu Sarajevu odvija se u 9 gradskih službi, i to:

- a) Gradska služba za opću upravu i zajedničke poslove;
- b) Gradska služba za lokalnu samoupravu i razvoj grada;
- c) Gradska služba finansija;
- d) Gradska služba za lokalno poslovanje;
- e) Gradska služba za poslove Informacionog centra;
- f) Gradska služba za urbano planiranje, investicijske, stambene i komunalne poslove;
- g) Gradska služba za obrazovanje, sport, kulturu i mlade;
- h) Gradska služba za internu reviziju;
- i) Gradska služba za inspekcijski nadzor.

Djelokrug rada organa uprave Grada Sarajeva obuhvata upravne, inspekcijske i druge stručne poslove, poslove iz samoupravnog djelokruga Grada koji su utvrđeni Ustavom, Zakonom, Statutom Grada Sarajeva i Odlukom o organizaciji i djelokrugu organa uprave Grada Sarajeva, kao i upravne i druge poslove iz nadležnosti drugih nivoa vlasti koji se prenesu ili delegiraju na Grad Sarajevo, odnosno gradonačelnicu Grada Sarajeva, pravne poslove, poslove međunarodne saradnje, zajedničke poslove i poslove pisarnice, te određene zajedničke upravne, stručne i administrativno-tehničke poslove.

Odlukom o organizaciji i djelokrugu organa uprave Grada Sarajeva predviđeno je da će se za obavljanje stručnih, tehničkih i drugih poslova za potrebe Gradskog vijeća i gradonačelnice osnovati odgovarajuće stručne, tehničke i druge službe, o čemu odlučuje gradonačelnica. S tim u vezi, gradonačelnica Grada Sarajeva donijela je:

- a) Uredbu o osnivanju Stručne službe gradonačelnice Grada Sarajeva, broj 01/04-04-3834/21 od 12.07.2021. godine i
- b) Uredbu o osnivanju Stručne službe za poslove Gradskog vijeća Grada Sarajeva, broj 01/04-04-3835/21 od 12.07.2021. godine.

Djelokrug rada Stručne službe gradonačelnice Grada Sarajeva obuhvata stručne, administrativno-tehničke i druge poslove za potrebe gradonačelnice i Gradskog vijeća, zamjenika gradonačelnice, radnih tijela gradonačelnice, poslove međunarodne saradnje i administrativno-tehničke poslove.

Djelokrug rada Stručne službe za poslove Gradskog vijeća Grada Sarajeva obuhvata stručne, administrativno-tehničke i druge poslove za potrebe rada Gradskog vijeća, radnih tijela Gradskog vijeća, gradskih vijećnika te predsjedavajućeg i zamjenika predsjedavajućeg Gradskog vijeća.

Nakon donošenja Odluke o organizaciji i djelokrugu organa uprave Grada Sarajeva, Uredbe o osnivanju stručne službe gradonačelnice Grada Sarajeva i Uredbe o osnivanju Stručne službe za poslove Gradskog vijeća Grada Sarajeva, gradonačelnica Grada Sarajeva je, shodno svojim ovlaštenjima i nadležnostima propisanim pozitivnim pravnim aktima, a nakon ukazane potrebe za usklađivanjem provedbenih propisa sa donesenim aktima, donijela Pravilnik o unutrašnjoj organizaciji i sistematizaciji radnih mjesta organa uprave i stručnih službi Grada Sarajeva, broj 01/04-04-3746/21 od 16.07.2021. godine.

Normativno uređenje unutrašnje organizacije i sistematizacije radnih mjesta u Gradu Sarajevu obuhvata primjenu sljedećih propisa:

- Zakon o principima lokalne samouprave u Federaciji Bosne i Hercegovine („Službene novine FBiH”, br. 49/06 i 51/09);
- Zakon o državnoj službi u Kantonu Sarajevo („Službene novine Kantona Sarajevo”, br. 31/16 i 45/19);
- Zakon o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine”, broj 49/05),
- Uredba o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo”, br. 39/16 i 10/17);
- Uredba o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici („Službene novine FBiH”, br. 69/05, 29/06 i 65/20);
- Uredba o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo”, br. 36/06, 8/12 i 39/16);
- Statut Grada Sarajeva („Službene novine Kantona Sarajevo“, broj 34/08 – prečišćeni tekst);
- Odluka o organizaciji i djelokrugu organa uprave Grada Sarajeva („Službene novine Kantona Sarajevo“, broj 24/21);
- Uredba o osnivanju Stručne službe gradonačelnice Grada Sarajeva, broj 01/04-04-3834/21 od 12.07.2021. godine i
- Uredba o osnivanju Stručne službe za poslove Gradskog vijeća Grada Sarajeva, broj 01/04-04-3835/21 od 12.07.2021. godine.

Broj i struktura uposlenih

Planiranje ljudskih resursa je stalni proces koji omogućava usklađivanje broja uposlenih u organu uprave i njihovih zanimanja sa stvarnim potrebama. U skladu s tim procesom i zadacima

definisanih nizom zakonskih i podzakonskih propisa koji se ne baš tako rijetko mijenjaju, dopunjavaju i donose novi, u cilju brzog i adekvatnog odgovora na potrebe i zadatke utvrđene tim propisima, vrši se angažovanje ljudskih resursa.

Funkcija upravljanja ljudskim resursima doprinosi organizaciji onoliko koliko je potrebno da bi ona ostvarila svoje ciljeve i realizovala organizacionu strategiju. To znači da resurse treba što racionalnije i efikasnije koristiti u ostvarenju organizacionih ciljeva. Uspjeh organa uprave neposredno zavisi o kvalitetu ljudskih resursa i o njihovoj upotrebljivosti, odnosno iskorištenosti. Svakako da zaposlenici trebaju biti motivirani i posjedovati stručna znanja i vještine koje će se u konačnici odraziti na uspješan i stručan rad organa uprave.

Sistematizacijom radnih mjesta osigurava se pravilna i ravnomjerna podjela rada, optimalno i ravnomjerno korištenje rada zaposlenika i njihovih stručnih i radnih sposobnosti, djelotvorno rukovođenje, koordinacija i nadzor nad izvršavanjem poslova i radnih zadataka.

U skladu sa donesenim Pravilnikom o unutrašnjoj organizaciji i sistematizaciji radnih mjesta organa uprave i stručnih službi Grada Sarajeva, donošenjem odgovarajućih rješenja izvršeno je postavljenje državnih službenika i namještenika koji su danom stupanja na snagu Pravilnika zatečeni na radu u organu državne službe Grada Sarajeva, na radna mjesta za koja ispunjavaju uslove utvrđene Pravilnikom. Osam uposlenika, nezadovoljnih donesenim rješenjima o postavljenju, uložili su žalbe Odboru državne službe za žalbe Federacije Bosne i Hercegovine. Dva postupka su okončana obustavljanjem vođenja postupka po žalbama, ostalih šest postupaka je još uvijek u toku.

U Gradu Sarajevu, pored radnih mjesta državnih službenika (uposlenici sa visokom školskom spremom, najmanje VII stepena stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja), Pravilnikom su obuhvaćena i radna mjesta namještenika (uposlenici sa višom, srednjom školskom spremom III i IV stepena i NK).

Za izvršavanje poslova i zadataka iz djelokruga organa uprave Grada Sarajeva, utvrđeno je ukupno 126 izvršilaca, od čega je trenutno popunjeno 70 radnih mjesta.

Za izvršavanje poslova i zadataka iz djelokruga Stručne službe gradonačelnice Grada Sarajeva, utvrđeno je ukupno 23 izvršioca od čega je trenutno popunjeno 10 radnih mjesta.

Za izvršavanje poslova i zadataka iz djelokruga Stručne službe Gradskog vijeća Grada Sarajeva, utvrđeno je ukupno 18 izvršioca, od čega je trenutno popunjeno 10 radnih mjesta

Shodno navedenom, od ukupno sistematizovanih 167 radnih mjesta trenutno je popunjeno 90 radnih mjesta, od čega 56 državnih službenika i 34 namještenika, što znači da je popunjenost 54 %.

Potrebno je napomenuti da su u Gradu Sarajevu, pored navedenih državnih službenika i namještenika, uposljeni i 5 funkcionera, i to: gradonačelnica Grada Sarajeva, dva zamjenika gradonačelnice Grada Sarajeva, predsjedavajući Gradskog vijeća Grada Sarajeva i zamjenica predsjedavajućeg Gradskog vijeća Grada Sarajeva koja je prijavljena na pola radnog vremena, dok jedan zamjenik predsjedavajućeg Gradskog vijeća Grada Sarajeva funkciju obavlja volonterski.

Popunjavanje upražnjenih radnih mjesta

Popunjavanje upražnjenih radnih mjesta vrši se prema ukazanoj potrebi za izvršavanjem određenih poslova i radnih zadataka iz nadležnosti Grada Sarajeva i u skladu sa finansijskim mogućnostima.

Upošljavanje državnih službenika i namještenika u Gradu Sarajevu se vrše u skladu sa pozitivnim pravnim propisima, odnosno na načine propisane Zakonom o državnoj službi u Kantonu Sarajevo („Službene novine Kantona Sarajevo“ br. 31/16 i 45/19) i Zakonom o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj 49/05).

U decembru mjesecu bile su u toku dvije konkursne procedure za prijem dva namještenika i četiri državna službenika.

Proceduru prijema namještenika provodi Grad Sarajevo i ona se nalazi u završnoj fazi, a odnosi se na sljedeća radna mjesta:

- a) Stručna služba gradonačelnice Grada Sarajeva:
Viši referent za poslove protokola u Odjeljenju za protokol – jedan (1) izvršilac
- b) Gradska služba za opću upravu i zajedničke poslove
Pomoćni radnik – higijeničar u Odsjeku za zajedničke poslove – jedan (1) izvršilac

Konkurs za prijem državnih službenika provodi se posredstvom Agencije za državnu službu Federacije Bosne i Hercegovine. i to za sljedeća radna mjesta:

- a) Stručna služba gradonačelnice Grada Sarajeva:
Stručni saradnik za normativno-pravne poslove u Odjeljenju za kabinetske poslove – jedan (1) izvršilac
Stručni saradnik za administrativne-poslove u Odjeljenju za kabinetske poslove – jedan (1) izvršilac
- b) Stručna služba Gradskog vijeća Grada Sarajeva:
Šef Odjeljenja za kabinetske poslove – jedan (1) izvršilac
- c) Gradska služba za lokalnu samoupravu i razvoj Grada:
Stručni saradnik za pripremu projekata u Odsjeku za pripremu projekata – jedan (1) izvršilac

U skladu sa članom 31. Zakona o državnoj službi u Kantonu Sarajevo, kojim je propisano da organ državne službe može, na osnovu pisanog sporazuma sa drugim organom državne službe u Bosni i Hercegovini, neovisno od nivoa vlasti i uz saglasnost državnog službenika, preuzeti državnog službenika sa iste ili slične pozicije, izvršno je preuzimanje dva državna službenika i to na sljedeća radna mjesta:

- pomoćnik gradonačelnice za finansije;
- stručni savjetnik za planiranje, projektovanje i analitiku u Odsjeku za urbanizam i investicije Gradske službe za urbano planiranje, investicije, stambene i komunalne poslove.

Godišnji odmori

Gradonačelnica Grada Sarajeva je, u skladu sa članom 49. Zakona o državnoj službi u Kantonu Sarajevo („Službene novine Kantona Sarajevo”, br. 31/16 i 45/19) i članom 49. Zakona o namještenicima u organima državne službe u Federaciji Bosne i Hercegovine („Službene novine Federacije BiH”, broj 49/05), a u vezi sa članom 14. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Kantona Sarajevo”, broj 6/20), donijela Plan godišnjih odmora za 2021. godinu, broj 01/04-30-2975/21 od 18.05.2021. godine kojim je utvrđeno trajanje i termin korištenja kolektivnog godišnjeg odmora za uposlenike Grada Sarajeva, i to 20 radnih dana u periodu od 02.08.2021. godine do 27.08.2021. godine.

U skladu sa Planom godišnjih odmora za 2021. godinu, pristupilo se donošenju pojedinačnih rješenja o utvrđivanju i korištenju godišnjih odmora. Ostvarivanjem prava na korištenje godišnjeg odmora, državni službenici i namještenici stekli su pravo na naknadu regresa za korištenje godišnjeg odmora koji je utvrđen Odlukom o utvrđivanju i isplati regresa za korištenje godišnjeg odmora za 2021. godinu, broj 01/04-30-2977/21 od 18.05.2021. godine.

Ocjenjivanje

Ocjenjivanje podrazumijeva nadzor i ocjenu rada državnih službenika i namještenika vezano za izvršavanje dužnosti utvrđenih radnim mjestom u toku perioda ocjenjivanja.

U skladu sa odredbama Zakona o državnoj službi u Kantonu Sarajevo i Zakona o namještenicima u organima državne službe u Federaciji Bosne i Hercegovine te odredbama Pravilnika o ocjenjivanju rada državnih službenika („Službene novine Kantona Sarajevo“, broj 50/17), početkom kalendarske godine izvršeno je ocjenjivanje rada državnih službenika i namještenika za prethodnu godinu. Konačnu ocjenu putem odgovarajućeg rješenja donio je gradonačelnik Grada Sarajeva na prijedlog neposrednih rukovodioca.

Stručna usavršavanja

Državni službenici i namještenici su obavezni da neprestano rade na svom obrazovanju i stručnom usavršavanju.

Neprestani rad na obrazovanju i stručnom usavršavanju prvenstveno podrazumijeva redovno upoznavanje sa važećim propisima iz oblasti rada i novim tehnologijama, odnosno sa propisima neophodnim za obavljanje poslova radnog mjesta na koje je državni službenik ili namještenik postavljen.

Shodno odredbama Pravilnika o obrazovanju i stručnom usavršavanju državnih službenika i namještenika Grada Sarajeva, obrazovanje i stručno usavršavanje može biti organizovano od strane Agencije za državnu službu te od strane ovlaštene organizacije u zemlji i inostranstvu, dok pojedine oblike stručnog usavršavanja može neposredno organizovati Grad Sarajevo osiguravanjem kvalificiranih predavača i drugih potrebnih uslova za uspješno odvijanje obuke. Stručno usavršavanje državnih službenika koje provodi Agencija za državnu službu Federacije Bosne i Hercegovine realizuje se u skladu sa Uredbom o stručnom usavršavanju u organima državne službe Federacije Bosne i Hercegovine („Službene novine Federacije Bosne i

Hercegovine”, broj 26/21). Obzirom na epidemiološku situaciju koja je bila dosta nepovoljna tokom 2021. godine, obuke su u većem broju slučajeva bile organizovane online.

Pored usavršavanja državnih službenika u organizaciji Agencije za državnu službu Federacije Bosne i Hercegovine, obrazovanje i usavršavanje je vršeno i od strane ovlaštenih organizacija u zemlji.

Prilikom prijavljivanja državnih službenika i namještenika na obuke vodilo se računa o namjeni obuke i radnom mjestu na koje su uposlenici raspoređeni.

Prestanak radnog odnosa

U izvještajnom periodu, uslijed ispunjavanja uslova za odlazak u penziju, prestao je radni odnos jednom namješteniku i dva državna službenika.

Jednom državnom službeniku prestao je radni odnos zbog nastupanja smrti.

Jedan državni službenik je, u skladu sa članom 52. tačka a) Zakona o državnoj službi u Kantonu Sarajevo kojim je propisano da državnom službeniku prestaje radni odnos u organu državne službe u slučaju dobrovoljnog istupanja iz službe, podnio zahtjev za dobrovoljno istupanje iz službe. Navedenom zahtjevu je udovoljeno.

Jedan državni službenik podnio je zahtjev za neplaćeno odsustvo u trajanju od godinu dana zbog školovanja koje nije obuhvaćeno organizovanim oblicima obuke koju provode organi i institucije u FBiH odnosno u BiH, a koje će doprinijeti usavršavanju imenovanog državnog službenika na poslovima koje trenutno obavlja i koje je blisko njegovoj dosadašnjoj profesionalnoj orijentaciji. Navedenom zahtjevu je, također, udovoljeno.

Inspeksijski nadzor

Tokom 2021. godine u Gradu Sarajevo obavljeno je ukupno 8 inspeksijskih pregleda vezanih za provođenje propisa obuhvaćenih Zakonom o državnoj službi u Kantonu Sarajevo.

U okviru realizacije Plana službenih nadzora za 2020. godinu upravnog inspektorata Ministarstva pravde i uprave Kantona Sarajevo, u periodu od 19., 20., 21., 22., i 27. januara 2021. godine izvršen je inspeksijski nadzor u Gradu Sarajevu, kojim je obuhvaćen nadzor nad primjenom pravnih propisa kojima su regulisana pitanja organizacije organa uprave i radnih odnosa.

Sedam inspeksijskih pregleda obavljeno je po podnesenim prijavama, dok se u dva slučaja podnesene prijave, inspekcija oglasila nenadležnom. Grad Sarajevo u potpunosti postupio u skladu sa izrečenim mjerama.

Radne aktivnosti u toku pandemije

Kako su ovom izvještajnom periodu bile na snazi mjere propisane Zaključkom Skupštine Kantona Sarajevo, usvojene na sjednici održanoj dana 15.03.2021. godine, u skladu sa Naredbom Kolegija gradonačelnika Grada Sarajeva, broj 01/04-30-1325/21 od 16.03.2021. godine, preduzete su odgovarajuće mjere u cilju zaštite zdravlja i života uposlenika Grada Sarajeva i članova njihovih porodica.

Navedene mjere su u potpunosti ispoštovane do stavljanja van snage istih Naredbom Kolegija gradonačelnice Grada Sarajeva, broj 01/04-30-1325-2/21 od 18.05.2021. godine.

Zaključna razmatranja

Unutrašnja organizacija i sistematizacija radnih mjesta treba da obezbijedi, prije svega, zakonit i pravilan rad, efektivnost i ekonomičnost postupanja, javnost i transparentnost, efikasnu kontrolu i odgovornost za rad i postupanje, jednostavne procedure rada i optimalno korištenje ljudskih, finansijskih, materijalnih, tehničkih i drugih resursa ovog organa.

Potreban je kontinuisan rad na efikasnijoj primjeni zakonskih i podzakonskih propisa, internih pravilnika, zaključaka, odluka, procedura, boljoj disciplini na radu, motiviranosti zaposlenika, te stalni rad na održavanju i unaprjeđenju usvojenih vještina.

Također, i u narednom periodu, ukoliko se ukaže potreba usklađivanja sistematizacije radnih mjesta sa novim zahtjevima pravne prirode i ukazanim potrebama po pitanju opisa poslova i slično, bit će potrebno vršiti odgovarajuću izmjenu i dopunu Pravilnika o unutrašnjoj organizaciji i sistematizaciji radnih mjesta organa uprave i stručnih službi Grada Sarajeva, jer samo pravilna i adekvatna unutrašnja organizacija može maksimalno upotrijebiti ljudski potencijal i raditi na njegovom stalnom usavršavanju.

Potrebno je raditi i na razvijanju i podizanju nivoa svijesti uposlenika o neophodnoj edukaciji, a posebno mlađih kadrova, radi sticanja dodatnih stručnih znanja i samopouzdanja prilikom izvršavanja svakodnevnih zadataka.

4. Javne nabavke

Grad Sarajevo je 2021. godine, provodio procedure javnih nabavki za nabavku roba, pružanja usluga i izvođenja radova u skladu sa planom javnih nabavki te osiguranim sredstvima u Budžetu Grada Sarajeva.

U cilju pravilne primjene Zakona o javnim nabavkama BiH, Grad Sarajevo je:

- provodio postupke javnih nabavki u skladu sa Planom nabavki;
- provodio edukaciju uposlenika koji imaju kontakte sa javnim nabavkama kako bi bili upoznati sa propisima o javnim nabavkama;
- tendersku dokumentaciju pripremali stručno i kvalitetno u pogledu količine specifikacija, detaljnih tehničkih opisa, i sa specifikacijama poslova i zadataka (ukoliko se radi o nabavci usluga);
- za članove Komisije za javnu nabavku imenovana lica koja posjeduju stručnu sposobnost u oblasti predmeta javne nabavke;
- koordinacije sa svim službama Gradske uprave vezano za javne nabavke;
- provodio postupke javnih nabavki po utvrđenim procedurama;
- vršio ispitivanje tržišta;
- kvalitetno pripremao tenderske dokumentacije u tehničkom i pravnom smislu;
- vršio odabir najpovoljnije ponude;
- izvršio pripreme odluka, ugovora i sporazuma koje zaključuje ugovorni organ a koji se odnose na primjenu propisa iz oblasti obligaciono-pravnih odnosa;
- rješavao predmeta po prigovoru i odgovore na žalbe ponuđača;

- vršio evidencije akata i predmeta, ponuda prispjelih po provedenom javnom nadmetanju;
- izrade zapisnika sa otvaranja ponuda, dostave zapisnika ponuđačima;
- izrade zapisnika sa sastanaka komisija, izvještaji o radu komisija;
- dostavljanje obavještenja o nabavci i obavještenja o dodjeli ugovora i izvještaja o postupku provedene nabavke Agenciji za javne nabavke, kao i u Službeni glasnik BiH.

Osnovni elementi zaključenih ugovora u 2021. godini objavljeni su na web strani ugovornog organa.

Grad Sarajevo je u periodu od 01.01.2021. do 31.12.2021. godine proveo postupke javnih nabavki u vrijednosti preko 1000 KM, i to:

- Direktni sporazum – 142;
- Otvoreni postupak – 3;
- Konkurentski zahtjev – 5;
- Pregovarački postupak bez objave obavještenja o nabavci – 1 i
- Usluge iz Aneksa II dio B-4, kao i postupke do 1000 KM, i to:
- Direktni sporazum – 37

5. Poslovi pisarnice

Odsjek za poslove pisarnice je u periodu 01.01.-31.12.2021. godine u potpunosti poslovao prema odredbama Pravilnika o kancelarijskom poslovanju Federacije Bosne i Hercegovine.

Prijem i otpremu pošte Odsjek je obavljao blagovremeno. Sve povjerene poslove, uz povremenu pojavu određenih poteškoća uslovljenih brzinom, vremenskim okvirom ili metodološkim pristupom, uposlenici Odsjeka su blagovremeno i kvalitetno obavljali.

Pisarnica u svom poslovanju koristi obrasce i knjige propisane Pravilnikom o kancelarijskom poslovanju, u cilju što boljeg praćenja kretanja pošte. Posebno u trenutku kada Grad Sarajevo djeluje na tri lokacije (zgrada DPO, zgrada Vječne vatre i Vijećnice), uvedene su dodatne evidencije akata kroz knjige interne pošte. U iste je, prema evidenciji, uneseno 5.697 predmeta poslanih na signiranje i preko 2.000 predmeta za potpis i ovjeru.

Također, evidentirano je da su uposlenici Odsjeka za poslove pisarnice nakon prijema i signiranja ili na zahtjev neposrednog izvršioca u Djelovodnik predmeta i akata u 2021. godini zaveli 7.563 predmeta.

Kroz knjigu posebnih evidencija – Knjigu zaprimljenih računa, Pisarnica je evidentirala, zaprimila i na izvršenje dostavila 1.850 računa.

Svojim radom, Pisarnica je djelotvorno povezivala građane, institucije, organizacije i organe sa Gradskom upravom kao jedinicom lokalne samouprave, kao i uposlenike pisarnice uključene u zajedničku obradu dostavljenih predmeta.

Eksterna pošta je uglavnom blagovremeno otpremana kurirom ili kroz knjigu pošte posredstvom PTT službe, a unutrašnja organizacija podjele i dostave pošte nije posebno evidentirana, ali je bila blagovremena i odgovorna.

Iako Odsjek nema potrebne resurse i zadužene osobe za arhivske poslove, pisarnica je u skladu sa svojim mogućnostima organizovala vršenje istih.

Sa „ArhivServisom“ d.o.o. Sarajevo kao specijaliziranom organizacijom za obavljanje ovakvih poslova uspostavljena je dobra saradnja.

Pored redovnih poslova, vrijedi istaći da se u prostoriji pisarnice nalazi i sistem za otvaranje ulaznih vrata, kako na samom ulazu, tako i na ulazu na trećem spratu. S tim u vezi, uposlenici pisarnice su obavljali i poslove prijema svih stranaka i upućivanja na nadležne službe.

U toku obavljanja poslova iz djelokruga rada, uposlenici Odsjeka za poslove pisarnice su nastojali imati korektne i dobre odnose kako sa građanima tako i sa radnim kolegama.

6. Informatički poslovi

Odsjek za informatičke poslove je u toku izvještajnog perioda osiguravao sljedeće:

- tehničke uslove za rad uposlenih u organima uprave Grada Sarajeva;
- pravio plan ekonomske iskoristivosti računarske, programske, komunikacione i druge prateće opreme (serveri, PC, softverske aplikacije, štampači, skeneri, memorijski uređaji i sl.);
- učestvovao u poslovima organa uprave Grada Sarajeva u organizaciji i suorganizaciji javnih manifestacija;
- pravio plan unaprjeđenja informacionih i komunikacionih tehnologija za potrebe službi i učestvovao u realizaciji, planirao i predlagao nabavku nove opreme, tehnologija, sredstava za rad, za potrebe realizacije svih poslova iz djelokruga organa uprave;
- sačinjavao procjenu potrebnih finansijskih sredstava, koja se za ove namijene trebaju planirati u budžetu na godišnjem nivou; pratio utrošak navedenih finansijskih sredstava i odgovarao za njihovo namjensko trošenje;
- organizovao vršenje video kontrole pristupa objektima putem video nadzora.

7. Zajednički poslovi

Poslovi koji su se obavljali u sklopu Odsjeka za zajedničke poslove prevashodno su se odnosili na poslove koji su organizaciono i tehnički vezani za sve službe, i to:

- održavanje službenih vozila (nadzor o registraciji i osiguranju kao i kasko osiguranju službenih vozila, praćenje održavanja i servisiranja službenih vozila, nadzor čišćenja i pranja službenih vozila);
- izdavanje putnih naloga (svaki mjesec i po potrebi), nadzor svih putnih naloga, računa i troškova službenih vozila kao i arhiviranje istih;
- dorada i izrada novih pravilnika (Pravilnik o zaštiti na radu, Pravilnik o zaštiti od požara);
- nabavka i distribucija kancelarijskog materijala kao i poslovi umnožavanja materijala;
- nabavka štampe grafičkih proizvoda i učestvovanje u izradi dizajna banera, plaketa, zahvalnica, poziva itd;
- poslovi organizacije i suorganizacije javnih manifestacija (kontinuisano);
- program investicijskog održavanja objekata, održavanje unutrašnjosti (kontinuisano);
- održavanja službenih prostorija (čišćenje, nabavka sanitarnog materijala);
- održavanje protupožarnog sistema;
- održavanje sistema grijanja (gasne kotlovnice, plinskih bojlera i cirkulacionih pumpi);

- izrada specifikacije i dokumentacije za provođenja procedura javnih nabavki za sve poslove koje se tiču Odsjeka za zajedničke poslove ali i čitave uprave;
- izrada plana obezbjeđenja, investicionog i tekućeg održavanja i uređenja pokretnih i nepokretnih stvari u vlasništvu Grada Sarajeva.

2. GRADSKA SLUŽBA ZA LOKALNU SAMOUPRAVU I RAZVOJ GRADA

I Budžet Grada Sarajeva za 2021. godinu

I 1. Javne kuhinje

U Budžetu Grada Sarajeva za 2021. godinu („Službene novine Kantona Sarajevo“, broj 2/21) na kontu 614300 – Grantovi neprofitnim organizacijama, br. 31. bio je utvrđen iznos od 60.000,00 KM za opremanje i uređenje prostora narodnih kuhinja u gradu – obezbjeđenje hrane i drugih potreba Javnih kuhinja u gradu. Prema podacima JU Kantonalni centar za socijalni rad – Sarajevo, od 26.03.2021. godine u gradu, odnosno Kantonu Sarajevo, bilo je evidentirano 2.699 korisnika toplog obroka u javnim kuhinjama i to:

Javna kuhinja	Broj korisnika za mart 2021.
Crveni križ	1.056 korisnika
Caritas	49 korisnika
Kruh Svetog Ante	246 korisnika
Merhamet	686 korisnika
Stari Grad	623 korisnika
Dobrotvor	39 korisnika
Ukupno:	2.699 korisnika

Na osnovu broja korisnika toplog obroka u javnim kuhinjama, kao jedinog i osnovnog kriterija, te raspoloživih sredstava u iznosu od 60.000,00 KM (cca. 22 KM po korisniku), u skladu sa prijedlogom Službe, gradonačelnica je utvrdila raspored sredstava, te su sa šest javnih kuhinja na području grada potpisani odgovarajući ugovori o realizaciji odobrenih sredstava iz Budžeta Grada Sarajeva za 2021. godinu.

Javna kuhinja	Raspored sredstava 2021.
Crveni križ	23.500,00 KM
Caritas	1.500,00 KM
Kruh Svetog Ante	6.000,00 KM
Merhamet	15.000,00 KM
Stari Grad	13.000,00 KM
Dobrotvor	1.000,00 KM
Ukupno:	60.000,00 KM

I 2. Saradnja sa vjerskim zajednicama i crkvama

Ukupno planirana sredstva u Budžetu Grada Sarajeva za 2021. godinu („Službene novine Kantona Sarajevo“, broj 2/21) na poziciji 614100: Tekući grantovi drugim nivoima 13. Sredstva za vjerske zajednice i crkve, iznosila su 100.000,00 KM. Na osnovu pokazatelja sadržanih u podnesenim zahtjevima crkava i vjerskih zajednica i prikazanih u Evidencijskoj listi te u skladu sa odredbama Pravilnika o kriterijima za raspodjelu i dodjelu sredstava tekućeg granta u Budžetu Grada Sarajeva namijenjenog za potrebe vjerskih zajednica i crkava, gradonačelnica je razmatrala prispjele zahtjeve za 2021. godinu te shodno mišljenju Službe, formirala prijedlog raspodjele sredstava. Shodno članu 6. stav 2. navedenog Pravilnika a prije donošenja konačne odluke o dodjeli sredstava, gradonačelnica je prijedlog za raspodjelu sredstava, uputila na mišljenje Komisiji za odnose sa vjerskim zajednicama i crkvama te je na isti dato pozitivno mišljenje.

Po okončanju navedene, propisane procedure, sačinjeni su i potpisani odgovarajući pojedinačni ugovori te su realizovana sredstva planirana u Budžetu Grada Sarajeva za 2021. godinu, u ukupnom planiranom iznosu, kako slijedi:

Islamska vjerska zajednica (50 %) 50.000 KM

- Islamska zajednica u Bosni i Hercegovini, Medžlis Islamske zajednice Sarajevo – Izvršni odbor finansiranje izgradnje abdesthane u džamiji Jedileri – Sedam braće 8.000,00 KM;
- Finansiranje rekonstrukcije krova i munare džamije Nova mahala – 8.000,00 KM;
- Finansijsku podrška za najave iftara u mjesecu Ramazanu 2021. – 5.000,00 KM;
- Finansijska podrška za adaptaciju Lubine džamije (Vratnik) – 8.000,00 KM;
- Islamska zajednica u Bosni i Hercegovini, Studentski centar IZ u BiH, sufinansiranje opremanja sportskih sadržaja Studentskog centra – 5.000,00 KM;
- Udruženje derviških redova BiH Tarikatski centar Sarajevo, Hadži Sinanova tekija – finansijska podrška za nabavku tepiha za Tekiju – 6.000,00 KM;
- Islamska zajednica u Bosni i Hercegovini, Medžlis Islamske zajednice Višegrad – Izvršni odbor, finansijska pomoć u izgradnji porušene džamije u Orahovicama – 10.000,00 KM.

Katolička crkva (25 %) 25.000 KM

- Franjevačka teologija Sarajevo, finansijska podrška za rekonstrukciju amfiteatra – 3.000,00 KM;
- Župa svetog Franje Asiškog, Dobrinja Sarajevo, podrška za realizaciju prostornog uređenja crkve svetog Franje Asiškog – 2.000,00 KM;
- Župa Uznesenja Blažene Djevice Marije Stup, finansijska pomoć pri obnovi i uređenju župne crkve i svetišta – 2.000,00 KM;
- Kaptol Vrhbosanski – katedrala Srca Isusova – finansijska pomoć za redovno održavanje katedrale – 3.000,00 KM;
- Medijski centar Vrhbosanske Nadbiskupije, finansijska pomoć izdavačkoj djelatnosti Katolički tjednik – 2.000,00 KM;

- Župa svetog Ivana Krstitelja– Donja Tramošnica, Pelagićevo – finansijska pomoć uređenju knjižnice i galerije „Fra Lovro Milanović“ – 3.000,00 KM;
- Vrhbosansko bogoslovno sjemenište Sarajevo – podrška za obnovu fasade na nacionalnom spomeniku kulture Katolička bogoslovija s crkvom Ćirila i Metoda – 4.000,00 KM;
- Franjevački samostan SVETI ANTO Sarajevo – podrška za sanaciji zvonika crkve sv. Ante na Bistriku – 6.000,00 KM.

Pravoslavna crkva (20 %) 20.000 KM

- Saborna crkva Rođenja presvete Bogorodice Sarajevo – finansijska podršku nastavka radova na ikonostasu Saborne crkve 7.000,00 KM;
- Srpska pravoslavna Crkvena opština Sarajevo – finansijska podršku za adaptaciju pojedinih unutrašnjih dijelova kompleksa Stare pravoslavne crkve na Baščaršiji (Hram svetih arhangela Mihaila i Gavrila) – 8.000,00 KM;
- Srpska pravoslavna Crkvena opština Dolačka u Novom Sarajevu – finansijska pomoć za održavanje objekta hrama Svetog Preobraženja – 5.000,00 KM.

Jevrejska vjerska zajednica (5 %) 5.000 KM

- Jevrejska opština Sarajevo finansijska pomoć za pripremne radove na obnovi fasade zgrade Jevrejske opštine – 5.000,00 KM.

I 3. Ostala realizovana budžetska izdvajanja:

- 10.000 KM Obrtničkoj komori Kantona Sarajevo za realizaciju Sporazuma o saradnji na osnaživanju obrtničke djelatnosti;
- 10.000 KM Udruženju Vijeće Kongresa bošnjačkih intelektualaca za programske i redovne aktivnosti;
- 10.000 KM Udruženju Vijeće Kongresa bošnjačkih intelektualaca za sufinansiranje XI toma enciklopedijskog rječnika bosanskog jezika, autora akademika prof. dr. Dževada Jahića;
- 5.000 KM Srpskom građanskom vijeću – Pokret za ravnopravnost u BiH, za programske i redovne aktivnosti;
- 5.000 KM Udruženju „Hrvatsko narodno vijeće u Bosni i Hercegovini“, za programske i redovne aktivnosti;
- 2.500,00 KM Akademiji nauka i umjetnosti Bosne i Hercegovine za projekt pripreme i štampanja Zbornika radova „Reforma izbornog zakonodavstva Bosne i Hercegovine“;
- 20.000 KM Akademiji nauka i umjetnosti Bosne i Hercegovine za finansiranje međunarodnog naučnog skupa „Političko/pravni i zakonski položaj Grada Sarajeva u sistemu lokalne samouprave u Bosni i Hercegovini: mogućnost reforme, nadležnosti i teritorijalne organizacije“;
- 10.000 KM Akademiji nauka i umjetnosti Bosne i Hercegovine za sufinansiranje programskih i projektnih aktivnosti ANU BiH;

- 5.000 KM Udruženju „Život sa Downovim sindromom“ za Projekat „Socijalna inkluzija djece sa posebnim potrebama;
- 5.000 KM Udruženju oboljelih od Morbus Crohna i ulceroznog colitisa u BiH, za redovne programske aktivnosti Udruženja;
- 1.000 KM Udruženju oboljelih od Morbus Crohna i ulceroznog colitisa u BiH, za obilježavanju Svjetskog dana upalnih bolesti crijeva – IBD – osvjetljavanje Vijećnice u odgovarajućoj boji, u cilju ukazivanja široj javnosti na položaj oboljelih;
- 5.000 KM Udruženju osoba oboljelih od celijakije „No gluten“ KS, za nabavku i dodjelu bezglutenskih proizvoda članovima Udruženja;
- 500 KM Udruženju dijabetičara Kantona Sarajevo – pokroviteljstvo nad realizacijom štampanja časopisa za dijabetičare „Bolji život“ – ljetno izdanje povodom 21. rođendana Udruženja;
- 10.000 KM Fondaciji lokalne demokratije za projekat „Sigurna kuća“;
- 5.000 KM Udruženju generala BiH, za aktivnosti Udruženja;
- 10.000 KM Udruženju roditelja ubijene djece opkoljenog Sarajeva 1992.-1995., za realizaciju planskih aktivnosti Udruženja;
- 20.000 KM Udruženju „Srce za djecu oboljelu od raka“, podrška radu udruženja za Projekat „Roditeljska kuća“;
- 10.000 KM Think Pink – Zajedno smo jedno za korištenje sredstava iz Budžeta Grada Sarajeva za 2021. godinu, za realizaciju projekta „Trka/šetnja za ozdravljenje – Race for the Cure 2021“;
- 5.000 Savezu nacionalnih manjina Kantona Sarajevo za za sufinansiranje projekta „Minority 2021 – Dani nacionalnih manjina“;
- 2.000 KM Udruženju „Braća Romi“ za obilježavanje tradicionalnih praznika i redovne aktivnosti Udruženja;
- 2.500 KM Udruženju logoraša Novi Grad Sarajevo 92.-96. za projekat „Psihoterapija za članove udruženja“;
- 2.500 KM Udruženju logoraša i logorašica Novi Grad Sarajevo a preventivne ljekarske preglede članstva i redovne aktivnosti;
- 2.000 KM Udruženju „Žena – žrtva rata“ za izradu promotivnog materijala neophodnog za rad Udruženja;
- 10.000 KM Vatrogasnom savezu Kantona Sarajevo - vatrogasna društava: „Alipašin most“, „Bjelave“ i „Novo Sarajevo 1934“, za redovan rad i funkcionisanje vatrogasnih društava;
- 5.000 KM Hrvatskom kulturnom društvu „Napredak“, za podršku programskim aktivnostima;
- 5.000 KM Bošnjačkoj zajednici kulture „Preporod“, za podršku programskim aktivnostima;
- 5.000 KM Jevrejskom kulturno-prosvjetnom i humanitarnom društvu „La benevolencija“, za podršku programskim aktivnostima;
- 5.000 KM Srpskom prosvjetnom i kulturnom društvu „Prosvjeta“, za podršku programskim aktivnostima;

- 10.000 KM Udruženju „Asocijacija nezavisnih intelektualaca – Krug 99“, za redovan rad Asocijacije;
- 10.000 KM Udruženju za očuvanje jevrejske kulture i tradicije i promociju turističkih potencijala „Haggadah“, za projekat „Stradanje sarajevskih Jevreja u Drugom svjetskom ratu“;
- 5.000 Udruženju samostalnih taksi vozača „Sarajevo taksi“ – sufinansiranje projekta „Uvođenje modernih tehnologija u taksi prijevoz, koje se ogledaju u upotrebi mobilne aplikacije za pozive taksistima i bezgotovinskog (kartičnog) plaćanja u taksi prijevozu u gradu Sarajevu“;
- 10.000 KM JU Fond memorijala Kantona Sarajevo – Organizacioni odbor manifestacije „Obrana BiH – Igman 2021“;
- 2.000 KM Savezu udruženja antifašista i boraca Narodnooslobodilačkog rata u Kantonu Sarajevo za održavanje manifestacije obilježavanja jubileja 80 godina od Ustanka naroda Bosne i Hercegovine 27. jula 1941.;
- 2.000 Savezu antifašista i boraca Narodnooslobodilačkog rata u Bosni i Hercegovini za održavanje manifestacije obilježavanja jubileja 80 godina od Ustanka naroda Bosne i Hercegovine 27. jula 1941.;
- 5.000 KM Udruženju veterana Odreda policije za specijalne namjene „Lasta“ za pružanja pomoći za socijalno ugrožene šehidske porodice i porodice poginulih boraca;
- 5.000 Savez udruženja osoba s cerebralnom paralizom FBiH, za projekta „Osnaživanje žena i djevojaka za uključivanja u organe upravljanja organizacija osoba sa onesposobljenjem“;
- 5.000 KM Ekološkom društvu za uzgoj i zaštitu sitnih životinja „Edzup“ za sufinansiranje nabavke lijekova za zaštitu zdravlja sitnih životinja na području grada Sarajeva i hrane za iste.

II Projekti sa međunarodnih finansijskih linija i fondova

U okviru rada Odsjeka za pripremu projekata Gradske službe za lokalnu samoupravu i razvoj grada u 2021. godini implementirani su projekti iz sljedećih oblasti: urbana mobilnost, zaštita okoliša, poduzetništvo, unaprjeđenje procesa obrazovanja, digitalizacija, održivi razvoj, smart city, saradnja sa dijasporom, kultura, upravljanje otpadom, energetska efikasnost, itd.

U proteklom periodu, sljedeći projekti su odobreni za finansiranje, te uspješno implementirani ili su i dalje u procesu implementacije:

Projekat „Connecting Nature“ koji je finansiran iz programa Horizon 2020 sa ukupnim iznosom od 10.8 miliona EUR, a gdje je Grad Sarajevo pridruženi član

„Connecting Nature“ je petogodišnji projekat ukupne vrijednosti 10.8 miliona EUR koji je finansiran od strane EU Programa za inovacije – Horizon 2020. Projekat okuplja 30 projektnih partnera iz domena lokalne samouprave, industrije, nevladinog sektora i akademske zajednice.

Cilj projekta je pozicionirati Evropu kao globalnog lidera u oblasti inovacija i implementacije rješenja baziranih na prirodi.

Grad Sarajevo u ovom projektu učestvuje posredstvom Sarajevske regionalne razvojne agencije, SERDA koja je partner na projektu. Projekat tretira mogućnosti iznalaženja pogodnih prirodnih, ekološki ispravnih rješenja, a koja su ujedno u funkciji postizanja ciljeva održivog razvoja u gradovima.

U sklopu projekta, radi se na pilot aktivnosti – uspostavljanje prve urbane bašte sa elementima senzornog parka u Sarajevu. Pilot aktivnost realizuju Grad Sarajevo i SERDA u saradnji sa Školom za srednje stručno obrazovanje i radno osposobljavanje koja ima idealan prostor za uspostavljanje jedne takve bašte te sa Općinom Novo Sarajevo na čijem se području nalazi ova Škola, odnosno prostor za urbanu baštu.

Urbana bašta će biti otvorena za sve građane, ali je ipak poseban fokus stavljen na djecu sa poteškoćama u razvoju koji će baštu koristiti u edukativne svrhe kao i za razvoj svojih vještina i znanja. Također, poseban je fokus stavljen i na osobe treće životne dobi, tačnije korisnike Centra za zdravo starenje koji se nalazi u blizini i kojima će jedna ovakva bašta i aktivnosti vezane za nju značiti puno te obezbijediti kvalitetan sadržaj za vrijeme koje provode u Centru.

Obzirom na značaj uspostavljanja jedne ovakve urbane bašte te da se radi o prvoj bašti ove vrste u Sarajevu, cilj nam je da ova bašta bude primjer dobre prakse koji će se replicirati i na druga područja, kako u Sarajevu, tako i širom BiH, ali i šire.

U decembru mjesecu održali smo javne konsultacije, odnosno urban lab, na jedan inovativan način, gdje su svi prisutni mogli da podijele svoje ideje i vizije o izgledu i sadržaju urbane bašte. Rezultat javnih konsultacija kao i rezultat pojedinačnih sastanaka uzeti su u obzir pri kreiranju idejnog rješenja urbane bašte. Planirano je da se u februaru mjesecu finalizira idejno rješenje, kako bi se krenulo sa finalnom realizacijom ove aktivnosti i zvaničnim otvorenjem urbane bašte sa elementima senzornog parka.

Projekat „100 besplatnih web sitova/web shopova“ – program podrške poduzetništvu u saradnji sa kompanijom Laganoo iz Podgorice

Doba pandemije otežalo je poslovanje mnogim privrednicama, ali je i ubrzalo proces digitalizacije, dodatno naglašavajući potrebu da poduzetnici svoje poslovanje prošire i na virtuelni prostor. Grad Sarajevo, u saradnji sa agencijom Laganoo, prepoznao je potrebe da pomogne privrednicima da pozicioniraju svoje poslovanje u online svijetu i prilagode se digitalnim promjenama koje se neprekidno dešavaju.

Agencija Laganoo odlučila je da posredstvom Grada Sarajeva donira besplatnih 100 web sajtova odnosno online prodavnica za poduzetnike iz Sarajeva uz godinu dana besplatnog održavanja. Donacija je ukupne vrijednosti 100.000 EUR.

Raspisan je javni poziv a svi oni koji su zadovoljili uslove mogli su birati između web sajta ili web shopa (online prodavnice). Nakon izrade web sajta ili web prodavnice, obezbijedit će im se obuka za ažuriranje i dodavanje novih proizvoda. Javni poziv je završen, a trenutno je u procesu izrada web stranica za odabrane poduzetnike.

„Impakt inkubator poslovnih ideja“ – podrška razvoju preduzetništva i očuvanju radnih mjesta preduzetnika i malih preduzeća

U sklopu zajedničke saradnje između Grada Sarajeva i Investicijske fondacije IMPAKT u 2021. godini realizovan je program „IMPAKT inkubator poslovnih ideja“ koji ima za cilj pružanje preduzetničke obuke te kroz finansijsku, stručnu i mentorsku podršku omogućava osnivanje 5 novih poslovnih poduhvata na području 4 gradske općine (Stari Grad, Centar, Novo Sarajevo i Novi Grad). Program se realizuje uz podršku Švicarske agencije za razvoj i saradnju (SDC).

Program je uspješno završen u decembru 2021. godine i 5 najboljih ideja je nagrađeno sa po 5.000 KM, a pored toga svi ostali učesnici u programu imali su mogućnost da besplatno dobiju izradu web stranice/web shopa što je omogućio Grad Sarajevo.

Pored toga, ukupno 27 osoba sa poslovnim idejama prošlo je kvalitetnu poduzetničku obuku koja im je pružila znanja i vještine od velikog značaja za njihovo buduće poduzetničko putovanje.

Grad Sarajevo i Slovačka ambasada u BiH: Opremanje kabineta u Zavodu Mjedenica

Projekat Grada Sarajeva „Jednako obrazovanje za sve“ koji će finansirati Slovak Aid, slovačka agencija za međunarodnu saradnju i razvoj će nabaviti specifičnu opremu za logopedski i kineziološki kabinet u JU Zavod Mjedenica.

JU Zavod za specijalno obrazovanje i odgoj djece Mjedenica je obrazovno-odgojna ustanova koja se bavi obrazovanjem, odgojem, habilitacijom, rehabilitacijom, socijalnom integracijom i inkluzijom djece i odraslih sa teškoćama u razvoju.

Svaki dio planirane opreme predstavlja korak bliže njihovom osposobljavanju i jačanju kao pojedinaca i članova našeg društva. Opremanje ovih kabineta je od velikog značaja prvenstveno za samu djecu kojima će oprema i kabineti pomoći da unaprijede svoje vještine, roditeljima kojima puno znači svaki vid napretka koji njihova djeca naprave, a i samom pedagoškom osoblju kojima će ova oprema pomoći da postižu bolje rezultate i napredak u radu s djecom.

Ovim projektom željeli smo dati svoj doprinos unaprjeđenju sistema edukacije i rehabilitacije za djecu sa poteškoćama u razvoju, održavanju i obnavljanju njihove funkcionalne pokretljivosti te Zavod opremiti za pružanje usluga kompletnih fizikalnih terapija za aktuelne i buduće generacije koje će pohađati ovu ustanovu.

Projekat Biciklističke staze Sarajevo – Pale

U junu 2020. godine potpisan je Memorandum o razumijevanju od strane tri općine - Pale, Istočni Stari Grad i Stari Grad Sarajevo, te Grada Sarajeva. Potpisnici su se dogovorili da zajednički pristupe razvoju turističke ponude na prostoru Grada Sarajeva i navedene tri općine, kroz razvoj projekta Biciklističke staze Sarajevo – Pale. Izrađena je studija izvodljivosti za navedenu stazu i lansiran je tender za odabir izvođača.

Nabavka modernih kanti za sitni ulični otpad u saradnji sa njemačkom razvojnom agencijom GIZ i KJKP „Rad“

Zbog evidentnog nedostatka korpi za odlaganje smeća na ulicama našeg grada, Grad Sarajevo je inicirao ovaj projekt koji ima za cilj poboljšanje komunalnih usluga na području sve četiri gradske općine.

Potpisivanjem Sporazuma između Njemačke razvojne agencije GIZ i KJKP „RAD“ d.o.o., ozvaničen je dogovor nabavke 150 kanti za sitni ulični otpad u Sarajevu ukupne vrijednosti 53.925,30 KM. Iste su postavljene na novim lokacijama s metalnim poklopcima koje sprječavaju širenje otpada.

Odabir lokacija je izvršen u saradnji Grada Sarajeva sa KJKP „RAD“, čije zaduženje je i sama montaža te redovito održavanje i pražnjenje kanti u saradnji s nadležnim gradskim službama.

Projekat „Digitalnim vizitkama protiv deforestacije“ – Grad Sarajevo i domaći bh Start-up Project Adam

Procjenjuje se da preko 1.5 miliona stabala godišnje bude posječeno za izradu vizitki, koje se u 85 % slučajeva oštete, izgube ili unište. Printanje istih problematično je za organizacije iz razloga što svaka izmjena podataka osobe rezultuje u tome da se moraju štampati nove. Vizitke su dugi niz godina nepraktični memento poslovanja prije digitalnog doba. Domaći, bh start-up Project Adam došao je do inovativnog i praktičnog rješenja za ovaj problem: Adam kartica.

Radi se o digitalnoj poslovnoj kartici koja korisniku omogućava da kreiraju, dijele, i pohrane digitalne kartice u jednoj aplikaciji. Svi relevantni poslovni podaci (e-mail, broj telefona, društvene mreže i slično) se čuvaju na jednoj lako dostupnoj i fleksibilnoj digitalnoj lokaciji te su uvijek spremni za dijeljenje.

Sa Project Adam timom ostvarena je saradnja na osnovu koje su svim zaposlenicima Gradske uprave, Gradskog vijeća uključujući i gradske vijećnike „instalirane“ digitalne vizit kartice – Adam. Ovim potezom Grad Sarajevo je pokazao svoju opredijeljenost da da svoj doprinos smanjenju deforestacije u svijetu.

Inicijativa „Re-imagine my street“ – transformacija javnih prostora kroz javne konsultacije sa građanima putem digitalne platforme „UrbanLab“

Inicijativa „Moja ulica moja mašta“ se provodi u partnerstvu sa Općinom Centar Sarajevo, Univerzitetom u Sarajevu / Arhitektonskim fakultetom a predvodi je UNDP BiH Accelerator Lab. Radi se o prvoj inicijativi ove vrste u Bosni i Hercegovini koja ima za cilj da doprinese inkluzivnoj i održivoj urbanoj transformaciji kroz kolektivno dijeljenje ideja za obnovu i unaprjeđenje javnih površina od strane građana te realizovanje konkretnih akcija koje će rezultirati zelenim, živopisnim i za život ugodnim ulicama i javnim površinama u općini Centar.

U sklopu ove inicijative uspostavljena je Digitalna platforma „Urban Lab“ koju je razvio UNDP Accelerator Lab a predstavlja inovativni virtualni alat koji građani mogu koristiti za podršku urbanoj transformaciji javnih prostora u Bosni i Hercegovini. Platforma pomaže lokalnim vlastima da organizuju interaktivne javne konsultacije i prikupe ideje građana za obnovu javnih prostora, poput ulica, parkova, trgova ili zapuštenih lokacija. Građanima se na ovaj način daje snažniji glas u ponovnom osmišljavanju javnih prostora na putu ka stvaranju gradova sa više zelenila i ugodnijih za život.

Pet prioritarnih lokacija će biti uključeno u proces kolektivne ideacije putem digitalne platforme i to: dio ulice „Musala“ (od „Obale kulina bana“ do ulice „Mis Irbina“), „Radićeva“ ulica, „Hastahana“, Bulevar „Franca Lehara“ te „sive zone“ uz ulicu „Branilaca Sarajeva“ (na potezu od „Šenoine“ do „Radićeve“ ulice).

Nakon javnih konsultacija jedna od pet odabranih pilot lokacija će biti obnovljena na osnovu ideja građana i poslužit će kao demonstracija održive urbane transformacije, a koja potiče i vođena je lokalnim zajednicama.

Projekat ChIMERA PLUS – jačanje sektora kulturnih i kreativnih industrija MED područja

Projekat „ChIMERA PLUS“ sa implementacijom je otpočeo u junu 2021. godine u okviru Interreg MED programa, s osnovnim ciljem jačanja sektora kulturnih i kreativnih industrija MED područja promocijom koncepta održivog urbanog razvoja.

Sarajevska regionalna razvojna agencija SERDA je 23.11.2021. godine prezentovala rezultate urađene Analize potreba predstavnika sektora kulturnih i kreativnih industrija, a izradi Analize prethodili su sastanci sa predstavnicima Lokalne interesne grupe projekta koju sačinjavaju predstavnici Grada Sarajeva, SERDA-e, muzeja, filmske industrije, IT-a, nevladinog sektora i eksperata u oblasti urbane održivosti, te kulturnih i kreativnih industrija. Analiza potreba poslužila je kao osnova za izradu Strateškog akcionog plana djelovanja sa identificiranim mjerama/projektima/inicijativama za unaprjeđenje. Nacrt Strateškog akcionog plana bit će upućen na Gradsko vijeće na usvajanje, nakon čega će uslijediti javna rasprava te izrada prijedloga Strateškog akcionog plana.

Projekat „ChIMERA PLUS“ realizuje se do juna 2022. godine, a ostali partneri na projektu su Regija Friuli Venezia Giulia i Kreativni klaster Apuglia iz Italije.

Procjena izvodljivosti za sustav nadzora otpadnih voda u cijeloj EU za nadzor SARS-CoV-2

Grad Sarajevo je na inicijativu Ministarstva vanjske trgovine i ekonomskih odnosa BiH, a u saradnji sa KJKP Vodovod i kanalizacija te Zavodom za javno zdravstvo KS, učestvovao u Evropskom projektu „Procjena izvodljivosti za sustav nadzora otpadnih voda u cijeloj EU za nadzor SARS-CoV-2.“

Konkretno, radi se o naučno-istraživačkom projektu pokrenutom od strane Zajedničkog Istraživačkog Centra EU Komisije, Direktorat D – Sustainable Resources (EU JRC) koji je na pan-evropskom nivou osmišljen za nadzor prisutnosti virusa CORONACoV-2 u otpadnim vodama gradova sa ciljevima prikupljanja podataka, standardizaciju procedura te razmjenu iskustava među gradovima EU i sa konačnim ciljem izgradnje IT sistema za rano upozorenje na prisutnost virusa u populacijama gradova zemalja EU i susjednih zemalja. Prisutnost virusa detektira se laboratorijskim analizama uzetih uzoraka otpadnih voda u ovlaštenim institutima za javno zdravstvo, po protokolima i procedurama ustanovljenim najnovijim svjetskim istraživanjima.

U kreiranju krovne studije uključeno je 17 zemalja (Austrija, Belgija, Hrvatska, Kipar, Estonija, Njemačka, Grčka, Irska, Italija, Latvija, Malta, Poljska, Rumunija, Slovačka, Španija, te Švedska), dok se u drugom dijelu projekta priključilo još 10 zemalja među kojima je i Bosna i Hercegovina.

Clicktivism as a real change – „Kliktivizam čini pravu promjenu“

„Kliktivizam čini pravu promjenu“ je projekat koji provode Centar za edukaciju i istraživanje „Nahla“ i Grad Sarajevo, uz finansijsku podršku Evropske unije i Vijeća Evrope kroz akciju „Promocija različitosti i jednakosti u Bosni i Hercegovini“. U sklopu ovog projekta, Centar za edukaciju i istraživanje „Nahla“ organizovao je događaj i panel diskusiju pod zajedničkim nazivom „Govor mržnje i mladi – kakve posljedice ostavlja u online i offline okruženju“. Jedan od govornika na ovome skupu bila je i dogradonačelnica Grada Sarajeva Anja Margetić.

U okviru ovog projekta, organizovana je i **edukaciju za mlade aktiviste/ice u oblasti govora mržnje i ljudskih prava**. Ova edukacija obuhvatala je teoretski okvir o govoru mržnje, zločinima iz mržnje i ljudskim pravima, te praktične vještine potrebne za djelovanje u okviru civilnog društva i trenerske vještine za vršnjačke edukacije. Cilj programa je upoznati mlade aktiviste/ice sa okvirom ljudskih prava na globalnom i lokalnom nivou, sa mehanizmima djelovanja, institucionalnim okvirom, te alatima i metodama kako djelovati protiv diskriminacije i govora mržnje online i uživo kako na ličnom nivou tako i u sklopu različitih građanskih inicijativa.

Ovaj program je u skladu i sa preporukama Komiteta ministara Vijeća Evrope o sveobuhvatnom pristupu pri adresiranju govora mržnje, uključujući i kontekst online platformi,

u okviru ljudskih prava bazirajući se na sudsku praksu Evropskog suda za ljudska prava, te pozivajući se na dokumente Vijeća Evrope i naslijeđa No Hate Speech pokreta.

Projekat „Urbana transformacija Sarajeva“ (UTPS)

Projekat urbane transformacije Sarajeva finansira i njime strateški upravlja Švicarski državni sekretarijat za ekonomske poslove (SECO) a u okviru Švajcarskog programa saradnje za BiH za period 2021.-2024. godina. Cilj ovog projekta je modernizacija sistema urbanističkog planiranja u Sarajevu, unaprjeđenje upravljanja, jačanje kapaciteta nadležnih institucija za urbanističko planiranje, izrada urbanističkog planskog dokumenta Kantona Sarajevo i izvođenju malih intervencija. Ovaj projekat podržava participativni proces koji uključuje Kanton Sarajevo, Grad Sarajevo, Univerzitet Sarajevo, općine i Grad Istočno Sarajevo.

Na osnovu saradnje na projektu Urbana transformacija Sarajeva, također je uspostavljena i bliža, konkretnija saradnja sa Gradom Zürichom. Potpisan je Memorandum o saradnji Grada Sarajeva i Grada Züricha, a delegacija koju su činile šefica Službe za održivi urbani razvoj, šefica Odjela za međunarodnu saradnju i njena zamjenica, dolazile su u radnu posjetu u decembru mjesecu tokom koje su razmijenjena iskustva te obavljene razgovori o konkretnijoj saradnji ova dva grada. Trenutno je u toku finaliziranje tema za konkretnu saradnju i realizaciju zajedničkih projekata.

Aktivnosti u oblasti otpada hrane – Sarajevo Food Lab

Primijetivši kako je pitanje otpada hrane veoma bitna tema o kojoj se premalo priča, Grad Sarajevo je u saradnji sa Accelerator Lab UNDP BiH započeo aktivnosti na ovu temu. Organizovana je panel diskusija na kojoj su učestvovali stručnjaci koji su govorili na ovu temu. Jedan od zaključaka panela je i da se o ovoj temi treba više govoriti, te podizati svijest građana o ovoj temi i mogućim rješenjima kako bi se spriječilo stvaranje otpada hrane te spriječile neželjene posljedice koje mogu nastati. U tom kontekstu objavljen je i Izazov "Hrana nije otpad". Grad Sarajevo i Accelerator Lab UNDP BiH pozvali su pojedince, organizacije civilnog društva, akademske institucije, privatni sektor i medije da kandidiraju svoje ideje za praktična, primjenjiva i inovativna rješenja na temu: Kako promijeniti navike i prakse koje dovode do bacanja hrane i/ili pretvoriti otpad od hrane u nešto korisno? Svi zainteresovani mogli su kandidovati svoje inovativne ideje putem Consul platforme (consul.sarajevo.ba) i takmičiti se za jednu od tri novčane nagrade koje je obezbijedio UNDP BiH: 1. mjesto 3,000 \$; 2. mjesto 2,000 \$ i 3. mjesto 1,000 \$.

U navedenom roku, pristiglo je 26 zanimljivih prijedloga rješenja, od kojih su izabrana tri najbolja koja su i nagrađena. Sve navedeno, ukazalo je na potrebu da se pristupi izradi jednog strateškog dokumenta za Sarajevo, koji će dati okvir za konkretne mjere i aktivnosti kojima će se uticati na problem otpada od hrane. S tim u vezi, Grad Sarajevo u saradnji sa Accelerator Lab-om formirao Sarajevo Food Lab koji okuplja sve relevantne eksperte i pojedince koji su zainteresovani za ovu temu. U oktobru mjesecu održan je i prvi online sastanak članova Sarajevo Food Lab-a, a zaključci sastanka poslužili su za izradu prvog nacrtu strateškog dokumenta koji će biti dostavljen članovima na komentar, a zatim nakon finalizacije, bit će

upućen na usvajanje Gradskog vijeća Grada Sarajeva. Nakon obavljene serije sastanaka i konsultacija sa relevantnim pojedincima i institucijama, dokument je trenutno u fazi finaliziranja, a u formi nacрта bit će dostavljen Gradskom vijeću na usvajanje.

Projekat Muzejske price – IPA prekogranična saradnja BiH – Srbija

Grad Sarajevo je vodeći aplikant u projektu Muzejske priče. U 2021. godini izrađen je i predat finalni izvještaj implementacije projekta. U sklopu projekta postignuto je sljedeće:

- Uspostavljena Mreža muzeja koji čine predstavnici kulturnih institucija iz BiH i iz Srbije, te održani sastanci Mreže;
- Održano ukupno 9 izložbi u Sarajevu i u Srbiji, što je postignuto uz nadljudske napore u uslovima pandemije COVID-19 i uz poštovanje svih epidemioloških mjera obje države. Razmjena izložbi je dodatno učvrstila uspostavljenju saradnju između kulturnih institucija ove dvije države;
- Izrađene aplikacije odnosno audio vodiči za 11 muzeja- 6 u Sarajevu i 5 u Srbiji. Ovo je posebno bitno u vrijeme pandemije da su muzeji i bogatstvo eksponata koje posjeduju, dostupni široj javnosti i na ovaj način, te da iz udobnosti svojih domova, u vremenu izolacije i smanjenog kretanja, građani mogu da virtuelno posjećuju muzeje te uživaju u njihovim sadržajima;
- Izrađen je zajednički katalog u kojem su predstavljeni eksponati muzeja koji učestvuju u projektu;
- Izrađen zajednički promotivni video, koji predstavlja muzeje koji učestvuju u projektu;
- Nabavljena potrebna oprema za sve muzeje koji učestvuju u projektu;
- Mreža muzeja i njeni članovi promovisani putem društvenih mreža – FB i Instagram stranice Muzejske priče.

Sarajevo grad filma – UNESCO Mreža kreativnih gradova

U 2019. godini, nakon podnesene aplikacije za kandidaturu Grada Sarajeva, „Sarajevo-Kreativni grad filma”, na „Mreži kreativnih gradova UNESCO-a”, Sarajevo je dobilo titulu kreativnog Grada filma UNESCO-a i time postalo dio velike UNESCO porodice. Proglašenjem Sarajeva kreativnim gradom filma UNESCO-a, omogućava se filmskoj kulturi i drugim kreativnim industrijama da daju značajan doprinos održivom razvoju grada, kao ključnom pokretaču unaprjeđenja i promocije industrije, turizma i obrazovanja. Cilj ovog projektnog programa je stvaranje novih pristupa i angažmana u filmskoj i televizijskoj industriji, poboljšanje filmskih lokacija i infrastrukture, povećanje zapošljavanja, te razvoj i poboljšanje filmskog turizma, u sve bitnijoj razvojnoj ulozi turizma.

U 2020. godini uspostavljena je Upravljačka jedinica za projekat Sarajevo grad filma, uspostavljen Savjetodavni odbor, održan sastanak Savjetodavnog odbora, uspostavljena FB stranica Sarajevo UNESCO City of film, te web stranica www.sarajevocityoffilm.ba na kojima se objavljuju sve relevantne informacije iz ove oblasti.

U toku 2021. godine implementirane su neke aktivnosti iz Akcionog plana 2020.-2024. Jedna od tih aktivnosti je i „Noć kina“, događaj koji je u održan u Sarajevu gradu filma UNESCO-a 28. decembra, simbolično na dan kada su 1895. u Parizu braća Lumiere održala prvu kino projekciju na svijetu. U vrijeme novogodišnjih praznika, događaj Noć kina kao poklon publici na jednu noć otvorio je vrata sarajevskih kina i omogućio građanima Sarajeva i turistima besplatno uživanje u filmovima u kinima Cineplexx, CineStar, u multimedijalnom centru Ilidža – kinu Igman, u kinu Meeting Point, kinu Novi Grad i Free kinu Valter.

Smart.sarajevo.ba web stranica

Krajem 2018. godine, UNDP u Bosni i Hercegovini, u partnerstvu s Gradom Sarajevom, Općinom Stari Grad i Kantonom Sarajevo, pokrenuo je inicijativu Pametno Sarajevo koja ima za cilj: stimuliranje učešća stanovnika u urbanom razvoju, pilot poboljšanje javnih usluga temeljenih na tehnologijama te gradska saradnja između javnih, privatnih i građanskih sudionika na putu prema gradu budućnosti.

U sklopu ove inicijative izrađena je web stranica na kojoj se redovno objavljuju novosti i dešavanja iz oblasti urbane mobilnosti, zaštite okoliša, digitalizacije, održivog razvoja, kulture, upravljanja otpadom, energetske efikasnosti, itd. Također, na smart.sarajevo web stranici uspostavljeni su i City Mind Lab i Sarajevo Food Lab odsjeci koji predstavljaju vrlo važne građanske neformalne strukture te je posjetiocima pružena mogućnost registracije u slučaju da žele dati svoj doprinos ovim strukturama. U budućnosti, planirano je da informacije o većini projekata na kojima Odsjek trenutno radi budu dostupne na ovoj web stranici kao i njeno proširenje i što bolja SEO optimizacija.

Sharing Cities – Smart City UK

Odsjek za pripremu projekata uspostavio je saradnju i sa Ambasadom Velike Britanije. Ta se saradnja ogleda u učešću Grada u programu Sharing Cities, kao i saradnji iz oblasti kreativnih industrija preko British Council-a.

Projekat iz oblasti urbane mobilnosti – Interreg Adrion TRIBUTE, 3.3 mil EUR

Grad Sarajevo učestvuje u „Interreg Adrion“ programu u formi partnera. Vodeći aplikant je Milanski Univerzitet Polytechnic, a aplikacija okuplja partnere iz Slovenije, Italije, Hrvatske, Grčke, Srbije i Crne Gore.

TRIBUTE projekat, koji obuhvata integrativne i inovativne aktivnosti u oblasti urbane mobilnosti, za cilj ima unaprjeđenje javnog prijevoza, uz izazove koji se javljaju uslijed socio-ekonomskih i demografskih promjena. Koristeći prednosti elektro-mobilnosti i revolucije podijeljene mobilnosti, projektom se žele testirati inovativne pilot aktivnosti i alati za održiva mobilna rješenja u gradovima koji učestvuju u projektu: Milano, Maribor, Ljubljana, Zagreb, Patras, Novi Sad, Podgorica i Sarajevo.

Implementacija projekta je počela u januaru 2021. godine. Ukupan budžet planiran za Grad Sarajevo je 150.000 EURA. Grad Sarajevo za ovaj projekat ima u cilju da se u svakoj od gradskih općina postavi po jedna punionica za električna vozila. Također, planirano je i uspostavljanje tzv. „Mobility Islands” koji bi znatno poboljšali stepen urbane mobilnosti i održivosti u gradu Sarajevu.

Kampanja Evropske sedmice mobilnosti pod sloganom „Krećimo se održivo! Ostanimo zdravi”

Evropska sedmica mobilnosti se obilježava širom svijeta u periodu od 16. do 22. septembra 2021. godine. Ova evropska inicijativa potiče gradove na uvođenje i promociju održivih prijevoznih sredstava i povezivanja građana kako bi koristili alternativna prijevozna sredstva. Generalna direkcija za životnu sredinu Evropske komisije je 2002. godine pokrenula kampanju „Evropska sedmica mobilnosti“ koja se organizuje svake godine, a aktivnosti se završavaju 22. septembra obilježavanjem „Svjetskog dana bez automobila“.

Udruženim snagama svih relevantnih aktera, u Sarajevu se u periodu od 16. do 22. septembra obilježena je Evropska sedmica mobilnosti. Svaki dan u ovoj sedmici predstavljani su primjeri dobre prakse u gradu Sarajevu sa ciljem da inspiriraju i druge da svojim djelovanjem unaprjeđuju mobilnost, a samim tim i kvalitet života i boravka u našem gradu. U ovoj kampanji učestvovali su Grad Sarajevo, Ministarstvo saobraćaja Kantona Sarajevo, Info centar Evropske unije u Bosni i Hercegovini i Udruženje inženjera saobraćaja i komunikacija, u partnerstvu sa Nextbike, Beebee, Giro di Sarajevo i Centrotransom.

Program saradnje s dijasporom

U cilju privlačenja investicija i prijenosa znanja i tehnologija u svrhu razvoja lokalnih zajednica i Bosne i Hercegovine u cjelini započet je program saradnje sa dijasporom u partnerstvu sa Komisijom za međunarodnu saradnju, Sarajevskom regionalnom razvojnom agencijom (SERDA) i Udruženjem „Naša perspektiva” Sarajevo. Nosilac aktivnosti je Odjeljenje za međunarodnu saradnju. U fokusu saradnje s dijasporom, osim investicija u privredni sektor, je i rad sa lokalnim zajednicama te saradnja sa akademskom zajednicom, mentorstvo, prijenos znanja, naučno-istraživački rad te povezivanje univerziteta.

Na sastanku održanom sa članovima radnog tijela formiranog za ovaj projekat, dogovoreno je da se krene sa organizovanjem poslovnih sastanaka na kojima bi se potencijalni investitori iz dijaspore povezivali s projektnim partnerima i privrednicima iz BiH. Osim toga, dogovoreno je da se kreira platforma koja će dijaspori pružati usluge i olakšati proces investicija i formiranje baze projektnih ideja kako bi se što bolje usmjerile investicije u konkretne projekte.

Platforma City Mind Lab bi mogla poslužiti za pohranu ideja općina, Grada Sarajeva, nevladinog sektora i privrednika i kao mjesto na kojem dijaspora može naći podatke o svim relevantnim partnerima na jednom mjestu.

Grad Sarajevo će u budućnosti sačiniti nacrt Memoranduma o saradnji čiji će potpisnici biti Grad Sarajevo, „Naša perspektiva“ i SERDA s mogućnošću da im se pridruži i Ministarstvo za ljudska prava i izbjeglice.

Krajnji cilj je da se u sklopu Grada Sarajeva napravi kontakt tačka za dijasporu koja će poslužiti za uvezivanje sa svim bitnim akterima iz ove oblasti.

Novogodišnja rasvjeta – Turistička zajednica 30.000 KM

U saradnji sa drugim relevantnim Službama, pripremili smo i predali aplikaciju za Javni poziv Turističke zajednice KS za dodjelu sredstava za nabavku novogodišnjih ukrasa i iluminacije.

Odobreno je ukupno 30.000 KM koje će, uz planirano učešće Grada, biti utrošeno za nabavku ukrasa i iluminacije za ukrašavanje sarajevskih ulica i mostova.

Aplikacije koje su pripremljene u 2021. godini, a koje se trenutno nalaze u procesu evaluacije od strane donatora:

- „100 climate neutral cities“
- „TAIEX“

Aplikacije koje su predate, a nisu odobrene:

- IT BOP – IT prilike za mlade
- ACCELERATE IT
- Projekat sanacije fasada

III Materijali pripremljeni za razmatranje na sjednicama Gradskog vijeća

1. Prijedlog Odluke o utvrđivanju posebnog značaja za Grad Sarajevo Udruženja „Obrazovanje gradi Bosnu i Hercegovinu,
2. Nacrt i Prijedlog odluke o uslovima i načinu sticanja statusa udruženja i fondacija od posebnog značaja za Grad Sarajevo,
3. Nacrta Odluke o usvajanju Akcionog plana rodne ravnopravnosti Grada Sarajeva,
4. Izvještaj o saradnji i odnosima Grada Sarajeva sa nacionalnim manjinama,
5. Informacija o saradnji i odnosima organa Grada Sarajeva sa vjerskim zajednicama i crkvama,
6. Informacija o implementaciji Smart city inicijative.

3. GRADSKA SLUŽBA FINANSIJA

Poslovi i djelokrug rada Gradske službe finansija Grada Sarajeva, koji su se obavljali u ovom periodu, određeni su Statutom Grada Sarajeva, Odlukom o organizaciji organa uprave Grada Sarajeva i zakonskim propisima koji regulišu ovu oblast.

Izvršenje programskih i drugih aktivnosti

Služba je uz redovno obavljanje poslova predviđenih Programom rada Gradonačelnice i Gradskog vijeća i aktivnostima koje su diktirane Budžetom za 2021. godinu, nastojala da prati i realizuje sve navedene Programe. Osnovni cilj je bio dnevno praćenje priliva i odliva sredstava, transparentnost potrošnje sa zakonskom regulativom i odgovarajućom dokumentacionom osnovom te redovno informisanje o ostvarenim prihodima i izvršenim rashodima.

Aktivnosti Službe u ovom smislu su izrada Budžeta Grada Sarajeva za 2022. godinu, pripremne radnje za izradu završnog računa za 2021. godinu i periodični izvještaji o izvršenju Budžeta Grada Sarajeva za 2021. godinu (kako je propisano).

Izrada Budžeta Grada Sarajeva za 2022. godinu, unaprijeđenog u odnosu na budžete ranijih godina na način da su dodijeljene kategorije izvora sredstava i potrošačke jedinice (gradske službe) za svaku budžetsku stavku, te se krenulo u operativno planiranje i izvršavanje budžeta. Služba je trenutno u fazi implementacije ovih aktivnosti kroz program Navision, što je kompleksan proces na kojem će se raditi i u narednom periodu, a što će doprinijeti jednostavnijem praćenju i većoj transparentnosti izvršenja budžeta i operativnog plana.

Pored toga, Služba je radila i na izradi odluka:

- Odluka o izmjenama Odluke o izvršavanju Budžeta Grada Sarajeva za 2021. godinu;
- Odluke o unosu uplaćenih primitaka u Budžet Grada Sarajeva 2021. godinu;
- Odluku o unosu neutrošenih kreditnih sredstava iz 2020. godine u Budžet Grada Sarajeva 2021. godinu;
- Odluku/Zahtjev za razgraničenje namjenskih prihoda i primitaka na 31.12.2021. godine;
- Odluke o preraspodjeli sredstava Budžeta Grada Sarajeva za 2021. godinu;
- Odluke o odobravanju sredstava iz tekuće rezerve Budžeta Grada Sarajeva 2021. godine;
- Odluka o izvršavanju Budžeta Grada Sarajeva za 2022. godinu.

U okviru izvršenja Budžeta urađeni su sljedeći poslovi i zadaci:

- Izrađen je Godišnji obračun Budžeta Grada Sarajeva za 2020. godinu;
- Izrađeni su kvartalni (I, II i III) izvještaji o izvršenju Budžeta Grada Sarajeva za 2021. godinu;
- Izrađeni su kvartalni izvještaji za 2021. godinu za Ministarstvo finansija Kantona Sarajevo;
- Izrađeni su kvartalni Obrasci U2 – unutrašnji dug Kantona Sarajevo (zaduženje Grada) za 2021. godinu Ministarstvu finansija Kantona Sarajevo;
- Izrađen je polugodišnji izvještaj 2021. godine prema Gradskom vijeću;

- Na mjesečnom nivou su izrađivani i dostavljani Ministarstvu finansija Kantona Sarajevo Obrasci 3, u skladu sa članom 7. Pravilnika o sadržaju, načinu i rokovima izvještavanja o prikupljenim raspoređenim prihodima budžeta, vanbudžetskih fondova i ostalih korisnika javnih prihoda na teritoriji Federacije BiH;
- Na mjesečnom nivou su izrađivani i dostavljani Obrasci RAD-1 – mjesečni izvještaj o plaćama zaposlenih Federalnom zavodu za statistiku Sarajevo;
- Izrađen je i dostavljen Obrazac RAD-1G – godišnji izvještaj o zaposlenima i plaći za 2020. godinu, Federalnom zavodu za statistiku Sarajevo.

Praćenje dinamike priliva i odliva sredstava je rezultiralo sljedeće aktivnosti:

- Urađeni su mjesečni izvještaji o izvršenju Budžeta;
- Mjesečni obračun i isplata plaća za uposlenike, kao i naknade za vijećnike i rad u komisijama;
- Vođeno je blagajničko poslovanje u skladu sa zakonskim obavezama;
- Vršena je obrada svih zahtjeva gradskih službi, izrada naloga za plaćanje i plaćanje prema budžetskim korisnicima;
- Izdavanje potvrda po zahtjevima uposlenika i vijećnika;
- Izrada mjesečnih izvještaja prema Poreskoj upravi;
- Izdavanje izlaznih faktura i obračun PDV-a na mjesečnom nivou, te plaćanje i slanje prijave Upravi za indirektno oporezivanje BiH.

U septembru mjesecu zaprimili smo Izvještaj o finansijskoj reviziji Grada Sarajeva za 2020. godinu od Ureda za reviziju institucija u FBiH. S tim u vezi odmah smo pristupili ispravkama i implementaciji primjedbi koje su iz nadležnosti Gradske službe finansija, kako slijedi:

- Grad Sarajevo je započeo proces donošenja vlastitih računovodstvenih politika, koje će se u narednom periodu mijenjati, usklađivati i prilagođavati funkcionisanju Grada Sarajeva;
- Poštovanje odredbi Zakona o budžetima u FBiH u dijeli koji se odnosi na rokove izrade budžeta, planiranje pokrića neraspoređenog viška rashoda nad prihodima te sačinjavanje operativnih planova i planova novčanih tokova;
- Bilans stanja i analizu iskaza sačinjavati u skladu s odredbama Pravilnika o finansijskom izvještavanju i godišnjem obračunu budžeta u FBiH, u smislu da će analize iskaza biti sastavnim dijelom finansijskog izvještaja Grada Sarajeva;
- Upit u vezi preporuke da ulaganja u stalna sredstva treba planirati i iskazivati na odgovarajućoj poziciji izdataka za nabavku stalnih sredstava, u skladu s odredbama Pravilnika o knjigovodstvu budžeta u FBiH, je proslijeđen Pravobranilaštvu Grada Sarajeva, a u svrhu utvrđivanja vlasništva nad pomenutim stalnim sredstvima. Po očitovanju Pravobranilaštva Grada Sarajeva, postupit će se u skladu sa pozitivnim zakonskim normama;
- Od 13.10.2021. godine Grad Sarajevo prikuplja javne prihode preko jednog depozitnog računa, kojim na kraju dana vrši prijenos sa depozitnog na transakcijski račun, kako je to Zakon o trezoru u FBiH i predviđeno;

- Grad Sarajevo je u prethodnom periodu izvršio procjenu knjigovodstvene vrijednosti Olimpijskog bazena Otoka od strane ovlaštenog procjenitelja te u skladu sa istom, izvršio evidentiranje vrijednosti ovog stalnog sredstva i njegove amortizacije;
- Rashode i izdatke Grad Sarajevo knjigovodstveno evidentira na osnovu relevantne dokumentacije o nastanku poslovnog događaja, kako je to predviđeno Zakonom o budžetima FBiH, Uredbom o računovodstvu budžeta u FBiH i Pravilnikom o knjigovodstvu budžeta FBiH.

Struktura državnih službenika i namještenika

Od sistematizovanih radnih mjesta u Gradskoj službi finansija, popunjeno je 8 mjesta, i to rukovodeći državni službenik – pomoćnik gradonačelnice za finansije, dva šefa odsjeka, dva stručna saradnika i tri viša referenta. Napominjemo da su dvije uposlenice (stručni saradnik i viši referent) u toku 2021. godine otvorile porodiljsko odsustvo.

Programska orijentacija za naredni period

Nastavit ćemo obavljati sve poslove Službe u ovom kapacitetu. Služba će se organizovati na najbolji način da bi se pratila i primjenjivala zakonska regulativa u oblasti finansija i usavršavala programska rješenja. Cilj nam je da raspolažemo sa dnevno ažurnim podacima i da rad u Službi unaprijedimo.

4. GRADSKA SLUŽBA ZA LOKALNO POSLOVANJE

Sarajevo Holiday Market

Sarajevo Holiday Market je sajamska manifestacija sa brojnim popratnim kulturnim, sportskim i zabavnim sadržajima, prilagođenim svim generacijama, a koja se u Sarajevu održava od 2011. godine.

Ovo je jedna od aktivnosti koju Grad Sarajevo podržava u cilju stvaranja svečarskog, blagdanskog ambijenta po uzoru na evropske i svjetske metropole. Holiday Market svojim atraktivnim sadržajima i prepoznatljivom atmosferom nudi jedinstveni osjećaj na koji su građani i gosti već navikli. Na poseban način afirmira multietničku tradiciju Sarajeva. U okviru Sarajevo Holiday Marketa proslavljaju se praznici od 15. decembra do 15. januara.

Paljenjem prazničnih lampica na Vilsonovom šetalištu, otvoren je zimski zabavni park “Zima na Vilsu by Sarajevo Holiday Market”.

U ime Grada Sarajeva, zamjenica gradonačelnice Anja Margetić otvorila je Sarajevo Holiday Market 15.12.2021. godine.

Sve do 15. januara 2022. godine posjetioci su mogli uživati u brojnim sadržajima koje nudi Market, koji je 2021. godine otvoren na novoj lokaciji – Vilsonovo šetalište.

Nastup hora Art Vivo povodom Božića, 24.12.2021. godine

U cilju promocije i obogaćivanja sadržaja za građane i turiste povodom katoličkog Božića i nastupajuće Nove 2022. godine, Grad Sarajevo organizovao je nastup Mješovitog vokalnog ansambla Art Vivo ispred Katedrale Srca Isusova

Pod palicom voditelja Danijela Žontara, hor je izveo najljepše i najpoznatije evergreene i klasične kompozicije. Posebne emocije među prisutnima pobudila je izvedba svojevrzne himne grada „Sarajevo ljubavi moja”.

Ovaj predivni muzički događaj završen je pjesmama u duhu nastupajućeg blagdana Božića, bezvremenskim „Zvončićima”.

Novac planiran za organizaciju javnog dočeka Nove godine usmjeren za liječenje oboljele djece

Iako Grad Sarajevo tradicionalno organizuje doček Nove godine, a radi epidemiološke situacije izazvane pandemijom COVID - 19 vijećnici Gradskog vijeća donijeli su odluku o otkazivanju javnog dočeka Nove 2022. godine.

Na prijedlog gradonačelnice, sredstva predviđena za organizaciju javnog dočeka Nove godine u iznosu od 50.000 KM, uplaćena su na račun Udruženja Srce za djecu oboljelu od raka.

Nabavka novogodišnje rasvjete

Grad Sarajevo je pripremio i predao aplikaciju za Javni poziv Turističke zajednice KS za dodjelu sredstava za nabavku novogodišnjih ukrasa i iluminacije. Odobreno je ukupno 30.000 KM koje će, uz planirano učešće Grada, biti utrošeno za nabavku ukrasa i iluminacije za ukrašavanje sarajevskih ulica i mostova u 2022. godini.

Impakt inkubator poslovnih ideja – podrška razvoju preduzetništva i očuvanju radnih mjesta preduzetnika i malih preduzeća

U sklopu zajedničke saradnje između Grada Sarajeva i Investicijske fondacije IMPAKT u 2021. godini realizovan je program „IMPAKT inkubator poslovnih ideja“ koji ima za cilj pružanje preduzetničke obuke te kroz finansijsku, stručnu i mentorsku podršku omogućava osnivanje 5 novih poslovnih poduhvata na području 4 gradske općine (Stari Grad, Centar, Novo Sarajevo i Novi Grad).

Program se realizuje uz podršku Švicarske agencije za razvoj i saradnju (SDC). Program je uspješno završen u decembru 2021. godine i 5 najboljih ideja je nagrađeno sa po 5.000,00 KM, a pored toga svi ostali učesnici u programu imali su mogućnost da besplatno dobiju izradu web stranice/web shopa što je omogućio Grad Sarajevo. Pored toga, ukupno 27 osoba sa poslovnim idejama prošlo je kvalitetnu poduzetničku obuku koja im je pružila znanja i vještine od velikog značaja za njihovo buduće poduzetničko putovanje.

Učešće u radu tijela za izradu Strategije razvoja turizma FBiH 2021.-2027. godina

Na osnovu odluke Saveza općina i gradova FBiH imenovan je predstavnik Grada Sarajeva u funkciji predstavnika Saveza u Radnom tijelu za analizu radne verzije Strategije razvoja turizma FBiH 2021.-2027. godine.

Radno tijelo zaduženo je i za usmjeravanje i nadziranje čitavog procesa izrade Strategije razvoja turizma Federacije BiH, razmatranje svih ključnih elemenata vezanih za sadržaj, metodologiju i dinamiku izrade Strategije razvoja turizma Federacije BiH, davanje podrške u postupku izrade i predstavljanja Strategije razvoja turizma Federacije BiH interesnim grupama i široj javnosti.

Realizacija donatorskih sredstava Grada Novog Pazara za fizička lica čija imovina je oštećena ili uništena u poplavama iz novembra 2021. godine

U novembru 2021. godine Kanton Sarajevo je pogođen poplavama koje su izazvale materijalne štete u općinama Ilidža, Trnovo, Novi Grad, Vogošća i Ilijaš. Prema podacima s 4. vanredne sjednice Štaba civilne zaštite Kantona Sarajevo, evidentiran je 341 objekat koji je poplavljen ili je bio ugrožen od poplava.

Po saznanju da je Sarajevo pogođeno poplavama, Gradsko vijeće grada Novog Pazara, na sjednici održanoj 9. novembra 2021. godine, donijelo je zaključak na osnovu kojeg je gradonačelnik Novog Pazara donio rješenje kojim se Gradu Sarajevu odobravaju sredstva u iznosu od 10.000 eura kao pomoć za otklanjanje posljedica nastalih uslijed elementarnih nepogoda – poplava.

Sredstva u iznosu od 19,565.17 KM uplaćena su na račun Grada Sarajeva 16.11.2021. godine.

Na zahtjev Gradske službe za finansije zatraženo je od Grada Novi Pazar da nam dostavi akt o namjeni uplaćenih sredstava, što je i učinjeno 22.11.2021. godine kada je poslan zaključak Gradskog vijeća Novog Pazara i rješenje gradonačelnika Novog Pazara.

Uvažavajući volju donatora da se novac utroši za otklanjanje posljedica koje su nastale uslijed poplava, utvrđeno je, a na osnovu informacije Civilne zaštite KS, da je na području gradskih općina šteta od poplava nastala u općini Novi Grad Sarajevo.

Gradska služba za lokalno poslovanje uputila je 03.12.2021. godine Općini Novi Grad zahtjev za dostavljanje podataka o građanima kod kojih je evidentirana šteta na stambenim objektima.

Općina Novi Grad 06.12.2021. godine, putem nadležne službe Civilne zaštite, dostavila je spisak od oko 60 građana čiji su stambeni objekti pretrpjeli štetu u novembarskim poplavama.

Realizacija sredstava planirana je u drugom kvartalu 2022. godine.

Ugovor o realizaciji odobrenih sredstava iz Budžeta Grada Sarajeva za 2021. godinu Zavodu za transfuzijsku medicinu FBiH

Zavod za transfuzijsku medicinu FBiH podnio je Molbu za donaciju – nabavka vozila za prijevoz dobrovoljnih darivalaca krvi i krvnih produkata.

Dio novca od prodaje službenog vozila Grada Sarajeva, u iznosu od 12.800,00 KM usmjeren je Zavodu za transfuzijsku medicinu FBiH u svrhu nabavke namjenskog vozila za potrebe Zavoda. Na ovaj način postigao se pravi smisao prodaje službenog vozila Grada Sarajeva, jer se, umjesto korištenja vozila za potrebe administracije, taj novac iskoristio za kupovinu vozila koja bi bila u službi zdravlja stanovnika Sarajeva i spašavanja života.

Ugovor o realizaciji odobrenih sredstava iz Budžeta Grada Sarajeva za 2021. godinu za ovu namjenu potpisan je 17.11.2021. godine.

Zavod za transfuzijsku medicinu FBiH u procesu je prikupljanja ostatka potrebnog novca za kupovinu vozila.

Novogodišnji paketići za djecu korisnike toplog obroka u javnim kuhinjama

Grad Sarajevo organizovao je podjelu novogodišnjih paketića za djecu korisnike toplog obroka u javnim kuhinjama Kantona Sarajevo, uzrasta do 11 godina. U saradnji s JU “Kantonalni Centar za socijalni rad” Sarajevo, dostavljeni su podaci za 54 djece kojima su 28.12.2021. godine u Vijećnici uručeni paketići uz prigodan zabavni program.

Dodjela jednokratnih pomoći licima u stanju socijalne potrebe

Pomoć se realizuje u skladu s Pravilnikom o raspodjeli novčanih sredstava za dodjelu jednokratne novčane pomoći za troškove liječenja licima u stanju socijalne potrebe, broj 01/04-14-5238/18 od 05.10.2018. godine i Pravilnikom o kriterijima i postupku za korištenje finansijskih sredstava s pozicije Nepredviđeni izdaci iz Budžeta Grada Sarajeva (Službene novine Kantona Sarajevo, broj 19/19), između ostalog, za jednokratnu podršku licima u stanju socijalne potrebe.

Trka „Race for the Cure”

Grad Sarajevo je i u 2021. godini podržao misiju jedne od najuspješnijih organizacija u Bosni i Hercegovini koja se bavi osnaživanjem zdravlja žena, Udruženje „Think Pink – Zajedno smo jedno”.

Gradonačelnica Sarajeva bila je jedna od ambasadorica trke „Race for the Cure”, pridružila se najvećoj evropskoj trci i šetnji, koja se održala u nedjelju, 3. oktobra 2021. godine u Sarajevu. Iz Budžeta Grada Sarajeva za ovu namjenu realizovano je 5.000,00 KM.

5. GRADSKA SLUŽBA ZA POSLOVE INFORMACIONOG CENTRA

U skladu sa Odlukom o organizaciji i djelokrugu organa uprave grada Sarajeva, Gradska služba za poslove Informativnog centra vrši sljedeće poslove:

- Predlaže i priprema propise i druge akte iz nadležnosti službe koje donosi Gradsko vijeće i gradonačelnica;
- prati stanje zakonske regulative u oblasti za koju je osnovana; informiše javnost o pitanjima ratnih zločina, uspostavlja snažne vanjske komponente, uključujući: komponentu tranzicione pravde i suočavanja s prošlošću organizovanjem raznih informativnih i edukativnih javnih događaja; komponentu podrške pravnim profesionalcima i grupama civilnog društva koji se bave ratnim zločinima pred domaćim sudovima u Bosni i Hercegovini;
- izložbenu komponentu- prikaz rada Međunarodnog krivičnog suda za bivšu Jugoslaviju (u daljem tekstu: MKSJ) i sudova u Bosni i Hercegovini na donošenju presuda u predmetima ratnih zločina; izrađuje razne propise i druge odluke iz svoje nadležnosti;
- saraduje sa sredstvima informisanja po svim pitanjima aktivnosti Informativnog centra;
- priprema i organizuje poslove vezane za uključivanje Grada u dostupne programe tehničko-finansijske pomoći, u saradnji sa specijalistima MKSJ i arhivskom materijalu sadržanom u online bazama podataka MKSJ;
- obezbjeđuje održavanje i nesmetano funkcionisanje sistema; stara se o ispravnosti i funkcionisanju instalirane računarske, programske, komunikacione i druge prateće opreme u Informativnom centru; pruža stručno-tehničku pomoć korisnicima baze podataka, rješava softverske i mrežne probleme; održava WEB stranicu Službe;
- daje primjedbe, mišljenja, prijedloge i sugestije prilikom izrade akata koji se odnose na oblast koja obuhvata djelokrug rada službe, a koje donose organi Kantona Sarajevo i Federacije BiH; vrši i druge poslove za koje je osnovana kao i poslove koje joj u zadatak stavi gradonačelnica.

Veći dio aktivnosti Službe odnosi se na poslove razvoja mandata Informativnog centra o Međunarodnom krivičnom sudu za bivšu Jugoslaviju (MKSJ) Sarajevo koji je službeno počeo sa radom 23. maja 2018. godine.

Informativni centar o MKSJ Sarajevo nastao je na temelju potpisanog Memorandum o razumijevanju između Međunarodnog krivičnog suda za bivšu Jugoslaviju (MKSJ) i Grada Sarajeva za razvoj Informativnog centra Sarajevo, a Gradsko vijeće Grada Sarajeva donijelo je Odluku o davanju saglasnosti na citirani memorandum „(Službene novine Kantona Sarajevo“, broj 50/16). Informativni centar o MKSJ Sarajevo sa sjedištem u Vijećnici zvanično je počeo sa radom 23.05.2018. godine. Mandat Informativnog centra se sastoji u tome da pruži javnosti ažuran, direktan i bezbjedan elektronski pristup svim javno dostupnim spisima Tribunala i arhivskom materijalu sadržanom u online bazama podataka MKSJ, kao i da obavlja poslove informisanja javnosti o pitanjima ratnih zločina, doprinoseći tako procesu tranzicione pravde i jačanju vladavine prava u BiH i regiji uspostavljanjem snažne outreach komponente, uključujući: komponentu tranzicione pravde organizovanjem raznih informativnih i edukativnih javnih događaja, komponentu podrške pravnim profesionalcima i civilnom društvu koji se bave ratnim zločinima pred domaćim sudovima u BiH- kroz aktivnosti na izgradnji

njihovih kapaciteta i izložbenu komponentu- prikaz rada MKSJ i sudova u BiH na donošenju presuda u predmetima ratnih zločina. Poslovi Centra (mandat) je stavljen u djelokrug Gradske službe za poslove Informativnog centra o MKSJ Sarajevo temeljem Pravilnika o unutrašnjoj organizaciji i sistematizaciji radnih mjesta organa uprave Grada Sarajeva br. 01/04-04-3834/21 od dana 12.07.2021. godine, a na koji je Gradsko vijeće Grada Sarajeva na Drugoj sjednici održanoj dana 02.06.2021. godine dalo saglasnost svojom Odlukom o davanju saglasnosti na Pravilnik o unutrašnjoj organizaciji i sistematizaciji radnih mjesta organa uprave Grada Sarajeva („Službene novine Kantona Sarajevo“, broj 24/21).

Informativni centar o MKSJ Sarajevo je prvi centar ove vrste u regiji koji istovremeno razvija sve komponente svog mandata i koji je za godinu i pol dana svoga djelovanja kapacitirao svoje resurse (prostor, tehnika) i proveo niz aktivnosti koje su imale za cilj afirmaciju svih komponenti njegovog mandata. Između ostalog, Centar je u cijelosti omogućio online pristup dostupnoj arhivskoj građi MKSJ, ugostio preko 200 domaćih i stranih studenata, istraživača i učenika, uspostavio nekoliko značajnih saradnji sa akademskom zajednicom, pravosuđem i relevantnim udruženjima, održao nekoliko međunarodnih konferencija, te omogućio da dio njegovog sadržaja bude i originalna sudnica Tribunala koja je dopremljena iz Haga i koju svakodnevno obilaze i turisti našeg grada i tako se upoznaju i sa novijom historijom naših prostora na temelju činjenica koje je utvrdio Tribunal u svojim pravosnažnim presudama.

AKTIVNOSTI INFORMATIVNOG CENTRA MKSJ

Organizacione aktivnosti

S ciljem kapacitiranja Informativnog centra MKSJ u Vijećnici realizovane su aktivnosti:

- opremanja prostora namještajem (dijelom iz donacije, dijelom iz budžetskih sredstava), kompjuterskom opremom (donacija Općine Centar),
- uvoz i montaža originalne sudnice MKSJ broj 2 koja je dopremljena iz sjedišta MKSJ, Den Haag, Kraljevina Nizozemska (Sarajevo je prvi grad, nakon Nürnberga, koji ima originalnu sudnicu jednog međunarodnog suda u kojoj se sudilo osobama optuženim za ratne zločine). Navedena sudnica je sa svim postojećim izložbenim komponentama i mobilijarom izmještena u veću prostoriju u Vijećnici s ciljem dodatnog opremanja i obogaćivanja sadržaja.
- priprema i postavka dvije pokazne ploče na ulazu u Informativni centar kao i vizuala fototapete u prostorijama Informativnog centra, te postavka stalne izložbe *Opsada Sarajeva kroz presude MKSJ*.
- Međunarodni rezidualni mehanizam za krivične sudove (Mehanizam) donirao je Informativnom centru o MKSJ ovjerene kopije javno dostupnih presuda koje su izrekli MKSJ i Mehanizam. Ove kopije dostavljene su na engleskom i BHS jeziku. Uz kopije, Centru je dostavljena i zbirka knjiga i publikacija koje se odnose na sukobe u bivšoj Jugoslaviji i međunarodno i humanitarno pravo, kao i kolekcija materijala namijenjenog javnom informisanju Outreach programa MKSJ-a. Bogata literatura i presude planirane su biti smještene u biblioteci Centra u Vijećnici. Centar je trenutno u pregovorima sa Direktorom Programa vladavine prava za Jugoistočnu Evropu Fondacije Konrad

Adenauer, g. Hartmut Rankom u cilju iznalaženja finansijske podrške za nabavku polica i namještaja potrebnog za opremanje biblioteke.

- Informativni centar MKSJ Sarajevo zvanično je počeo s radom 23. maja 2018. godine, ceremonijom otvaranja kojoj je prisustvovala visoka delegacija Međunarodnog rezidualnog mehanizma za krivične sudove (u daljnjem tekstu Mehanizam), koji je pravni sljednik Međunarodnog krivičnog suda za bivšu Jugoslaviju.
- Zajedničkim prisjećanjem vrpce Informativni centar MKSJ zvanično su otvorili gradonačelnik Sarajeva Abdulah Skaka, sudija i bivši predsjednik MKSJ Fausto Pocar i šefica kabineta predsjednika Mehanizma, gđa Gabrielle McIntyre.
- Ceremoniji otvaranja prisustvovali su i predstavnici izvršne, zakonodavne i sudske vlasti u BiH, međunarodne zajednice, udruženja žrtava ratnih zločina, predstavnici akademske zajednice, nevladinih organizacija, kao i predstavnici medija.

1.1. Normativne aktivnosti i uspostavljene saradnje

Gradsko vijeće Grada Sarajeva donijelo je Odluku o davanju saglasnosti na Izmjenu i dopunu br. 1. Memoranduma o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo, broj 01-GV-02-426/18 od 25.04.2018. godine („Službene novine Kantona Sarajevo“, broj 22/18).

Naime, nakon zatvaranja MKSJ-a 31. decembra 2017. godine, sva prava i obaveze MKSJ preuzima Međunarodni rezidualni mehanizam Ujedinjenih Nacija za krivične sudove (dalje u tekstu: Mehanizam), počevši od 1. januara 2018. godine te je bilo neophodno donijeti navedenu Odluku.

Gradsko vijeće Grada Sarajeva donijelo je Odluku o **Danu obilježavanja opsade Sarajeva 1992.-1995.**, broj 01-GV-02-1132/21 od 29.09.2021. godine („Službene novine Kantona Sarajevo“, broj 41/21).

Ovom Odlukom utvrđuje se 5. april kao Dan obilježavanja opsade Sarajeva 1992.-1995. i propisuje način njegovog obilježavanja. Cilj obilježavanja opsade Sarajeva je da se na prigodan i dostojanstven način obilježi najduža opsada jednog glavnog grada u savremenoj historiji ratovanja, patnje, hrabrosti i herojskog otpora stanovnika i branilaca Sarajeva.

Ovom Odlukom daje se saglasnost na Program aktivnosti za Dan obilježavanja opsade Sarajeva 1992.-1995. za 2022. godinu. Ovlašćuje se gradonačelnica Grada Sarajeva da za potrebe realizacije Programa formira Organizacioni odbor, kao i da preduzima sve ostale aktivnosti potrebne za njegovu uspješnu realizaciju.

U skladu s mandatom Informativnog centra MKSJ, a u cilju podrške pravnim profesionalcima i civilnom društvu u aktivnostima na izgradnji kapaciteta usmjerene ka pravnim stručnjacima i grupama civilnog društva koji se bave ratnim zločinima pred domaćim sudovima u Bosni i Hercegovini, pripremljeni i potpisani su sljedeći dokumenti:

- Memorandum o saradnji između Centra za postkonfliktna istraživanja i Grada Sarajeva, mart 2018.;

- Memorandum o saradnji u cilju realizacije aktivnosti iz platforme za mir potpisan između Grada Sarajeva i Ministarstva za ljudska prava i izbjeglice Bosne i Hercegovine, avgust 2018.;
- Memorandum o saradnji između Pravnog fakulteta Univerziteta u Sarajevu i Grada Sarajeva, mart 2019.;
- Memorandum o saradnji između Suda BiH i Grada Sarajeva, mart 2019.;
- Memorandum o saradnji Grad Sarajevo i Fondacija Konrad Adenauer Stiftung- Predstavništvo u BiH, januar 2020.;
- Memorandum o saradnji između Grada Sarajeva i Memorijalni centar Srebrenica-Potočari Spomen obilježje i mezarje za žrtve genocida iz 1995 godine Srebrenica, juni 2020.;
- Prijedlog aktivnosti za Dan obilježavanja opsade Sarajeva 1992.-1995. za 2022. godinu, septembar 2021.;
- Prijedlog Odluke o davanju saglasnosti na Program aktivnosti za Dan obilježavanja opsade Sarajeva 1992.-1995. za 2022. godinu, oktobar 2021.

Informativne i edukativne aktivnosti: Centar je uspostavio saradnju sa određenim brojem akademskih ustanova- Pravni fakultet Univerziteta u Sarajevu, Sarajevo School of Science and Technology-SSST (od strane uposlenika Centra organizuju se predavanja za studente o međunarodnom humanitarnom pravu, osnivanju, mandatu, nasljeđu i značaju MKSJ-a), saradnju sa Memorijalnim centrom Potočari-Srebrenica, saradnju sa Sudom BiH (predavanja i obuke za korištenje baza MKSJ za potrebe rada), organizuje predavanja, međunarodne konferencije i javne događaje za širu javnost kao npr. međunarodne ljetne škole, javno praćenje izricanja presuda, iniciranje uspostave međunarodnog doktorskog studija koji će koristeći bazu MKSJ vršiti naučnoistraživački rad i sl.

Saradnja sa relevantnim NVO: Centar institucionalizira saradnju sa udruženjima koja se bave tranzicijskom pravdom, postkonfliktnim društvima, udruženjima žrtava i sl.

Saradnja sa sličnim centrima i memorijalima koji njeguju memoriju: Uspostavljena je saradnja sa Memorijalnim centrom Potočari – Srebrenica, a u toku su aktivnosti na uspostavljanu saradnja sa Memorijalom u Nürnbergu, Auschwitzu.

Javni događaji: Uspostava i obilježavanje značajnih datuma utvrđenih međunarodnim dokumentima (Dan ljudskih prava, Dan sjećanja na žrtve holokausta. Dan sjećanja na genocid počinjen u Srebrenici) ili presudama Tribunala (5. april – Dan početka opsade Sarajeva), (31. maj - Dan Bijelih traka - sjećanja na zločine počinjene u Prijedoru), i organizovanje posjeta domaćih i inostranih zvaničnika. Centar je postao i značaj dio turističke ponude grada Sarajeva i objekta Vijećnice. Turistički hot spot.

Inicirana je i saradnja s udruženjima Humanity in action, Pravnik. Također inicirana je i saradnja sa Udruženjima Žrtava i svjedoka genocida, Majke enklave Srebrenica i Žepa, Žene žrtve rata, kao i Institutom za ratne zločine i Institutom za nestale osobe.

Javno praćenje izricanja pravosnažne presude u predmetu Ratko Mladić

Informativni centar MKSJ organizovao je javno praćenje izricanja pravosnažne presude Žalbenog vijeća Međunarodnog rezidualnog Mehanizma za krivične sudove u predmetu Ratko Mladić 08.06.2021. godine.

Tom prilikom u Vijećnici prisustvovalo je 100 predstavnika vlasti, stručne i akademske zajednice, udruženja žrtava, međunarodnih organizacija, nevladinog sektora i studenata. Nakon izricanja presude izneseni su ključni zaključci iz prvostepene presude Tribunala u predmetu tužilac protiv Ratka Mladića, te su svi prisutni imali priliku čuti pojašnjenja i mišljenja pravnih eksperata u vezi s izrečenom presudom, kao i cjelokupnim pravnim procesom koji se vodio protiv Ratka Mladića. Služba je, pored obraćanja gradonačelnice Grada Sarajeva i pravnih eksperata, organizovala i obraćanje novinara Zvonka Komšića, koji se uživo uključio u program iz male sudnice Informativnog centra, gdje je pri tome, u svom uvodnom izlaganju kratko predstavio gledateljstvu rad Centra kroz zaostavštinu Haškog nasljeđa, te važnosti utvrđenih činjenica u predmetu tužilac protiv Ratka Mladića.

U povodu obilježavanja 26. godišnjice genocida u Srebrenica upriličena promociju knjige „Na strani čovječnosti”, autorice Ajše Hafizović-Hadžimešić

09. juna 2021. godine Služba za poslove Informativnog centra organizovala je u auli sarajevske Vijećnice promociju knjige „Na strani čovječnosti“. Služba je u potpunosti slala pozivnice te realizovala ostale potrebne detalje organizacije. Na promociji knjige prisustvovali su predstavnici akademske zajednice, predstavnici Udruženja žrtava, diplomatsko- konzularna predstavništva, predstavnici civilnog društva itd.

U knjizi, čiji je izdavač Udruženje „Pokret majke enklava Srebrenica i Žepa”, su objavljeni intervjui sa sudijama, tužiteljima, istražiteljima Tribunala i MRMKS-a – Carmel Agius, Theodor Meron, Richard Goldstone, Mark Harmon, Peter McCloskey, Alan Tieger, Jean Rene Ruez, Stefanie Frieze i drugima, kao i djelatnicima Međunarodne komisije za nestale osobe (ICMP), Ujedinjenih nacija i drugih međunarodnih i nevladinih organizacija. Knjiga ima edukaciju mladih generacija i šire javnosti da kroz zbornike intervjua i borbu Majki Srebrenice za pravdu i istinu prikaže hronologiju događaja u Srebrenici.

Promocija knjige „Tuđmanov haški profil – Udruženi zločinački poduhvat na BiH” prof. dr. Ive Komšića, predsjednika Savjeta gradonačelnice za Informativni centar

Gradska služba za poslove Informativnog centra je u potpunosti preuzela organizaciju promocije knjige, rad na vizualu pozivnice uz asistenciju kolege Ammara Makića, štampanje plaketa, pripreme i tehničke postavke bine te protokola uzvanica. Saopćenje je uradila Služba za press.

Na promociji knjige uglednog univerzitetskog profesora, ratnog člana Predsjedništva RBiH, učesnika pregovora u Daytonu i bivšeg gradonačelnika Sarajeva prisustvovali je preko 100 uzvanica među kojima su istaknute ličnosti političkog i društvenog života u BiH.

Knjiga ima za cilj da prikaže važnost Haške zaostavštine, i bogatstvo dokumenata arhiva MRMKS na kojima je bazirana knjiga autora prof. dr. Komšića te ima za cilj potaći mlade

ljude, historičare i istraživače da što više u svom akademskom istraživanju koriste dokumentaciju arhiva MRMKS.

Izložba „Dječji pogled kroz foto objektiv”

Memorandumom o saradnji u cilju realizacije aktivnosti iz platforme za mir potpisan između Grada Sarajeva i Ministarstva za ljudska prava i izbjeglice Bosne i Hercegovine i Memorandumom o saradnji između NVO Centra za postkonfliktna istraživanja (CPI) i Grada Sarajeva nastao je projekat Dječji pogled. Naime Grad je putem Službe za poslove Informativnog centra MKSJ zajedno sa nevladinom organizacijom CPI aplicirao na projekat te je Ministarstvo za ljudska prava i izbjeglice odobrilo grant od 35,000.00 KM koje su utrošene za troškove istraživanja priča za projekat, promociju projekta, dizajn i izradu fotografske priče, štampu fotografskih panela i brošura izložbe. Grad nije imao troškova za realizaciju izložbe. U organizaciju se uključila i ambasada Velike Britanije u BiH koja je podržala troškove organizovanja zakuske za goste.

Promociji izložbe su prisustvovali predstavnici državnih i međunarodnih institucija, akademske zajednice i predstavnici NVO, studenti i građani Sarajeva.

Škotski fotograf Chris Leslie je od 1997. do 1999. godine vodio fotografski projekat u podrumu sarajevskog doma za djecu bez roditeljskog staranja, Dječjeg doma Bjelave, gdje je djecu uzrasta od 6. do 16. godina učio osnovama crno-bijele fotografije i izrade fotografija. Zajedno su nastojali da dokumentuju život u gradu Sarajevu nakon rata i opsade. Osim što je djecu podučavao novim vještinama, ovaj projekat im je pružio i jedan kreativan način da rade na rješavanju trauma koje je prouzrokovao rat i gubitak roditelja. Izložba je imala za cilj da vizualizaciju umjetnosti predstavi kao bitan alat za rad na zagovaranju ljudskih prava, posebno za grupe ljudi koji žive na marginama društva ali i da podsjeti sve prisutne na strahote rata koji su građani Sarajeva prošli tokom opsade.

Edukativne aktivnosti

Informativni centar MKSJ organizuje stručna predavanja o mandatu i naslijeđu MKSJ, specijalističke obuke o korištenju i pretraživanju baza, kao i posjete Informativnom centru MKSJ.

Informativni centar je u 2021. godini organizovao posjete i stručna predavanja o mandatu i naslijeđu MKSJ za ukupno 400 domaćih i međunarodnih studenata i učenika. Istovremeno, Centar je organizovao i specijalističke obuke o korištenju i pretraživanju baza, što je znatan pad posjeta studenata uslijed pandemije COVID-a.

Edukacije su organizovane u saradnji s domaćim i stranim nevladinim organizacijama i udruženjima

15. po redu Međunarodna ljetna škola prava „Uloga tranzicije pravde u obnovi ljudskih prava i vladavine prava u postkonfliktnim društvima“, – Pravni fakultet Univerziteta u Sarajevu, Udruženje Pravnika i Fondacija Konrad Adenauer je za domaće i inostrane studente u cijelosti organizovana u prostorijama Centra u trajanju od 5 do 14. augusta. Ove godine je Informativni

centar po odobrenju Gradonačelnice ustupio polaznicima međunarodne Ljetne škole prostorije, tehničku opremu za prezentacije, biblioteku te mogućnost studenata da posjete muzejsku postavku Centra, bez naknade.

Dogradonačelnica Anja Margetić je bila domaćin otvaranja Ljetne škole te je upriličila doček za Marc Perrin de Brichambaut, sudiju Međunarodnog krivičnog suda (ICC) koji je održao predavanje za student, te je upriličen i susret sa gđom Doris Pack, koja je svoj rad posvetila obrazovnoj, kulturnoj i politici prema mladima, kao i odnosima sa državama na Zapadnom Balkanu, a dugo vremena je bila izvjestilac Evropskog Parlamenta za Bosnu i Hercegovinu. Uposlenici Centra su bili uključeni u cjelokupnu organizaciju i doček studenata, održali su specijalistička predavanja o nasljeđu MRMKS-a, mandatu Centra, te je upriličen obilazak male sudnice i stalne izložbene postavke nasljeđe Tribunala kroz presude MRMKS-a.

Informativni centar je organizovao nastavu i korištenje baza arhiva MRMKS za doktoricu pravnih nauka Pravnog fakulteta u Pragu, koja koristila bibliotekarski fond Centra, na temu komandne odgovornosti u predmetima ratnih zločina MRMKS. Također, Centar je posjetio i student iz Sarajeva koji je koristio bibliotekarski fond Centra, te je održana kratka prezentacija korištenja baza Centra, bazirajući se na temu komandne odgovornosti u presudama pred MKSJ/MRMKS.

U saradnji Mehanizma za međunarodne sudove koji realizuje projekat Mehanizam za informisanje zajednica pogođenim sukobima, Centar su posjetile dvije umjetnice koje rade na projektu: „Trauma Scripts“. Služba za poslove Centra je organizovala pretraživanje baza zasnovano na dokaznim predmetima Stanislav Galić i Dragomir Milošević, koji su osuđeni pred MKSJ za vojnu i komandnu odgovornost i teroriziranje stanovništva tokom opsade Sarajeva. Centar su, također, posjetili studenti Gimnazije obala, II i II razredi i studenti Internacionalnog Univerziteta u Sarajevu (IUS).

Međunarodne posjete Informativnom centru o MKSJ

Od međunarodnih posjeta bitno je spomenuti da je 15. oktobra 2021. godine Centar posjetio Dr. Hannes Swoboda, predsjednik Međunarodnog instituta za mir, Stephanie Luka, te član Karl Renner Instituta. Pri organizaciji okruglog stola Srebrenica-hronologija jednog genocida ili šta se desilo sa Mirnes Osmanovićem, u partnerstvu KAS-a i JP Sarajevo organizovana je promocija knjige autora Mathiasa Finka. G. Fink je biblioteci Informativnog centra poklonio uz posvetu knjigu: Srebrenica-hronologija jednog genocida ili šta se desilo sa Mirnes Osmanovićem, na njemačkom jeziku. Centar je u sklopu organizacije manifestacije Fondacije Konrad Adenauer Stiftung u BIH održane 03. oktobra 2021. godine obišao i visoki predstavnik za BIH, g. Christian Schmidt u pratnji direktora Fondacije, g. Sven Petkea.

Centar je posjetio i gospodin Pavle Usvatov, novi direktor Konrad Fondacije za Jugoistočnu Evropu, program vladavine prava, sastanak je održan u prostorijama Centra gdje je predstavljen mandat i nasljeđe Centra i MRMKS te je upriličen i obilazak biblioteke i muzejske postavke Centra.

Centar je, također, posjetio i novi Holandski ambasador u BiH, g. Jan Waltmans, te izrazio oduševljenje tokom obilaska Centra te je istakao kako će Ambasada Kraljevine Holandije u BIH planirati realizaciju zajedničkih projekata Centra i Ambasade, te će nosioci projekata ispred Ambasade biti mladi ljudi, koji rade na projektima poštivanja ljudskih prava i Sloboda.

Gospodin Sven Petke, direktor Fondacije KAS je uputio pismo zahvale gradonačelnici grada Sarajeva. Doc. dr. Benjamini Karić za ljubaznu saradnju, tokom niza organizovanih projekata između Grada i Fondacije KAS te je posebno istakao angažman i zalaganje uposlenica Ismene Čaušević, postavljene na mjesto stručnog savjeta u Službi za poslove Informativnog centra i Mile Eminović, postavljene na mjesto sekretara Gradskog vijeća, koja je donedavno radila na poslovima pomoćnika gradonačelnice u Informativnom centru.

Održani sastanci

Služba za poslove Informativnog centra o MKSJ u periodu jun – decembar 2021. godine održala je sastanke:

s predstavnicima domaćih, stranih, fizičkih i pravnih osoba koji se bave međunarodnog humanitarnog prava, kao i s predstavnicima diplomatskih misija u BiH, u cilju predstavljanja mandata Informativnog centra MKSJ i razmatranja mogućnosti zajedničke saradnje:

- Direktorom Fondacije Konrad Adenauer Stiftung, g. Sven Petke,
- Direktorom Programa vladavine prava za Jugoistočnu Evropu Fondacije Konrad Adenauer, g. Pavel Usvatov i g. Mahirom Muharemovićem, projektnim koordinatorom KAS-a za JE,
- Predstavnicima Mehanizma i partnerskih organizacijama: Rada Pejić Sremac, šefica za informativnu djelatnost Mehanizma, (online sastanak)
- Tarik Dacić, direktorom firme TechBosnia – projekat 3D virtualni prikaz muzeja
- Šejla Bratić, studio za grafički dizajn, OD Not Your Chibi za potrebe dodavanja novih sadržaja na stranici ICS i proširivanje sadržaja stranice: <https://ics-mksj-ba>
- Sastanak sa Rukovodiocem i uposlenicima i JP Sarajevo u vezi realizacije projekata
- Velma Šarić, predsjednica i osnivačica NVO Centar za postkonfliktna istraživanja (CPI)
- Sastanak s predstavnicima ambasade Velike Britanije u BiH, Ediba Kapić, šefica protokola i Biljana Ristić, press Služba Ambasade.

Mandat za postavku izložbe

Prema tačkama 1.3. do 1.4. Memoranduma o razumijevanju za razvoj Informativnog centra u Sarajevu potpisanog između Grada Sarajeva i MKSJ (sada Mehanizam/MRMKS, kao pravni sljednik MKSJ-a) iz novembra 2016, mandat Informativnog centra o MKSJ Sarajevo je da pruži javnosti ažuriran, direktan i bezbjedan pristup svim javno dostupnim spisima MKSJ-a i arhivskom materijalu sadržanom u online bazama podataka MKSJ-a, kao i informisanje i edukacija javnosti o pitanjima ratnih zločina, doprinoseći tako procesu tranzicione pravde i jačanja vladavine prava u BIH i regionu uspostavljanjem snažne outreach komponente, uključujući: komponentu tranzicione pravde – doprinos procesima tranzicione pravde i suočavanja s prošlošću organizovanjem raznih informativnih i edukativnih javnih događaja, komponentu podrške pravnim profesionalcima i civilnom društvu – aktivnosti na izgradnji kapaciteta usmjerene ka pravnim stručnjacima i grupama civilnog društva koji se bave ratnim zločinima pred domaćim sudovima u BIH i izložbena komponenta – prikaz rada MKSJ-a i sudova u BIH na donošenju presuda u predmetima ratnih zločina.

Informativni centar o MKSJ Sarajevo je u tekućoj godini okončao i tri značajne aktivnosti koje su dodatno ojačale mandat i djelovanje Centra. Tako je u cijelosti opremljena biblioteka Centra uz finansijsku podršku Fondacije Konrad Adenauer- Program Vladavine prava za Jugoistočnu Evropu u vrijednosti od 5.000 EUR-a, te se sada u prostoru biblioteka nalaze sve dopremljene kopije dvojezičnih presuda MKSJ-a i vrijedna bibliotekarska građa Tribunala te je dostupna javnosti, stručnoj i akademskoj zajednici za potrebe korištenja ili naučno-istraživačkog rada. Centar je od početka njegovog formiranja radio na opremanju i kapacitiranju opreme te je Služba za poslove Informativnog centra inicirala donacije od gradskih općina i diplomatsko-konzularnih predstavništava u BiH, organizujući niz donatorskih sastanaka, jer je Memorandumom o razumijevanju predviđeno tokom prvih pet godina da se Centar finansira iz donatorskih sredstava. S tim u vezi, Služba za poslove Informacionog centra u je izvršila nabavku nedostajuće opreme biblioteke poštujući procedure i zakon o javnim nabavkama, iz namjenskih sredstava koje je Općina Novi Grad Sarajevo donirala Informativnom centru, a koja su u skladu sa Ugovorom o donaciji, broj 01-14-7241/17 od 29.12.2017. godine, zaključenog između Grada Sarajeva i Općine Novi Grad Sarajevo isključivo utrošena za nabavku tehničke opreme ili mobilijara za potrebe kapacitiranja Informativnog centra specificirane u prijedlogu Budžeta Centra koji je ujedno i sastavni dio ovog ugovora, a u skladu sa važećim propisom o javnim nabavkama. Tako da danas, biblioteka pored polica i namještaja posjeduje i 2 stolne lampe za čitanje za potrebe studenata i bibliotekara te merdevine koje će omogućiti sortiranje knjiga na police, a koje su planirane prvobitnim nacrtom biblioteke.

Uz podršku Fondacije Konrad Adenauer-Predstavništvo u BiH Informativni centar je razvio i svoju vlastiti web stranicu (bhs/eng) sa video uratcima : <https://icmksj-sarajevo.ba/>, a koja je zvanično puštena u rad 18.10.2020. godine. Finasijska podrška KAS-a je iznosila 1.500 EUR. Služba je dodatno osnažila i proširila sadržaje stranice sa novim video uradcima, materijalima, fotografijama i novinskim člancima tako da je cjelokupan rad Centra zabilježen elektronski na stranici centra te se može reći da stranica ima i edukativnu komponentu za sve zainteresirane. Na stranici Centra se može naći i 3D postavka muzejske komponente Centra i male sudnice koju je kreirala i pustila u rad firma TechnBosnia, sa kojom je Grad zaključio Ugovor. Sve materijale je dostavila Služba za poslove Informacionog centra MKSJ za potrebe ovog projekta. Jedan dio muzejske postavke Centra sada je dostupan putem online mobilnih uređaja, laptopa i svih mobilnih aplikacija. 3D virtualni obilazak muzejske postavke može se ostvariti pristupom linka koji se nalazi na službenoj stranici Centra. Ovo je koristan pristup, naročito za vrijeme pandemije COVID 19 kada su putovanja i obilasci muzeja svedeni na minimum. Realizaciju projekta u potpunosti je finansirala Fondacija KAS u BiH. Na stranici se također može naći i pomenuta knjiga autora Mathiasa Finka, čitanje za Srebrenicu, koja je dostupna putem online aplikacije kao i informacije o procesu nastanka knjige Srebrenica – Hronologija jednog genocida, autora Mathiasa Finka.

Informativni i obrazovni ciljevi izložbe uključuju:

- Objektivno i jasno informisanje o razlozima za uspostavljanje, radu i ukupnim rezultatima MKSJ-a
- Sticanje boljeg razumijevanja prošlosti na temelju utvrđenih činjenica u presudama MKSJ-a, uključujući borbu protiv negiranja i sprječavanja revizionizma
- Informisanje o pitanjima ratnih zločina, međunarodnom humanitarnom pravu i tranzicionoj pravdi

- Stvaranje empatije prema žrtvama i očuvanje njihovog sjećanja
- Prepoznavanje ratnih zločina kao gubitka za civilizaciju u cjelini, kao i za zemlje koje su bile direktno izložene ratu
- Povećanje svijesti o opasnosti od mržnje, netrpeljivosti, radikalnih i secesionističkih pokreta i režima;
- Stavljanje u središte pažnje i drugih ratnih zločina, posebno genocid i holokaust
- Promicanje mira, poštivanje ljudskih prava i vjerovanja u dostupnost međunarodne pravde
- Širenje kritičkog promišljanja i intelektualne radoznalosti i povećanje osjećaja lične odgovornosti kod demokratskih građana.
- Opći ciljevi projekta su sljedeći: doprinijeti procesima tranzicione pravde i suočavanja s prošlošću u BIH i regionu (na prostoru bivše Jugoslavije).

Specifični ciljevi projekta su sljedeći: razvoj izložbene komponente – prikaz rada MKSJ-a na putu prema utvrđivanju činjenica o ratnim zločinima počinjenim na području bivše Jugoslavije.

Idejni koncept izložbe

Izložba je konstruisana i postavljena u sarajevskoj Vijećnici – u prizemlju, desno od glavnog ulaza. Izložba će biti postavljena u tri odvojene, ali povezane prostorije i dodatnom holu, pored originalne sudnice MKSJ-a br. 2 dopremljene iz Haga i zajedno će činiti jedinstveni memorijalni kompleks.

Izložba prikazuje rad i doprinos Tribunala kroz predstavljanje svih 90 pravosnažno osuđenih lica za počinjene zločine razvrstanih po zemljama, a potom i prema regijama i gradovima unutar država u kojima su zločini izvršeni. Predstavljanje svakog pravosnažno okončanog predmeta će sadržavati informacije koje su izvađene iz baze podataka MKSJ-a, bez ikakvih izmjena sadržaja (broj predmeta, optužnica prema tačkama, statistike suđenja, sažetak konačne presude, kao i podatak o državi u kojima se izdržava kazna zatvora). Predstavljanje država, regija i gradova će pružiti osnovne podatke o geografskom području sa mapama lokacija gdje su izvršeni zločini, kao i statističkim prikazom ljudskih i materijalnih gubitaka uzrokovanim počinjenim ratnim zločinima.

U ulaznom holu izložbenog prostora nalaze se osnovni podaci o Tribunalu, originalni tekst Rezolucije Vijeća sigurnosti UN-a broj 827 kojom je osnovan Tribunal, opis/biće zločina za koje je sudio Tribunal preuzet iz njegovog Statuta. Također, tu su i fotografije sa sjednice Vijeća sigurnosti UN-a na kojoj je osnovan Tribunal, sa prvog suđenja, ceremonije zatvaranja MKSJ-a, prostora za publiku unutar MKSJ-a za vrijeme suđenja, kao i prikaz vanjskog i unutrašnjeg izgleda zgrade u kojoj je bilo sjedište Tribunala u Hagu, uključujući i fotografije pritvorske jedinice Tribunala, fizičkog arhiva suda i samih sudnica za vrijeme trajanja suđenja.

Drugi segment izložbene postavke je prikaz autentičke sudnice broj 2. Tribunala u kojoj se sudilo licima optuženim za ratne zločine na području bivše Jugoslavije i koja je dopremljena direktno iz Haga nakon zatvaranja MKSJ-a. Ovim je Sarajevo postalo prvi grad nakon Nürnberga koji ima originalnu sudnicu jednog međunarodnog suda gdje su se održavala suđenja za ratne zločine.

U prostoriji sudnice mogu se vidjeti originalni mobilijar, pijedestal za sudije, zastor i zastava UN-a koja se nalazila u sudnici broj 2. u Hagu. Na autentičnim stolicama i stolovima u

frontalnom dijelu prostora sjedili su članovi sudskih vijeća MKSJ-a, te stručno osoblje suda u redu ispod. Sa desne strane od sudskog vijeća sjedili su advokati odbrane optuženih i sami optuženi su sjedili u drugom redu. Lijeva strana od sudskog vijeća bila je namijenjena za sjedenje tužioca i njegovih saradnika. Svjedoci su sjedili na klupi preko puta sudskog vijeća i prije svjedočenja polagali su zakletvu čitanjem teksta koji se nalazi na samom stolu. Crnu sudsku odoru nosili su advokati odbrane, tužioci i stručno osoblje Suda, dok je crvena odora bila namijenjena isključivo za sudije. Izložena crvena odora je pripadala sudiji Faustu Pocar u koji je bio sudija Tribunala od februara 2001 godine, dok je u periodu od 2003. do 2005. godine obavljao i funkciju potpredsjednika suda, a u periodu od 2005. do 2008. godine bio je i njegov predsjednik. Sudija Pocar je za potrebe otvaranja Centra kao vid snažne podrške njegovom osnivanju i radu lično poklonio svoju sudačku togu u kojoj je sudio punih 17 godina. Na zidovima unutar prostora sudnice se nalazi vremenska linija koja prikazuje najznačajnije datume u radu Tribunala od njegovog osnivanja 25.05.1993. godine pa sve do zatvaranja 31.12.2017. godine, kao i prikaz organizacije MKSJ-a i krivičnog postupka pred Tribunalom. Dio prostorije posvećen je i fotografijama sa imenima predsjednika Tribunala i njegovim glavnim tužiocima.

Centralni dio izložbene postavke Centra je posvećen predstavljanju rada i doprinosa MKSJ-a kroz prikaz infografika za sva osuđena lica pred Tribunalom, a koji su razvrstani prema državama, regijama i gradovima unutar država gdje su počinili ratne zločine za koje su pravosnažno osuđeni. Najveći broj pravosnažnih osuđujućih presuda izrečen je za ratne zločine počinjene na području Bosne i Hercegovine.

Svaka infografika se sastoji od informacija o predmetu protiv svakog osuđenog lica i preuzeta je iz baze podataka MKSJ-a bez ikakvih modifikacija sadržaja, a što uključuje autentičan broj predmeta, tačke optužnice, presuda, kazna, statistika suđenja i podatak o zemlji u koju je osuđeno lice upućeno na izdržavanje kazne zatvora).

Prateće fotografije, izvodi iz svjedočenja, izjave, kao i ostali izložbeni sadržaj u prostoru je preuzet iz baze MKSJ-a i kao takav je korišten kao dokazni materijal u postupcima koji su vođeni pred Tribunalom.

U konačnici, jedan dio izložbene komponente sadrži popis dostignuća Tribunala (Utvrđivanje činjenica, Pravda za žrtve, Pozivanje vođa na odgovornost, Individualizacija krivice, Prilika da se čuje glas žrtava, Jačanje vladavine prava).

Informativni centar otvoren je za posjetioce radnim danima, 08:00 – 16:00 sati, koji u prosjeku dnevno posjeti 15-ak posjetilaca. Zapažen je smanjen broj posjetilaca uslijed pandemije COVID-om.

Posjeta Informativnom centru se ne naplaćuje. Posjetioci pokazuju veliki interes za ratne sukobe na području BiH, opsadi glavnog grada i genocidu, a naročit interes pokazuju za obilazak autentične sudnice Haškog tribunala. Sve češće izražavaju interes za pretraživanje baze podataka arhiva i upoznavanje s dijelom outreach programa u kome su sadržani dokumentarci o ratnim zločinima počinjeni na teritoriji bivše Jugoslavije.

Zaključna razmatranja

Informativni centar otvoren je za posjetioce radnim danima, 08:00 – 16:00 sati, koji u prosjeku dnevno posjeti 15-ak posjetilaca. Zapažen je smanjen broj posjetilaca uslijed pandemije COVID-om.

Posjeta Informativnom centru se ne naplaćuje. Posjetioci pokazuju veliki interes za ratne sukobe na području BiH, opsadi glavnog grada i genocidu, a naročit interes pokazuju za obilazak autentične sudnice Haškog tribunala. Sve češće izražavaju interes za pretraživanje baze podataka arhiva i upoznavanje s dijelom outreach programa u kome su sadržani dokumentarci o ratnim zločinima počinjeni na teritoriji bivše Jugoslavije.

6. GRADSKA SLUŽBA ZA URBANO PLANIRANJE, INVESTICIJSKE, STAMBENE I KOMUNALNE POSLOVE

Provedbeno – planska dokumentacija

Pravni osnov za donošenje provedbene planske dokumentacije, čije je donošenje u nadležnosti Grada Sarajeva, je Zakon o prostornom uređenju Kantona Sarajevo („Službene novine Kantona Sarajevo”, broj 22/17 i 1/18), Uredba o jedinstvenoj metodologiji za izradu planskih dokumenata („Službene novine Federacije BiH”, br. 63/04, 50/07 i 84/10) i Zakon o prostornom uređenju Federacije BiH („Službene novine Federacije“, BiH br. 2/06, 72/07, 32/08, 4/10, 13/10, 45/10, 85/21 i 92/21).

Gradonačelnica Grada Sarajeva, kao Nosilac pripreme za izradu provedbeno-planskih dokumenata za područje četiri gradske općine, putem Službe je vodila aktivnosti na pripremi i izradi regulacionih planova, definisala ciljeve i usmjerenja prostornog razvoja, koordinirala rad svih institucija uključenih u proces izrade planova, osigurala učešće javnosti u svim fazama izrade planova, te kao Predlagač upućivala Gradskom vijeću Grada Sarajeva plansku dokumentaciju na razmatranje i usvajanje.

Regulacioni plan „Zabrđe“

Prijedlog ovog planskog dokumenta je usvojen na sjednici Gradskog vijeća Grada Sarajeva, održanoj 27.07.2021. godine.

Plan je rađen u cilju preispitivanja prostornih mogućnosti za interpolaciju sadržaja društvene infrastrukture, kao i mogućnosti za novu gradnju, dogradnju, nadziđivanje i legalizaciju objekata, uz obezbjeđenje neophodne komunalne i saobraćajne infrastrukture.

Regulacioni planovi čija izrada je u toku:

1. RP Alipašin Most V
2. RP Alipašin Most I
3. RP Halilovići I
4. RP RTV
5. RP Kvadrant C – Marijin Dvor

6. RP Centar Novo Sarajevo

7. Izmjene i dopune RP Gradski centar Marijin Dvor – za lokalitet Kvadrant B

S obzirom da se obuhvati navedenih planskih dokumenata nalaze u obuhvatu ventilacionih koridora, aktivnosti na izradi Plana su privremeno zaustavljene, radi Odluke Vlade KS o privremenim mjerama zaštite ventilacionih koridora utvrđenih u „Studiji o urbanim ventilacionim koridorima i uticaju visokih zgrada“ i Zaključka Skupštine Kantona Sarajevo („Službene novine Kantona Sarajevo“, broj 24/20).

Za sve naprijed navedene regulacione planove, Odluke o pristupanju izradi plana koje su donesene od strane Gradskog vijeća i objavljene u Službenim novinama KS, sadrže smjernice koje su u suprotnosti sa smjernicama iz Studije o urbanim ventilacionim koridorima, odnosno sa Odlukom Vlade KS i Zaključkom Skupštine KS.

U maju 2021.g. Vlada Kantona Sarajevo donosi Odluku o stavljanju van snage Odluke o privremenim mjerama zaštite ventilacionih koridora („Službene novine Kantona Sarajevo“, broj 21/21).

Međutim, u članu 2. navedene Odluke propisuje se da će se Zaključci i preporuke sadržane u Studiji implementirati u skladu sa Zaključkom Skupštine Kantona Sarajevo od 25.02.2020. godine.

Shodno navedenom, dana 15.12.2021. godine, održan je sastanak subjekata planiranja po pitanju Studije o urbanim ventilacionim koridorima i uticaju visokih zgrada na kvalitet zraka u cilju rješavanja nastale situacije, s obzirom da su aktivnosti na izradi i usvajanju planske dokumentacije zaustavljene.

Nakon diskusije svih prisutnih, zaključeno je da se Vladi Kantona Sarajevo uputi zajednički zahtjev/inicijativa Gradonačelnice i načelnika četiri gradske općine za usvajanjem Uredbe o urbanim pravilima u Kantonu Sarajevo, a prema Skupštini Kantona Sarajevo zahtjev za stavljanje van snage Zaključka, broj 01-04-3436-6/20 od 25.2.2021. godine, odnosno izmijeniti i uskladiti Zaključak sa navedenom Uredbom.

8. Regulacioni plan „Reljevo“

S obzirom da za ovo područje nema provedbene planske dokumentacije, cilj izrade Plana je stvaranje uslova za uređenje prostora, integraciju zatečenog građevinskog fonda, novu izgradnju, obezbjeđenje nedostajućih kapaciteta društvene infrastrukture, te opremanje područja potrebnom saobraćajnom, energetsom i komunalnom infrastrukturom.

Tokom 2021. godine održano je više sastanaka subjekata planiranja u cilju usaglašavanja stavova prijedloga urbanističkog rješenja. Problematika vezana za zaštitni pojas magistralnog gasovoda, kao i faza vodovoda i kanalizacije, odnosno pozicija planiranog rezervoara na granici Općina Novi Grad i Vogošća je dijelom prolongiralo izradu Prijedloga Plana.

9. Regulacioni plan „Brdo Hrasno“

Cilj izrade Plana je preispitivanje prostornih mogućnosti područja za interpolaciju nove gradnje uvažavajući postojeće stanje i potrebu za legalizacijom postojeće bespravne izgradnje, kvalitetnije saobraćajno rješenje, opremanje područja društvenom infrastrukturom, te potrebnom mrežom komunalne i energetske infrastrukture.

Na sjednici Gradskog vijeća Grada Sarajeva, održanoj 17.12.2019. godine, donesen je Zaključak kojim je razmotren Nacrt Regulacionog plana „Brdo Hrasno“ i isti upućen na javni uvid i javnu raspravu u trajanju od 30 dana.

S obzirom na veliki broj primjedbi građana na Nacrt Plana koje se odnose na stabilnost terena, Savjeti Mjesnih zajednica organizovali su zborove građana, na kojima su iskazali nezadovoljstvo u pogledu Elaborata o inženjersko-geološkim karakteristikama terena, te su dostavili zaključke o neprihvatanju Nacrta Plana.

Shodno navedenom, Općina Novo Sarajevo ugovorila je reviziju Elaborata geologije sa firmom „Geokonzalting“ d.o.o. Sarajevo, koja je završena u mjesecu januaru 2021.g. S obzirom da nakon urađene revizije nije došlo do promjena na IG karti, na osnovu koje je rađen Nacrt Plana, nije bilo potrebe za njegovom izmjenom te su nastavljene aktivnosti na izradi Prijedloga Plana.

10. Regulacioni plan „Sarajevogas – Bosnalijek“

Razlog pristupanju izradi novog Plana je usklađivanje provedbeno-planske dokumentacije sa planovima višeg reda, uz preispitivanje kapaciteta privrednih subjekata, te planiranje saobraćajne, komunalne i energetske infrastrukture.

Početakom 2021. godine završeno je sumiranje dostavljenih primjedbi i sugestija na Nacrt Plana, čime su se stekli preduslovi za izradu preostalih faza Plana. Od strane subjekata planiranja 12.02.2021. godine prihvaćeno je Urbanističko rješenje Plana.

11. Regulacioni plan „Alipašin Most VI“

Plan se radi u cilju urbanog uređenja prostora kroz preispitivanje prostornih mogućnosti za novu izgradnju, integraciju zatečenog građevinskog fonda, uz mogućnost rekonstrukcije i zamjene građevinskog fonda, planiranje stambene izgradnje proporcionalno broju stanovnika, opremanje područja adekvatnom društvenom, saobraćajnom i komunalnom infrastrukturom, sadržajima sporta i rekreacije, uvažavajući postojeću parcelaciju i vlasničke odnose.

S obzirom da se prostor u granicama planiranja nalazi u kontaktu sa prostornim cjelinama RTV, Alipašin most I, Alipašin most V i Halilovići I, neophodno ga je planerski posmatrati kao jedinstvenu funkcionalnu cjelinu.

Tokom 2021. godine održani su sastanci subjekata planiranja u cilju usaglašavanja Osnovne koncepcije Plana, kao i sastanci sa predstavnicima JP Željeznice FBiH u pogledu trase željezničke pruge i industrijskog kolosijeka.

12. Regulacioni plan „Gornje Telalovo polje I”

Plan se radi u cilju obezbjeđenja planske osnove za urbano uređenje prostora kroz preispitivanje prostornih mogućnosti za novu izgradnju, integraciju zatečenog građevinskog fonda, mogućnost rekonstrukcije i zamjene građevinskog fonda, opremanje područja adekvatnom saobraćajnom i komunalnom infrastrukturom, uvažavajući postojeću parcelaciju i vlasničke odnose.

U toku je izrada Strategijske procjene uticaja na okoliš. Prilikom izrade Strategijske procjene uticaja na okoliš, potrebno je definisati namjenu područja, odnosno djelatnosti koje se tu mogu obavljati, te u skladu s tim propisati adekvatne mjere i uslove neophodne za zaštitu okoliša.

U mjesecu februaru 2021. godine na sjednici Gradskog vijeća Grada Sarajeva, donesena je Odluka o izmjenama i dopunama Odluke o pristupanju izradi Regulacionog plana „Gornje Telalovo Polje“ u svrhu izgradnje nacionalnog stadiona sa pratećim sadržajima, za što će Zavod za planiranje razvoja Kantona Sarajevo dati stručno mišljenje.

13. Izmjene i dopune Regulacionog plana „Hepok – Čengić Vila III” (skraćeni postupak)

Cilj izrade Plana je preispitivanje planiranih rješenja, u smislu davanja mogućnosti racionalnijeg rješenja gradnje i adekvatnog rješenja za saniranje klizišta u Gradačačkoj ulici.

S obzirom da se predloženim izmjenama i dopunama bitno ne mijenja osnovni koncept važećeg planskog dokumenta, shodno Zakonu o prostornom uređenju Kantona Sarajevo, Plan se radi po skraćenom postupku.

Tokom 2021. godine održano je više sastanaka subjekta planiranja u cilju usaglašavanja stavova o Osnovnoj koncepciji Plana.

14. Regulacioni plan „Soukbunar“

Prostorna koncepcija Plana formirat će se na osnovu Elaborata o ispitivanju inženjersko-geoloških osobina terena, te na bazi detaljnijih istražnih radova i sugestija vezano za postojeću i planiranu gradnju. S obzirom na karakteristike terena, proveden je monitoring nad saniranim klizištima u obuhvatu Plana, te je zaključeno da je neophodno izvršiti dopunu Elaborata, nakon čega će se pristupiti izradi Osnovne koncepcije Plana.

Cilj izrade Plana je stvaranje planskih preduslova za uređenje prostora, u smislu intervencija na postojećem građevinskom fondu, nove izgradnje, obezbjeđenje nedostajućih kapaciteta društvene infrastrukture, te opremanje područja potrebnom saobraćajnom, energetsom i komunalnom infrastrukturom, uvažavajući postojeću parcelaciju i vlasničke odnose.

U toku su aktivnosti Općine Centar Sarajevo i Zavoda za izgradnju Kantona Sarajevo kako bi se izvršila dopuna Elaborata geologije.

Nakon izrade dopunjenog Elaborata, nastavit će se aktivnosti na izradi ovog planskog dokumenta.

Elaborati

Elaborat o izradi slobodnostojećih reklamnih panoa i slobodnostojećih displeja na javnim površinama

U toku je izrada Elaborata, od strane Zavoda za planiranje razvoja KS, koji će se sadržavati lokacije i urbanističko tehničke uslove za postavljanje reklamnih panoa i displeja. Održano je nekoliko sastanaka u cilju razmatranja radnog materijala i davanja primjedbi i sugestija na isti. Shodno Zakonu o privremenom korištenju javnih površina na području Kantona Sarajevo („Službene novine Kantona Sarajevo“, br. 20/04, 26/12, 32/12, 24/15), usvajanje Elaborata je u nadležnosti Gradskog vijeća Grada Sarajeva uz prethodno pribavljeno mišljenje općinskih vijeća sve četiri gradske općine.

Elaborat-lokacije za slobodnostojeće otvorene bašte

U toku je izrada Elaborata, od strane Zavoda za planiranje razvoja KS, koji će se sadržavati lokacije i urbanističko tehničke uslove za postavljanje slobodnostojećih otvorenih bašti na javnim površinama. Održano je nekoliko sastanaka u cilju razmatranja radnog materijala i davanja primjedbi i sugestija na isti.

Shodno Zakonu o privremenom korištenju javnih površina na području Kantona Sarajevo („Službene novine Kantona Sarajevo“, br. 20/04, 26/12, 32/12, 24/15), usvajanje Elaborata je u nadležnosti Gradskog vijeća Grada Sarajeva uz prethodno pribavljeno mišljenje općinskih vijeća sve četiri gradske općine.

Elaborat – lokacije za postavljanja kioska

U toku je izrada Elaborata, od strane Zavoda za planiranje razvoja KS, koji će se sadržavati lokacije i urbanističko tehničke uslove za postavljanje kioska na javnim površinama. Održano je nekoliko sastanaka u cilju razmatranja radnog materijala i davanja primjedbi i sugestija na isti.

Shodno Zakonu o privremenom korištenju javnih površina na području Kantona Sarajevo („Službene novine Kantona Sarajevo“, br. 20/04, 26/12, 32/12, 24/15), usvajanje Elaborata je u nadležnosti Gradskog vijeća Grada Sarajeva uz prethodno pribavljeno mišljenje općinskih vijeća sve četiri gradske općine.

Projekat Bijela tabija

Aktivnosti Grada Sarajeva na sanaciji i rekonstrukciji Bijele tabije provode se kontinuisano već dugi niz godina. Za radove na konstruktivnoj sanaciji, restauraciji, konzervaciji i rekonstrukciji, kao i za sistematska arheološka istraživanja lokaliteta, u proteklih 15 godina izdvojeno je cca 1.200.000,00 KM iz Budžeta Grada Sarajeva.

Grad Sarajevo u narednom periodu ima namjeru planirati budžetska sredstva i pokrenuti aktivnosti na izradi izvedbene projektne dokumentacije, te je u oktobru 2021. godine zatraženo mišljenje/stav Komisije za očuvanje nacionalnih spomenika BiH o Idejnom projektu prof.

Zlatka Ugljena, s obzirom da se Bijela tabija nalazi u okviru nacionalnog spomenika Graditeljska cjelina – Stari grad Vratnik u Sarajevu proglašava („Službeni glasnik BiH“, broj 20/08), a Odlukom Komisije za očuvanje nacionalnih spomenika BiH upisana je na Privremenu listu nacionalnih spomenika pod rednim brojem 537. („Službeni glasnik BiH“, broj 33/02).

Uvažavajući sve naprijed navedene činjenice, očekujemo da će zajednička saradnja Grada i Komisije, doprinijeti očuvanju naše historije i kulturne baštine, te stvaranju atraktivnog sadržaja za građane i turiste koji posjećuju našu državu i grad Sarajevo.

Rekonstrukcija i adaptacija objekta bivše zgrade SDK kod Vječne vatre

Objekat se nalazi na prostoru nacionalnog spomenika Historijski urbani krajolik Sarajeva („Službeni glasnik BiH“, broj 1/21).

Objekat je nastao 1893. godine, a otvoren je 1895. godine. Projektanti su Karlo Paržik i Josip Vancaš. Pročelje zgrade je građeno u duhu rane renesanse. Ispred pročelja zgrade se nalazi spomen obilježje Vječna vatra koja je upaljena 1946. godine, kao spomenik oslobodiocima Sarajeva i žrtvama fašizma koji su pali u II svjetskom ratu.

U februaru 2021.g. raspisan je međunarodni tender za izradu Glavnog projekta obnove objekta sa istražnim radovima, kao preduslova za pribavljanje potrebnih saglasnosti i dozvola, te izvođenja radova. Tenderom su definisane radnje kroz tri etape:

1. Prethodni istražni radovi
2. Idejni projekat koji se daje na odobrenje Investitoru
3. Glavni projekat sa svim neophodnim fazama

Nakon provedene tenderske procedure, odabran je konzorcij firmi: „Arhiplus“ d.o.o. Mostar (lider konzorcija), „Habitat“ d.o.o. Mostar i „Urbing“ d.o.o. Sarajevo, sa kojima je Grad Sarajevo 12.05.2021. godine zaključio Ugovor o izradi Glavnog projekta rekonstrukcije i adaptacije bivše zgrade SDK kod Vječne vatre u Sarajevu, u iznosu od 457.470,00 KM sa PDV-om.

Rekonstrukcija i rehabilitacija objekta stare Željezničke stanice Bistrik

Zgrada željezničke stanice Bistrik proglašena je 2007. godine Nacionalnim spomenikom Bosne i Hercegovine. Objekat je bio u lošem građevinskom stanju, te je osim ratnih razaranja, pretrpio i znatne promjene usljed nezakonitih građevinskih intervencija.

Grad Sarajevo je krajem 2019.g. ugovorio izradu Glavnog projekta rekonstrukcije i rehabilitacije Zgrade željezničke stanice Bistrik sa firmom URBING d.o.o. Sarajevo

Na osnovu Odobrenja za građenje izdanog od strane Federalnog ministarstva prostornog uređenja dana 23.09.2020. godine, a u skladu sa Glavnim projektom koji je izradila firma „Urbing“ d.o.o. Sarajevo, otpočeli su radovi na rekonstrukciji i rehabilitaciji objekta u mjesecu oktobru 2020. godine.

Radovi su završeni 27.08.2021. godine. Izvođač radova je firma „Neimari“ d.o.o. Sarajevo, a koordinator nadzornog tima „Arhiplus“ d.o.o. Mostar. Ugovorena vrijednost radova iznosila je 2.338.814,42 KM sa PDV-om.

Radovi na objektu su obuhvatali: geomehaničke radove, građevinsko-zanatske radove sa vanjskim uređenjem, radove konstruktivne obnove i AB radove, vodovodne, kanalizacione, mašinske i elektroinstalacije.

Namjena objekta je manji restoran sa kuhinjskim pogonom u podrumu, prostorom za ugostiteljstvo u prizemlju, te muzejskim sadržajem na spratu i potkrovlju.

Početkom decembra 2021. godine Federalno ministarstvo prostornog uređenja donijelo je Rješenje kojim je formirana Komisija za tehnički pregled izvedenih radova na rekonstrukciji i rehabilitaciji Željezničke stanice Bistrik u Sarajevu.

Tehnički pregled objekta od strane Komisije je započeo 27.12.2021. godine i isti je u završenoj fazi te se do kraja februara očekuje i dobivanje upotrebne dozvolu za objekat.

Iluminacija objekta stare Željezničke stanice Bistrik

Grad Sarajevo kontinuisano dugi niz godina izdvaja budžetska sredstva za iluminaciju objekata od kulturno-historijskog značaja, kako bi Sarajevo dobilo privlačnu i prepoznatljivu noćnu sliku grada.

Nakon provedene javne nabavke, radovi na iluminaciji objekta stare Željezničke stanice Bistrik ugovoreni su sa firmom „Testingelektro“ d.o.o. Sarajevo dana 12.11.2021. godine.

Iluminacija objekta je završena 21.12.2021.g u ukupnom iznosu izvedenih radova od 40.355,64 KM sa PDV-om.

Muzej Vijećnica

Muzejski koncept „Muzej Vijećnica“ kao ideja koja datira još od vremena same obnove simbola grada – Vijećnice u Sarajevu zamišljen je kao atrakcija koja na više različitih načina (multimedija, audiovizuelni efekti, artefakti i ostalo) posjetiocima treba da prikaže i približi bogatu povijest ovog nacionalnog spomenika. Prostor muzeja nalazi se u suterenu Vijećnice i zauzima centralni potkupolni prostor ispod aule koji je sam po sebi atraktivan svojom heksagonalnom formom obogaćenom, radijalno simetričnim stubovima, lukovima i svodovima. Takav šestougaoni prostor, sa mogućnošću kružnog i pravolinijskog kretanja, uslovio je organizaciju muzejskog prostora u 8 tematskih cjelina.

Izvođenje radova unutrašnjeg uređenja prostora Muzeja Vijećnica u objektu Gradske vijećnice u Sarajevu ugovorena su u iznosu od 935.968,42 KM. Sredstva su osigurana dijelom iz Budžeta Grada, a dijelom iz kreditnih sredstava. Radovi su završeni 27.08.2021. godine, a izvedeni radovi nakon okončane situacije su u iznosu od 931.688,51 KM. Vrijednost ugovorenog stručnog nadzora nad izvođenjem radova je 6.727,50 KM.

Izvođač radova je bila firma „Neimari“ d.o.o., a nadzor nad izvođenjem radova je bio „ArhiPlus“ d.o.o. Mostar.

BICIKLISTIČA STAZA

PROJEKAT NEDŽARIĆI – SKENDERIJA

Projekat izgradnje biciklističke staze na području grada Sarajeva predstavlja jedan od kapitalnih višegodišnjih projekata kojim je planirana izgradnja gradske biciklističke longitudinalne koja će u budućnosti biti osnova za dalje širenje mreže biciklističkih staza na području grada.

Projekat se izvodi u fazama, po dobivanju odobrenja za građenje, odnosno po gradskim općinama.

Do sada je izgrađeno ukupno cca 10km biciklističke infrastrukture na području Općina Novo Sarajevo i Novi Grad. Trenutno se izvode radovi na području Općine Novo Sarajevo od III do VI transverzale. Završetak radova na ovoj poddionici se očekuje u građevinskoj sezoni 2022. Izvođač radova od III. do VI. transverzale, područje Općine Novo Sarajevo je firma Bosman d.o.o , a vrijednost ugovorenih radova je 341.842,16 KM sa PDV-om, a odnosi se na građevinske radove, a dio koji se odnosi na saobraćajnu signalizaciju iznosi 91.926,95 KM sa PDV-om, nadzor nad izvođenjem radova je firma HS INŽENJERING Sarajevo. Radovi su se u 2021. godini odvijali usporenom dinamikom jer su bili uslovljeni radovima na polaganju glavnog potisnog vodovoda. Očekujemo da se radovi završe u prvoj polovini 2022. godine.

Vršile su se aktivnosti na pribavljanu saglasnosti za izgradnju I transverzale (Vilsonovo Šetalište) do Skenderije. Ove aktivnosti su usporene radi nepostojanja planske dokumentacije na predmetnom području na kojem je planirana trasa biciklističke staze.

PROJEKAT SARAJEVO – PALE

U 2022. godini Grad Sarajevo je potpisao Sporazum o zajedničkom finansiranju izrade projektne dokumentacije za izradu Idejnog i Glavnog projekta biciklističke staze Sarajevo - Pale sa Gradom Istočno Sarajevo, Opštinom Istočni Stari Grad, Opština Pale i Opština Srati Grad. Procjenjena vrijednost usluge projektovanja bila je 150.000,00 KM. U 2021. godini provedene su procedure zajedničke javne nabavke, ugovor je zaključen sa projektantskim biroom „Radis“ d.o.o. u iznosu 54.000,00 KM.

Planirano je, u skladu sa ranije potpisanim Memorandumom o zajedničkoj saradnji, da finansiranje izgradnje navedene biciklističke staze vrši Delagacija EU u BiH, ali tek nakon dobivanja potrebnih odobrenja za gradnju po ugovorenoj tehničkoj dokumentaciji.

Nastavak realizacije ovog projekta je u 2022. godini.

JARBOL NA HUMU

Grad Sarajeva je dana 26.09.2017. godine pokrenuo Inicijativu izgradnje jarbola sa zastavom BiH, da bi do 25. novembra iste godine bio i realizovan. Projektant izgradnje jarbola na Humu izradila je firma HS INŽENJERING d.o.o. Sarajevo, izvođač radova bila je firma Bosman d.o.o.

U 2021. godini vršeno je redovno održavanje jarbola na Humu koje podrazumijeva održavanje mehanizma za podizanje same zastave, kao i pripreme za svečana podizanja zastave po potrebi. Ove aktivnosti se nastavljaju u 2022. godini.

TROSTRANI SVIJETLEĆI OLIMPIJSKI KRUGOVI

Trostrani svijetleći olimpijski krugovi na kružnom toku na Dobrinji, izgrađeni u augustu 2018. godine, u saradnji s Općinom Novi Grad Sarajevo, pred održavanje Olimpijskog festivala mladih - EYOF i u čast nezaboravnih olimpijskih dana u Sarajevu 1984. godine.

Dimenzija krugova je 2 x 4 m, a vidljivi su iz pravca Lukavice, sarajevskog aerodroma i iz pravca grada.

U 2021. godini vršeno je redovno održavanje Olimpijskih krugova na Dobrini.

FONTANA NA TRGU ŽRTAVA GENOCIDA U SREBRENICI

Dana 25.06. 2018. godine započela je sanacija fontane na Trgu žrtava Genocida u Srebrenici, a u svrhu puštanja u rad navedene fontane koja već godinama nije u funkciji. Radove je izvela firma ITG d.o.o., sa kojom je prethodno zaključen Ugovor, a na osnovu Odluke broj 01/04-14-2693-3/18 od 07.06.2018. godine. Rok završetka radova bio je 20 kalendarskih dana.

Grad Sarajevo dobio je Saglasnost od Federalnog zavoda za zaštitu spomenika, broj 07-40-4-4560-1/18 od 06.06.2018. godine, za tekuće održavanje fontane na Trgu žrtava genocida u Srebrenici, s obzirom da se fontana nalazi u obuhvatu nacionalnog spomenika „Historijska građevina – Željeznička stanica sa trgom u Sarajevu”.

U 2021. godini vršeno je puštanje i gašenje fontane po potrebi, održavanje mašinskog i hidro sistema fontane, kao o redovno čišćenje iste.

KASARNA JAJCE

Vlade Federacije je 25.04.2019. godine donijela Odluku o davanju na privremeno korištenje kasarne Jajce Gradu Sarajevu na period od 49.godina („Službene novine FBiH“, broj 29/19). Primopredaja lokacije kasarne Jajce je izvršena 14.03.2019. godine između predstavnika Vlade Federacije BiH i Grada Sarajeva.

Grad Sarajevo je u proteklom periodu poduzeo aktivnosti u cilju zaštite ovog nacionalnog spomenika BiH.

Tokom ranijih godina urađena su geodetska snimanja, inženjersko-geološki istražni radovi, te arhitektonska snimanja postojećeg stanja kompleksa, elaborat o inženjersko-geološkim i geotehničkim karakteristikama tla za potrebe obnove kasarne Jajce, elaborati geotehničke misije G1 i G21 i potporni zid južno od kasarne od strane „Winner project” Sarajevo te studija konstruktivnog stanja kompleksa. Urađen je i projekat iluminacije južne fasade objekta i potpornog zida.

U 2021. godini vršeno je održavanje vanjskog dijela Kasarne Jajce koje je podrazumijevalo uklanjanje samoniklog rastinja. Značajnije aktivnosti se planiraju u narednom periodu.

POSLOVNI OBJEKAT VIDIKOVAC

U 2021. godini Grad Sarajevo je putem Pravobranilaštva grada Sarajeva Općini Stari Grad Sarajevo, Službi za urbanizam, prostorno uređenje, imovinskopravne, geodetske poslove i katastar i stambene poslove podnio Zahtjev za izdavanje odobrenja za upotrebu građevine za poslovni objekat „Vidikovac“.

Objekat Vidikovac u trenutku podnošenja Zahtjev za izdavanje odobrenja za upotrebu građevine nije imao priključak na vodovodni sistem, odnosno nije imao protupožarni hidrantski sistem i sanitarnu vodu, što je uslov za tehnički prijem objekta. Nakon što je Opština Istočni Stari Grad izvršila polaganje cjevovoda od Brusa do Vidikovca, izvršila tehnički prijem cjevovoda, te isti predala na upravljanje komunalnom preduzeću ViK Pale, Grad Sarajevo je zaključio ugovor o isporuci vode, te je izvršeno priključenje objekta Vidikovac na vodovodnu mrežu. Ovim su se stekli uslovi da Općina Stari Grad, šest mjeseci nakon podnošenja Zahtjeva formira stručnu Komisiju za vršenje tehničkog pregleda izvedenih radova poslovnog objekta „Vidikovac“. Tehnički prijem je u toku te očekujemo da u 2022. godini dobijemo upotrebnu dozvolu za objekat Vidikovac.

KANALIZACIJA TREBEVIĆ

Projekat izrade kanalizacionog sistema, odnosno sistema odvodnje fekalnih voda iz objekata gornje stanice Trebevičke žičare i ugostiteljsko poslovnog objekta Vidikovac je jedan od ključnih projekata za završetak cjelokupnog projekta revitalizacije Trebevića koji podrazumijeva rekonstrukciju Trebevičke žičare i proširivanje ugostiteljske ponude kroz izgradnju, odnosno rekonstrukciju ugostiteljsko poslovnog objekta Vidikovac.

U skladu sa odobrenjima za građenje, odnosno saglasnostima KJKP „VIK“-a, u sklopu objekta dolazne stanice Trebevičke žičare izgrađena je i septička jama, koja je trenutno u upotrebi. Na postojeću septičku jamu izvršeno je priključenje objekta Vidikovac koji je trenutno u izgradnji, a također sve u skladu sa saglasnošću KJKP „VIK“ i odobrenjem za građenjem.

Prema raspoloživim informacijama od korisnika objekta JP Sarajevo održavanje ovakvog sistema podrazumijeva redovno sedmično pražnjenje septika, što je uzimajući u obzir cijenu dolaska i uslugu specijalnog vozila za pražnjenje septika ekonomski neodrživo. Potrebno je uzeti obzir da će se stavljanjem u funkciju objekta Vidikovac u punom kapacitetu priliv fekalnih voda u postojeći septik još više povećati, te će se troškovi pražnjenja biti još veći.

Uzimajući u obzir navedeno Grad Sarajevo je pristupio projekatu izrade kanalizacionog sistema Vidikovac – Čolina kapa kao jedinom pravom i održivom rješenju odvodnje fekalnih voda sa objekata Vidikovac i dolazne stanica žičare, ali i rješavanju problema nepostojanja kanalizacionog sistema na čitavom Trebevičkom platou, jer su planirane tehničke mogućnosti da se na novi cjevovod priključe svi postojeći objekti na Trebeviću, čime bi se riješio veliki ekološki i higijensko-epidemiološki problem.

U sklopu ovih aktivnosti izrađen idejni/glavni projekat prema načelnoj saglasnosti KJKP VIK – pogon kanalizacija, na koji su dobivene pozitivne saglasnosti od Ministarstva prostornog uređenja, građenja i zaštite okoliša KS, Zavoda za planiranje razvoja KS, Zavod za zaštitu kulturno historijskog naslijeđa KS.

Planirano je da se finansiranje ovog projekta vrši iz kreditnih sredstava Razvojne banke FBIH i budžeta Grada Sarajeva, te su osigurana sredstva u iznosu od 1.300.000 KM.

Trenutno je projekat u fazi pribavljanja urbanističke saglasnosti kod nadležnog organa Općine Stari Grad.

Smatramo da je ovo veoma bitan infrastrukturni projekat koji bi riješio problem odvodnje fekalnih voda čitavog Trebevičkog platoa, te da je u interesu i Općine Stari Grad i JU „Zaštićena prirodna područja KS“, ustanove koja upravlja ovim područjem, odnosno građana grada Sarajeva i posjetilaca ove planine, da se ovaj problem riješi, te da se moraju iznaći načini da se ovaj projekat u potpunosti realizuje, a Grad Sarajevo to može jer ima kapacitete, urađene projekte i većinu saglasnosti nadležnih institucija, te osiguran novac za realizaciju ovog projekta.

Očekujemo realizaciju ovog projekta u 2022. godini.

PROJEKAT REKONSTRUKCIJE ASTRONOMSKOG OPSERVATORIJA TREBEVIĆ

U 2021. donesena je Odluka Grada Sarajeva o pristupa Projektu obnove i rekonstrukcije Astronomskog opservatorija Trebević kojom se daje saglasnost i ovlaštenje gradonačelnici Grada Sarajeva i Pravobranilaštvu Grada Sarajeva da, u okviru svojih nadležnosti, poduzimaju sve potrebne pravne, organizacijske, tehničke, administrativne i finansijske radnje i aktivnosti u cilju uspješne realizacije Projekta, kao i da poduzimaju radnje na rješavanju imovinsko-pravnih odnosa putem odgovarajućih pravnih poslova.

Realizacija ovog Projekta se nastavljala u narednom periodu.

BOB I STAZA ZA SANJKANJE TREBEVIĆ

Bob i staza za sanjkanje na Trebeviću izgrađena je 1982. godine za potrebe održavanja XIV zimskih olimpijskih igara u Sarajevu 1984.godine. Nosilac izgradnje je bila RO “Olimpijada ‘84”, firma koju je osnovao Organizacijski komitet ZOI '84 sa ciljem da se izgrade sva borilišta za održavanje igara. Izrada projekta je povjerena Institutu za arhitekturu i urbanizam, Arhitektonskog fakulteta u Sarajevu uz konsultanske usluge projektnog biroa Deyle iz Stuttgarta. Nakon igara, koristila se u svrhu održavanja treninga te raznih međunarodnih takmičenja. U toku rata 1992.-1995. bob staza je devastirana, te više nije u funkciji zimskih sportova.

Bob i staza za sanjkanje se nalaze u obuhvatu Zaštićenog pejzaža Trebević. Trenutno je u fazi izrada Prostornog plana područja posebnih obilježja Zaštićeni pejzaž „Trebević“.

Grad Sarajevo je izrazio spremnost i želju za obnovom bob i staze za sanjkanje, te je u tom smislu na 11. sjednici Gradskog vijeća donesena Odluka o opredjeljenju Grada Sarajeva za pristupanje Projektu obnove Olimpijske bob staze na Trebeviću. U narednom periodu fokus Grada Sarajeva će biti na rješavanju imovinsko-pravnih odnosa, u cilju obnove ovog simbola grada.

PROJEKTI TEKUĆEG ODRŽAVANJA

1. *Zakon o komunalnim djelatnostima Kantona Sarajevo („Službene novine Kantona Sarajevo“, br. 14/16, 43/16, 19/17 i 20/18).*

1.1. *Odluka o izgradnji, rekonstrukciji i održavanju javnih česmi i fontana, javnih kupatila i javnih nužnika („Službene novine Kantona Sarajevo“, br. 12/11, 21/16 i 51/18).*

Grad Sarajevo upravlja sa 45 javnih česmi, 2 male fontane, 2 velike fontane i 1 javni toalet. Sa firmom Jobing d.o.o. imamo sklopljen ugovor o godišnjem održavanju javnih česmi i fontana. Ugovor je zaključen 01.06.2021. i ističe 01.06.2022. god. U ljetnom periodu bilo je otvoreno 27 česmi, jedna mala fontana u ul. Bravadžiluk i fontana Ubijenoj djeci opkoljenog Grada Sarajeva. Fontana na Trgu Žrtava Srebrenice je iz tehničkih razloga i dalje zatvorena. 18 javnih česmi i dvije male fontane su bile zatvorene i u ljetnom periodu. Pred zimu je izvršena konzervacija svih javnih česmi i fontana osim njih 6 koje su ostale u upotrebi i preko zime. Svi troškovi oko održavanja i utroška vode su izmireni. Upravljanjem i održavanjem Javnog WC u periodu od 06.07.2021 do 06.12.2021. godine bilo je povjereno firmi GREEN LINE d.o.o., poslije ovog roka Grad Sarajevo je ponovo preuzeo obavezu održavanja istog.

Osigurano je i redovno održavanje Spomen obilježja ubijenoj djeci opkoljenog Sarajeva.

Ugovor je bio potpisan sa firmom MIMAS-ING. Predmet ovog ugovora je održavanje mašinskog i hidro sistema na fontani. Ugovor je bio potpisan 06.04.2021. godine i važio je do njegovog isteka tj. do 30.11.2021. godine.

Osigurano je i redovno održavanje Spomen obilježja „Vječna vatra“. Aktivnosti podrazumijevaju tehnički servis plamenika, a ugovor je sklopljen za firmom Grizelj-Group d.o.o. na period od 12 mjeseci tj. od 21.05.2021. do 21.05.2022. godine. Navedena firma poslove iz ugovora obavlja uredno.

JAPANSKE TREŠNJE

Sa KJKP „Park“ imamo sklopljen ugovor „Održavanje japanskih trešanja-grant KJKP PARK“, tekući grantovi javnim preduzećima i ustanovama-konto 614 400. Sredstva u iznosu od 3000 km se raspoređuju na sljedeće:

- Zalijevanje sadnica japanske trešnje u ljetnom periodu;
- Okopavanje, plijevljenje i prašenje sadnica uz prihranu;
- Rezidba, podizanje krošnje i uklanjanje suhih i oštećenih grana
- Usluga nabavke, dovoza i sadnje stabla *Prunus serrulata* sa svim pripadajućim radovima.
- Sredstva uredno opravdana.

VODOTOCI

Odluku o korištenju, održavanju i čuvanju vodotoka na području grada Sarajeva („Službene novine Kantona Sarajevo“, broj 02/07), imajući u vidu prava i dužnosti Grada Sarajeva, utvrđena Zakon o vodama F BiH iz 2010. godine, odnosno Zakona o vodama Kantona Sarajeva kao i Zakona o komunalnoj čistoći Kantona Sarajeva, vezano za obavezu čišćenja vodnog dobra datog u vlasništvo, odnosno na upravljanje Gradu Sarajevu.

Provedeno je niz aktivnosti na upravljanju vodotocima II kategorije na području grada Sarajeva.

(1) **Rijeka Miljacka**, kao glavni vodotok u Gradu Sarajevu, posebno je obuhvaćen aktivnostima čišćenja i održavanja. Grad je proveo mjerenja kompletne površine rijeke Miljacke nad kojom je nadležan. U sklopu redovnog održavanja korita rijeke Miljacke, ugovarani su i izvršeni poslovi redovnog košenja trave na travnatim kosinama korita, čišćenja kabastog otpada iz samog korita i hortikulturnog uređenja.

U 2021. godini je ugovoreno redovno održavanje korita rijeke Miljacke od Bentbaše do mosta u Ulici Kurta Schorka – Košenje trave sa izgrablivanjem na kosinama regulacije korita rijeke Miljacke, čišćenje korita od smeća i kabastog otpada, krčenje šiblja i niskog rastinja – okvirni sporazum na 3 godine (2021.-2024.) u iznosu od 450.450,00 KM, a izvođač je konzorcij firmi Nineco doo i Aida Commerce doo.

Svake godine izvršava se deviperacija korita kako bi se pojava zmija suzbila. Zavod za javno zdravstvo KS je redovni izvršilac ovih aktivnosti, a okvirni iznosi su oko 6.000,00 KM.

Projekat pjeskarenja kamenih zidova rijeke Miljacke je procijenjen na vrijednost od cc 300.000,00 KM. Do sada je urađena desna strana korita rijeke Miljacke na dionici od Bentbaše do Carevog mosta u ukupnom iznosu od 67.719,00 KM. Izvođač radova je bila firma Klico trans gradnja d.o.o.

Zbog pandemije COVID-19 i nedostatka finansijskih sredstava projekat pjeskarenja kamenih zidova je obustavljen.

Očekuje se nastavak aktivnosti u 2022. godini u skladu sa obezbjeđenim sredstvima od Grada Sarajeva i viših nivoa vlasti.

U 2021. godini urađen je kompletan geodetski snimak uređenog dijela korita rijeke Miljacke za potrebe izrade hidrauličkog modela i sanacije kaskada. Iznos utrošen za ovu namjenu je 34.749,00 KM, a izvođač je bila firma BN Pro d.o.o.

U 2022. godini planira se nabavka Glavnog projekta sanacije kaskada korita rijeke Miljacke, a u tu svrhu je izvršena nabavka izrade projektnog zadatka za potrebe sanacije kaskada na rijeci Miljacki.

(2) **Bistrički potok**, kao jedna od značajnijih pritoka rijeci Miljackoj, je još u Austro-ugarsko vrijeme ucjevljan, te je protokom vremena doživio neke sanacije, ali je lokalna zajednica imala velikih problema zbog propadanja ceste i infrastrukture ispod same građevine ucjevljenja.

U skladu sa našim obavezama održavanja vodotoka pristupilo se aktivnostima na veoma zahtjevnom i opasnom geodetskom snimanju ucjevljenja. Nakon geodetskog snimanja izrađen je Glavni projekat sanacije Bistričkog potoka koji će služiti za buduće izvođenje neophodnih radova.

Grad Sarajevo je ishodovao odobrenje za građevinske radove u 2021. godini od Općine Stari Grad Sarajevo te se u 2022. godini planira sanacija zacijevljenog dijela Bistričkog potoka.

U Budžetu Grada Sarajeva su na posebnoj poziciji planirana sredstva u iznosu od 250.000,00 KM za ove potrebe, a očekuje se i konkretna finasijska podrška višeg nivoa vlasti u istom iznosu.

Tokom 2021. godine Grad Sarajevo je u saradnji sa Općinom Stari Grad Sarajevo proveo aktivnosti na hitnoj sanaciji urušene stropne ploče zacjevljenja Bistričkog potoka s učešćem od 61.392,06 KM

(3) **Ramića potok**, kao historijski objekat i značajna pritoka rijeci Miljackoj, je ucijevljen i prolazi ispod najznačajnijeg dijela grada, Baščaršijskog trga i najpoznatijeg simbola Sarajeva – Sebilja.

U svrhu analize stanja i izrade Glavnog projekta sanacije urađen geodetski elaborat, također, u veoma zahtjevnim uslovima prolaska kroz zacjevljenje u dužini od 1200 m širine 120 cm na nekim mjestima. Nakon snimanja pristupilo se izradi Glavnog projekata sanacije u 2019. godini koji će služiti za buduće izvođenje neophodnih radova.

Grad Sarajevo je podnio zahtjev za ishodovanje urbanističke saglasnosti za potrebe sanacije Ramića potoka u 2021. godini.

(4) **Koševski potok** – U sklopu redovnih aktivnosti i planiranog kvalitetnog održavanja uređenih vodotoka Ugovoreno je geodetsko snimanje Koševskog potoka za potrebe sanacije – realizacija u 2021. godini. Firma koja obavlja ove poslove je GeoGis doo, a ugovoreni ukupni iznos je 10.446,60 KM.

Geodetski elaborat će ukazati na eventualna oštećenja i izljeve onečišćenja u Koševki potok i prethodi izradi Glavnog projekta sanacije koji je planiran 2022. godine.

(5) Od niza drugih provedenih aktivnosti izdvojili bi još aktivnosti koje su provedene u svrhu produbljivanja korita kod Skenderije. Izvršeno je produbljivanje korita u neposrednoj blizini mosta i iznošenje nanosa.

Važno je istaći da upravljanje vodotocima kao prenesena obaveza sa viših nivoa vlasti ne prati adekvatno i obavezno finansiranje, odnosno Grad Sarajevo većinom sam finansira aktivnosti na upravljanju vodotocima koji su mu preneseni u nadležnost.

Ova situacija je neprihvatljiva i krši se sa osnovnim principom alociranja potrebnih sredstava sa prenesenom nadležnošću na niži nivo vlasti. Ipak sa skromnim budžetom kakav je Budžet Grada Sarajeva uspijevaju se provesti aktivnosti održavanja korita urednim, kao i neke aktivnosti u investicijskom smislu koji unaprjeđuju opće stanje samih vodotoka.

SPOMENICI

Grad Sarajevo ima 22 spomenika od značaja, a redovne aktivnosti podrazumijevaju čišćenje i manje sanacije spomenika.

U 2021. godini, Grad Sarajevo je putem svog komunalnog preduzeća JP Sarajevo te putem nabavke održavanja spomenika sa Greenline d.o.o. relizovao Program tekućeg održavanja spomenika od značaja za Grad Sarajevo za 2021. godinu u cijelosti kako je planirano. Konstatujemo da su svi spomenici u nadležnosti Grada Sarajeva u dobrom stanju.

Grad Sarajevo godišnje donosi plan podizanja spomenika i aktivnosti koje se planiraju provesti za tu godinu. Program se zasniva na inicijativama koje su dobile podršku Gradskog vijeća i za koje je Komisija za spomenike utvrdila da su inicijative za podizanje spomenika od značaja za Grad Sarajevo, te uputila Gradonačelniku na obradu sa ciljem da Grad Sarajevo bude investitor podizanja spomenika.

Programske aktivnosti u 2021. godini na podizanju spomenika i umjetničkih skulptura od značaja za Grad Sarajevo, kojima je Grad Sarajevo investitor, su kako slijedi:

1. Spomen-ploča žrtvama na Kazanima

Inicijativa za podizanje Spomen ploče žrtvama na Kazanima datira iz 2012. godine. Izborom idejnog rješenja i usvajanjem Odluke o podizanju navedenog spomenika u 2021. godini stekli su se uslovi da se navedeni spomenik podigne.

Nakon javne rasprave i objave Odluke u Službenim novinama, krajem 2021. godine Spomen-ploča na kazanima je podignuta.

Uz sredstava Grada Sarajeva, učešće u finansiranju je uzeo i potpredsjednik Federacija BiH koji je doznačio 5000,00 KM još 2015. godine.

Otkrivanje Spomen-ploče upriličeno je 15.11.2021. godine.

2. Spomen obilježje Kralju Tvrtku I Kotromaniću

Grad Sarajevo je u 2021. godini proveo proceduru nabavke **Idejnog rješenja spomenika Kralju Tvrtku I Kotromaniću** za lokalitet u ulici Mis Irbina, Općina Centar. Konkursno rješenje će odabrati posebna stručna komisija.

Za pribavljanje glavnog projekta te podizanje konkretnog spomenika sredstva su planirana u Budžetu Grada Sarajeva za 2022. godinu u okviru stavke „Podizanje spomenika i umjetničkih skulptura od značaja za Grad Sarajevo kojima je Grad Sarajevo investitor”.

3. Spomen obilježje „HVO Sarajevo”

Gradsko vijeće je donijelo Odluku o podizanju ovog spomen obilježja na sjednici održanoj 29.01.2020. („Službene novine Kantona Sarajevo“, broj 5/20) te izmjenu Odluke na sjednici 30.09.2020. godine.

Grad Sarajevo je ishodovao odobrenje za građenje 11.11.2021. godine od strane nadležne općine, te su sredstva za podizanje ovog spomenika planirana u Budžetu Grada Sarajeva za 2022. godine.

OSTALE AKTIVNOSTI REALIZOVANE U 2021. GODINI:

- Sadnja i održavanje Japanskih trešnji – realizacija budžetskih sredstava u iznosu 3.000,00 KM za 2021. godinu
- Sufinansiranje radova na izgradnji Botaničke bašte Zemaljskog muzeja u iznosu od 180.000,00 KM u 2021. godini – Budžetski grant
- Most Festina lente – sufinansiranje sanacije u iznosu od 50.000, 00 KM – 2021. godina
- Austrijska kuća - sufinansiranje sanacije u iznosu od 50.000, 00 KM – 2021. godina

TUNEL VRATNIK

Grad Sarajevo je zaključio Sporazum o zajedničkoj implementaciji projekta rasvjete tunela Vratnik na magistralnoj cesti M5 sa Općinom Stari Grad i JP Ceste FBiH. Grad Sarajevo u realizaciji ovog projekta učestvuje finansijskim sredstvima u iznosu od 100.000,00KM. Realizacija ovog sporazuma se očekuje u 2022. godini.

UREĐENJE DIJELA LOKALNE SAOBRAĆAJNICE BENTBAŠA - KOZJA ČUPRIJA - LAPIŠNICA - M5

Grad Sarajevo je zaključio Sporazuma o regulisanju međusobnih prava i obaveza na realizaciji radova uređenja dijela lokalne saobraćajnice Bentbaša - Kozja ćuprija - Lapišnica - M5 sa Općinom Stari Grad. U ovom projektu Grad Sarajevo učestvuje kroz finansiranje istog u iznosu od 160.000,00KM. Ovaj projekat u cijelosti je završen u 2021. godini.

PROJEKAT REKONSTRUKCIJE, RESTAURACIJE I KOLORISTIČKE OBNOVE FASADA U GRADU SARAJEVU

Investitor projekta: Grad Sarajevo

Projekat je višegodišnji, te samim tim zahtjeva sistematski pristup, kao i obezbjeđenje većih novčanih sredstava u narednim godinama, obzirom da je cilj obnoviti što veći broj objekta graditeljskog naslijeđa čija će realizacija u konačnici doprinijeti ljepšoj urbanističkoj slici grada.

U skladu sa Odlukom o načinu ostvarivanja saradnje Grada Sarajeva sa pravnim i fizičkim licima u oblasti obnove fasada na objektima od kulturno-historijskog značaja („Službene novine Kantona Sarajevo“, broj 36/08), Grad Sarajevo je 2017. godine ostvario saradnju sa Zavodom za zaštitu kulturno-historijskog i prirodnog naslijeđa prilikom čega je usaglašena je obnova fasada prevashodno za objekte za koje je Zavod već imao projektnu dokumentaciju, a koju je trebalo novelirati.

U nastavku su realizovani projekti u okviru ove saradnje.

Izvedeni radovi sanacije i restauracije fasada stambeno-poslovnih objekata u Sarajevu, i to:

- Stambeno-poslovna zgrada Petra Todorovića, Ulica Štrosmajerova br. 4
- Stambeno-poslovna zgrada Eduarda Pleyela, Ulica Štrosmajerova br. 6
- Stambeno-poslovna zgrada Ješue i Mojce Saloma, Ulica Štrosmajerova br. 8

- Stambeno-poslovna zgrada u ulici Štrosmajerova br. 1

Tokom 2021. godine započete su aktivnosti na pribavljanju dokumentacije za potrebe sanacije i restauracije fasade Gospođicine kuće

Povijesna građevina – „Gospođicina kuća“, u ulici Hamdije Kreševljakovića br.1, proglašena je nacionalnim spomenikom Odlukom komisije za očuvanje nacionalnih spomenika na sjednici održanoj 11.03.2011.godine.

Građevina je smještena na parceli označenoj kao k.č. 855, k.o. Sarajevo VIII (novi premjer), što odgovara k.č. 71, k.o. Sarajevo CXXIX (stari premjer).

„Gospođicina kuća“ je izgrađena u najstrožem centru Sarajeva, na području Skenderije. Svojom zapadnom stranom je oslonjena na zgradu građenu u istom periodu koja se danas koristi kao Ambasada Grčke. Istočna strana je orijentisana prema parkingu zgrade DPO. Južna fasada je uz ulicu Hamdije Kreševljakovića, dok je sjeverna uz Obalu Maka Dizdara.

Sjeverna i južna fasada su izvedene u historicističkom maniru, i predstavljaju prilično simetrične kompozicije za koje su karakteristični ravnomjerno raspoređeni prozorski otvori pravokutnog oblika postavljeni u nivou suterena, prizemlja i prvog sprata, dok se u centralnom dijelu potkrovlja ističe zabatni zid na kojem je izveden po jedan dvokrilni prozor i u njegovoj osovini iznad po jedan kružni otvor.

Specifičnost građevine je primjena zgrafito tehnike u ukrašavanju zidnih površina, koja podrazumijeva urezivanje crteža u malter. Ova tehnika je primijenjena na tri panela između prozora i pojasu iznad prozora i panela, u sepija tonovima sa dominantno terakotno crvenom bojom.

Poduzete aktivnosti

Grad Sarajevo je prepoznao značaj ove građevine i rijetkog primjera fasade sa primijenjenom zgrafito tehnikom, te je poduzeo aktivnosti u cilju realizacije projekta sanacije, restauracije i kolorističke obnove fasade objekta „Gospođicina kuća“.

Izvršeno je geodetsko snimanje zatečenog stanja fasada (južna, sjeverna i istočna), te započeta izrada Glavnog projekta sanacije, restauracije i kolorističke obnove fasade. Uspostavljen je kontakt sa vlasnicima kako bi se moglo i formalno-pravno dogovoriti pristupanje izvođenju radova.

U narednom periodu će se vršiti aktivnosti na pribavljanju potrebnih saglasnosti Federalnog ministarstva prostornog uređenja, Komisije za očuvanje nacionalnih spomenika, te raspisivanje tendera za izbor najpovoljnijeg ponuđača na izvođenju radova.

GEODETSKO SNIMANJE FASADA

Investitor projekta: Grad Sarajevo

Početakom 2021. godine proveden je postupak javne nabavke za geodetsko snimanje fasada objekata graditeljskog naslijeđa na sljedećim adresama: Maršala Tita br. 17,19,27,29,33,32,12,6,5 , uglovnica Maršala Tita i Dolina br. 2, ulica Maršala Tita broj 54 dvorišni dio (Salomova palata), Kaptol br. 1,2,4,5, Mula Mustafe Bašeskije br. 1,3,4 i 5, Ćemaluša br. 2,4,6,8,12,14, Ferhadija br.4, Branilaca Sarajeva br.

53,51,49,47,45,32,34,28,39,41,43,31,33,25,23,15,17, Uglovnica Branilaca Sarajeva i Kulovića br.5, Mis Irbina br. 26,24,14-22,10,12,6,4,1,5,7,9,11, Obala Kulina bana br. 2,3,4,5,6,10,11,12,14,15,16,17, uglovnica Obala Kulina bana i Radićeva br. 1 i 2, Uglovnica Obala Kulina bana i Jadranska br.1, Gimnazijska br. 1,3 i 11, Radićeva br. 17,4,11,13,15,3,6,7, Hamdije Kreševljakovića br. 1,10,12,13,9,11,27, Obala Maka Dizdara br. 5,7,8,9,13, Uglovnica Obala Maka Dizdara i Tabašnice 2, Tabašnica 4, Čobanija br. 2,4,6 i 8, Branislava Đurđeva 4 i 18, Hamze Hume br. 8,4 i 2, Bolnička 17, Zmaja od Bosne br. 61, 63, Brodac br. 6, 4 i 2.

Cilj ovog projekta je obuhvatiti što veći broj objekata graditeljskog naslijeđa posebno u užoj gradskoj jezgri, kako bi se u konačnici mogla planirati obnova fasada na što većem broju objekata te osmisliti model finansiranja u saradnji sa općinama i višim nivoima vlasti.

PROJEKAT „MODEL POBOLJŠANJA ENERGETSKE EFIKASNOSTI U ZGRADARSTVU NA PODRUČJU KANTONA SARAJEVO“

Nosilac projekta: Vlada Kantona Sarajevo

Projekat sufinansira: Vlada Kantona Sarajevo, Grad Sarajevo i općine Kantona Sarajevo

Projekat utopljanja fasada na području Grada Sarajevo je kompleksan višegodišnji projekat koji zahtjeva učešće i sinergiju većeg broja sudionika, te sistematski pristup koji je neophodan za realizaciju.

Kratke informacije o projektu:

Ministarstvo za prostorno uređenje, građenje i zaštitu okoliša Kantona Sarajevo je, u saradnji sa Sarajevskom regionalnom razvojnom agencijom (SERDA), razvilo Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje), tzv. Model EE. Vlada Kantona Sarajevo je usvojila Model EE u decembru 2017. godine.

Vlada Kantona Sarajevo, Grad Sarajevo i općine Kantona Sarajevo su potpisale Sporazum o realizaciji Modela EE, kojim se definiše i pruža podrška građanima Kantona Sarajevo da pod povoljnim uslovima utople svoje objekte. Na ovaj način građani dobivaju subvencioniranje 45% troškova utopljanja objekata.

Vlada Kantona Sarajevo putem Ministarstva prostornog uređenja, građenja i zaštite okoliša Kantona Sarajevo nositelj realizacije Modela EE. Za korisnike/aplikante finansira izradu projektne dokumentacije i energetskog audita, udio u implementaciji mjera energetske efikasnosti u iznosu 5 %, a za korisnike vangradskih općina Kantona Sarajevo 10%, finansira fond solidarnosti, sufinansira kamatnu stopu 3 % za korisnike Modela EE koji za finansiranje implementacije mjera EE budu uzimali kredit kod partnerskih banaka. Sa ciljem upoznavanja građana o prednostima EE finansira edukacije građana i promotivne kampanje.

Grad Sarajevo se obavezuje sufinansirati 10 % troškova implementacije utopljanja objekata, za korisnike sa teritorije 4 gradske općine.

Općine Kantona Sarajevo se obavezuju sufinansirati 30 % troškova implementacije utopljanja objekata, za korisnike sa teritorije svojih općina.

Nakon niza prethodno potpisanih Sporazuma, u 2020. godini za realizaciju „Modela poboljšanja energijske efikasnosti u zgradarstvu na području Kantona Sarajevo u funkciji

povećanja broja korisnika (omasovljenje)”, pristupilo se potpisivanju Sporazuma i Aneksa Sporazuma za objekte sa područja općina Novo Sarajevo i Stari Grad Sarajevo

- Sporazum i Aneks između Kantona Sarajevo, Ministarstva prostornog uređenja, građenja i zaštite okoliša, Grada Sarajevo, Općine Novo Sarajevo i Kantonalnog Stambenog fonda Sarajevo;
- Sporazum i Aneks između Kantona Sarajevo, Ministarstva prostornog uređenja, građenja i zaštite okoliša, Grada Sarajevo, Općine Stari Grad Sarajevo i Kantonalnog Stambenog fonda Sarajevo.

Aneksima Sporazuma su definisani su iznosi sufinansiranja svih učesnika kao i lista objekata individualnog stanovanja sa područja općina Novo Sarajevo i Stari Grad za koje je obezbijeđen audit i finansijska sredstva. U skladu sa čime je Grad Sarajevo uplatio sredstva prema Kantonalnom stambenom fondu za realizaciju navedenog.

8. GRADSKA SLUŽBA ZA OBRAZOVANJE, KULTURU SPORT I MLADE

Pravilnikom o unutrašnjoj organizaciji i sistematizaciji radnih mjesta organa uprave Grada Sarajeva formirana je Gradska služba za obrazovanje, kulturu, sport, i mlade (u daljem tekstu: Služba) kao osnovna organizaciona jedinica. Izmjenama u 2021. godini utvrđenim Odlukom o organizaciji i djelokrugu organa uprave Grada Sarajeva, te Pravilnikom o unutrašnjoj organizaciji i sistematizaciji radnih mjesta organa uprave i Stručnih službi Grada Sarajeva, Služba mijenja naziv u Služba za obrazovanje, sport, kulturu i mlade, kao osnovna organizaciona jedinica, u kojoj su formirana dva odsjeka, tačnije: Odsjek za obrazovanje i sport i Odsjek za kulturu i mlade. Od marta 2017. godine, Službom rukovodi Pomoćnica gradonačelnice za obrazovanje, sport, kulturu i mlade, mr. Amina Deljković.

1.1. Djelokrug službe

Gradska služba za obrazovanje, sport, kulturu i mlade vrši sljedeće poslove:

Prati stanje zakonske regulative u oblasti za koju je osnovana i inicira rješenja od interesa za Grad Sarajevo prema višim nivoima vlasti, priprema propise i druge akte iz nadležnosti službe, koje donosi Gradsko vijeće i gradonačelnica, izvršava upravne i stručne poslove u okviru samoupravnog djelokruga Grada u oblasti bibliotekarske djelatnosti, zaštite kulturne baštine, muzejske djelatnosti, arhivske djelatnosti i pozorišne djelatnosti i pitanja mladih. Izvršava upravne i stručne poslove, u okviru samoupravnog djelokruga Grada u oblasti osnovnog i srednjeg obrazovanja. Provodi i vrši nadzor nad ostvarivanjem Odluke o načinu provođenja javnog interesa Grada Sarajeva u oblasti sporta. Provodi mjere i aktivnosti na zaštiti kulturno historijskog naslijeđa Grada. Prati provođenja politike prema mladima i aktivno ostvaruje saradnju sa omladinskim sektorom na kreiranju i provođenju omladinske politike i poboljšanju položaja mladih, u skladu sa Zakonom o mladima Federacije Bosne i Hercegovine. Vodi sve potrebne evidencije iz oblasti za koje je osnovana. Organizuje i vrši nadzor nad realizacijom kulturno sportskih i drugih manifestacija koje organizuje Grad, samostalno ili u saradnji s drugim subjektima. Inicira i učestvuje u izradi planova, programa, izvještaja, informacija i drugih dokumenta iz svog djelokruga. Daje primjedbe, mišljenja, prijedloge i sugestije prilikom izrade akata koji se odnose na oblast koja obuhvata djelokrug rada službe, a koja donose organi

Kantona Sarajevo i Federacije BiH. Vršiti i druge poslove iz oblasti za koje je osnovana, kao i poslove koje joj u zadatak stavi gradonačelnica.

U cilju realizacije Gradske politike na planu obrazovanja, sporta, kulture i mladih, aktivnosti u 2021. godini su se zasnivale na provođenju važećih zakonskih odredbi, akata i zaključaka Gradskog vijeća Grada Sarajeva, Programa rada Gradskog vijeća Grada Sarajeva, te programa rada gradonačelnice Grada Sarajeva za 2021. godinu. Budžetom Grada Sarajeva za 2021. godinu planirana je finansijska podrška prije svega projektima i aktivnostima koji će po principima masivnosti u najvećoj mjeri uključivati djecu i mlade.

2. NORMATIVNI DIO

U okviru normativno-pravne i redovne djelatnosti iz oblasti obrazovanja, sporta, kulture i mladih, sačinjeni su sljedeći pravni akti:

- Budžet Grada Sarajeva za 2021.godinu – Ugovori o realizaciji odobrenih sredstava: **60**
- Program obilježavanja 6. aprila – Dana grada Sarajeva za 2021. godinu – Odluke o odobravanju novčanih sredstava: **3**
- Primjena Odluke o uslovima i postupku prihvatanja pokroviteljstva Grada Sarajeva – Odluke o prihvatanju pokroviteljstva Grada Sarajeva: **44**
- Grantovi neprofitnim organizacijama – Odluke o odobravanju novčanih sredstava: **3**
- Obilježavanje Dana Evrope i Dana pobjede nad fašizmom:
 - o Odluke o odobravanju novčanih sredstava: **1**
 - o Ugovori o djelu: **5**
- Festival Regionalne unije teatarara „Ruta“ – Odluke o odobravanju novčanih sredstava: **1**
- Grantovi za nepredviđene izdatke – Odluke o odobravanju sredstava: **1**
- Konkursi za dodjelu stipendija – Ugovori o stipendiranju, sa učenicima – stipendistima: **508**
- Sporazumi: **0**

U okviru redovne djelatnosti u oblasti obrazovanja, kulture, sporta i mladih, u izvještajnom periodu, sačinjeni su i drugi akti:

- a) Prijedlozi i sugestije na Nacrt Budžeta Grada Sarajeva za 2021. godinu;
- b) Prijedlog tema za izradu Nacrta Programa rada Gradskog vijeća Grada Sarajeva za 2021. godinu;
- c) Odluka o stipendiranju učenika srednjih škola (prijedlog);
- d) Analiza propisa iz oblasti obrazovanja, kulture, sporta i mladih;
- e) Saglasnosti za članove školskih odbora i drugi brojni akti, dopisi, prijedlozi i mišljenja, izjašnjenja, obrazloženja itd., a čije je taksativno nabrojanje iz razloga brojnosti izostavljeno.

U periodu od 01.01. do 31.12.2021. godine Služba je zaprimila u rad ukupno 2216 predmeta (eksterne i interne pošte). Prema različitim subjektima, tokom 2021. godine, upućeno je više od

100 dopisa u formi odgovora na zahtjeve, molbe za informacije odnosno zahtjeva za dostavljanje podataka i slično. U istu svrhu, poslano je više od 1.000 e-mailova.

3. TEMATSKI DIO

3.1. Realizacija

Gradska služba za obrazovanje, sport, kulturu i mlade je u okviru svoje nadležnosti realizovala sljedeće aktivnosti u provedbi Programa rada Gradskog vijeća Grada Sarajeva i gradonačelnice Grada Sarajeva za 2021. godinu:

a) Oblast obrazovanja

- Informacija o uspjehu učenika srednjih škola na području grada Sarajeva u školskoj 2019./2020. godini
- Informacija o upisu učenika u srednje škole sa područja Grada Sarajeva u školskoj 2020./2021. godini
- Izvještaj o realizaciji projekta stipendiranja učenika srednjih škola za 2020./2021. godinu
- Odluka o izboru članova komisije za razmatranje, obradu i analizu pristiglih prijava na konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2020./2021. godinu
- Izvještaj o provođenju odluke o stipendiranju učenika srednjih škola iz Budžeta Grada Sarajeva, po konkursu za stipendiranje učenika srednjih škola iz Budžeta Grada Sarajeva za školsku 2020./2021. godinu

b) Oblast sporta

- Izvještaj o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2020. godini

c) Oblast kulture

- Izvještaj o provođenju Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo u 2020. godini
- Izvještaj o provođenju Odluke o uslovima i postupku prihvatanja pokroviteljstva Grada Sarajeva u 2020. godini iz nadležnosti Gradske službe za obrazovanje, kulturu, sport i mlade;
- Izvještaj o realizaciji Programa manifestacije obilježavanja 6. aprila - Dana grada Sarajeva u 2021. godini
- Odluka o davanju saglasnosti na Program obilježavanja 6. aprila – Dana grada Sarajeva u 2022. godini
- Odluka o sufinansiranju kulturne manifestacije od posebnog interesa za Grad Sarajevo „61. Internacionalni teatarski festival MESS 2021“ (prijedlog)
- Odluka o sufinansiranju kulturne manifestacije od posebnog interesa za Grad Sarajevo „27. Sarajevske večeri muzike SVEM 2021“ (prijedlog)
- Odluka o sufinansiranju kulturne manifestacije od posebnog interesa za Grad Sarajevo „12. Balet fest Sarajevo 2021“ (prijedlog)

- Odluka o sufinansiranju kulturne manifestacije od posebnog interesa za Grad Sarajevo, „60. Međunarodni književni festival Sarajevski dani poezije 2021“ (prijedlog)
- Odluka o sufinansiranju kulturne manifestacije od posebnog interesa za Grad Sarajevo, „7. Festival dječje umjetnosti FEDU 2021“ (prijedlog)
- Odluka o sufinansiranju kulturne manifestacije od posebnog interesa za Grad Sarajevo, „6. Međunarodni festival književnosti Bookstan.No East. No West. 2021“ (prijedlog)
- Odluka o sufinansiranju kulturne manifestacije od posebnog interesa za Grad Sarajevo, „Sarajevo Big Band 2021“ (prijedlog)
- Odluka o sufinansiranju kulturne manifestacije od posebnog interesa za Grad Sarajevo, „25. Festival Bašćaršijske noći 2021“ (prijedlog)

d) Oblast mladih

- Informacija o provođenju Plana djelovanja za mlade grada Sarajeva za period 01.01.2020.-01.06.2021. godine
- Informacija o pitanju i statusu mladih u gradu Sarajevu
- Informacija o provođenju Plana djelovanja za mlade grada Sarajeva

3.2.Realizovani projekti iz Budžeta Grada Sarajeva u 2021. godini

Oblast obrazovanja

Protekla godina je obilježena također pandemijom COVID-19, kao što je bio slučaj i u prethodnoj 2020. godini, što je ponovno rezultiralo smanjenim prilivom sredstava u Budžet, te je u vezi s tim bilo značajnih poteškoća u dinamici i realizaciji planiranih aktivnosti, kao za redovne projekte i programe, tako i za finansiranje i sufinansiranje aktivnosti osnovnih i srednjih škola, udruženja i drugih organizacija i pojedinaca. Također, jedan broj projekata, uglavnom međunarodnih, koje smo proteklih godina organizovali u saradnji sa međunarodnim institucijama, ambasadama i asocijacijama, a koji su uključivali osnovne i srednje škole, nisu mogle biti realizovane.

Uspješno je provedena konkursna procedura stipendiranja učenika srednjih škola u školskoj 2020./2021. godini, primjetno je kontinuisano povećanje broja dodijeljenih stipendija u odnosu na prošlu godinu. Tako je Grad Sarajevo dodijelio 508 stipendija, u ukupnom iznosu od **434.700,00 KM**, čime je obezbijeđen do sada najveći broj stipendija.

Kao i prethodnih godina, i u prošloj 2021. godini, projekti koji su bili sufinansirani Budžetskim sredstvima Grada Sarajeva, a ciljna grupa su bila djeca sa poteškoćama u razvoju. Realizacijom istih, nastojimo kontinuisano stvarati bolje uslove, pozitivnije i poticajnije okruženje za djecu i mlade sa poteškoćama u razvoju, omogućiti im što lakše i efikasnije savladavanje teškoća sa kojima se svakodnevno susreću u svom odrastanju.

U sklopu redovnih poslova Služba je, pored ostalog, realizovala i sljedeće aktivnosti:

- Prijem delegacija i predstavnika institucija, i nevladinih organizacija iz oblasti obrazovanja i nauke.
- Obrada pristiglih zahtjeva za sufinansiranje programa iz oblasti obrazovanja – prikupljanje dokumentacije, priprema akata i mišljenja, odgovori podnosiocima čiji su

zahtjevi odbijeni. U sklopu nadležnosti u oblasti obrazovanja i nauke, te programom rada, Služba redovno izvještava i priprema informacije za Gradsko vijeće i javnost.

- Informacija o uspjehu učenika srednjih škola na području grada Sarajeva. Prikupljene informacije i statistički podaci srednjih škola te putem Ministarstva obrazovanja, nauke i mladih Kantona Sarajevo i Prosvjetno-pedagoškog zavoda KS dostavljeni GV.

Podržani su sljedeći projekti iz oblasti obrazovanja:

- 1) Provođenje konkursa za stipendiranje učenika osnovnih i srednjih škola iz socijalno ugroženih porodica,
- 2) Sufinansiranje projekata iz oblasti obrazovanja u osnovnim i srednjim školama,
- 3) Nagrađivanje za izvanredne rezultate iz oblasti obrazovanja i nauke,
- 4) Finansiranje organizovanog odlaska učenika u muzeje, pozorišta i druge kulturno-sportske manifestacije,
- 5) Sufinansiranje projekata čija su ciljna grupa djeca i osobe sa invaliditetom ili poteškoćama u razvoju:
 - Udruženje „Klub sporta Sled“,
 - Udruženje za podršku djeci i roditeljima „Budućnost“,
 - Udruženje za podršku osobama sa intelektualnim teškoćama „Oaza“,
 - Udruženje Skijaški klub osoba sa invaliditetom „Ilmer“,
 - Udruženje Plivački klub „Spid“,
 - Udruženje porodica i osoba s poteškoćama u razvoju „Dajte nam šansu“,
 - Udruženje za unaprjeđenje obrazovanja i podrške djeci sa i bez poteškoća u razvoju „Edus“,
 - Udruženje za podršku porodicama sa djecom i osobama sa poteškoćama u razvoju „Colibri“,
 - Savez udruženja osoba sa cerebralnom paralizom F BiH,
 - Projekat „Socijalna inkluzija djece sa posebnim potrebama“ – UG „Život sa Downovim sindromom“,
 - Finansiranje projekta „Tri najvažnije godine u razvoju djeteta“, JU Centar za odgoj, obrazovanje i rehabilitaciju „Vladimir Nazor“ Sarajevo,
 - Omladinsko Udruženje „Dobro djelo“,
 - Sufinansiranje projekta „SOS Dječja sela BiH“,
 - Finansijska pomoć – Udruženju za podršku i pomoć djeci i roditeljima „Svijet čarolije“,
 - Unaprijeđenje bibliotekskog fonda Biblioteke za slijepa i slabovidna lica,
 - Časopis „Zvučne novine“, udruženje slijepih KS i
 - Projekat Udruženja za kreativno učenje Udruženje „MAK“.
- 6) Finansiranje nabavke kvalitetnih sokovnika za vrtiće JU „Djeca Sarajeva“,
- 7) Sufinansiranje programskih i projektnih aktivnosti ANU BiH,
- 8) Prijevoz stipendista fonda „Ikre“ u Novi Vinodolski,
- 9) Finansiranje izdavanja časopisa „Bosniaca“ NiUB BiH,
- 10) Projekat Filozofskog društva „Theoria“,
- 11) Nabavka knjižnog fonda za potrebe Biblioteka Sarajevo i
- 12) Sufinansiranje projekata „Evaluacija učinka poticaja poljoprivrednim proizvođačima u gradu Sarajevu, sa ciljem procjene ekonomskih šteta izazvanih pandemijom Corona virusa“ – Veterinarski fakultet Sarajevo.

Oblast kulture

Primjena Odluke o uslovima i postupku prihvatanja pokroviteljstva Grada Sarajeva u oblasti kulture

Planiranim sredstvima Grad Sarajevo je odgovorio zahtjevima za pokroviteljstvo projektima u oblasti kulture, te je bio pokrovitelj brojnih manifestacija u skladu sa Odlukom o uslovima i postupku prihvatanja pokroviteljstva Grada Sarajeva donesenom od strane Gradskog vijeća, a koja je propisuje način pružanja pokroviteljstva.

6. april – Dan grada Sarajeva 2021.

Bilo je izvjesno da će u aprilu 2021. godine i dalje na snazi biti epidemiološke mjere (COVID-19), stoga je program dijelom prilagođen i reduciran u odnosu na prethodne godine. Programom obilježavanja Dana grada Sarajeva za 2021. godinu bilo je planirano održavanje kulturnih i sportskih manifestacija, Svečana sjednica Gradskog vijeća Grada Sarajeva, dječji program, program na otvorenom, polaganje cvijeća i odavanje počasti na spomen obilježja u gradu Sarajevu.

Dan grada Sarajeva – 6. april, tradicionalno je u protekloj godini obilježen protokolarnim programom, odavanjem počasti i polaganjem cvijeća na spomen obilježjima u gradu.

Protokolarni program u povodu obilježavanja Dana grada Sarajeva u 2021. godini:

06.04.2021. godine

08:30 Vječna vatra

09:00 Šehidsko mezarje „Kovači“, mezar Prvog predsjednika RBiH, Alije Izetbegovića

09:30 Spomen obilježje ubijenoj djeci opkoljenog Sarajeva 1992-1995.

09:45 Spomen obilježje ubijenim policajcima u Velikom parku

10:00 Gradska groblja: Lav, Sv. Josip, Sv. Marko i Mezarje Stadion

10:15 Bista Vladimir Perić – Valter

10:30 Spomen park „Vraca“

11:00 Policijska škola „Vraca“

11:30 Staro Jevrejsko groblje

12:00 Spomen obilježje ispred Općine Novi Grad Sarajevo

Kulturne manifestacije

Kulturne manifestacije u povodu obilježavanja Dana grada Sarajeva održale su se u skladu sa epidemiološkom situacijom i mjerama koje su bile na snazi u tom periodu.

ŠESTOAPRILSKA IZLOŽBA „COLLEGIUM ARTISTICUM“

Dana 24.04.2021. u 13:00 sati je dodjelom nagrada (zatvorena za širu publiku) zvanično otvorena izložba „Collegium artisticum 2021“, u Galeriji Collegium artisticum u Centru Skenderija. Izložba je za posjetioce bila otvorena do 25.05.2021. godine.

Organizator izložbe u 2021. godini bila je Asocijacija arhitekata BiH za sva tri strukovna udruženja AABiH, ULUBiH i ULUPUBiH

Šestoaprilska izložba „Collegium artisticum” od 1975. godine tradicionalno se organizuje u povodu Dana grada Sarajeva. Ovo je posebna prilika kada istaknuti stvaraoci izlažu svoja najvrijednija ostvarenja u protekloj godini. Na izložbi su uručene nagrade “Collegium artisticum 2021” za najbolja ostvarenja članova ULUPUBiH, ULUBiH i AABiH. Otvaranju izložbe prisustvovala je zamjenica gradonačelnice Sarajeva, Anja Margetić. Tom prilikom uručena joj je Zahvalnica organizatora izložbe – Gradu Sarajevu na kontinuisanoj podršci. Grad Sarajevo je podržao organizaciju izložbe iznosom od 3.000,00 KM.

Tročlana stručna internacionalna komisija za selekciju i valorizaciju radova za prošlogodišnju izložbu Collegium artisticum 2021 – Arhitektura u sastavu: Mirna Pedalo, Malina Čvoro i Margita Grubiša je od 35 pristiglih radova iz cijele Bosne i Hercegovine, odabrala je 22 rada koja su bila izložena na izložbi. Među njima je nagrađeno sedam radova u sljedećim kategorijama:

GRAND PRIX – Ilma i Zejd Kobilica, Studio Trokut za projekat MEKTEB (Smailbegovići, Breza)

NAGRADA ZA REALIZACIJU – FILTER Arhitektura za projekat VHLS (Mostar)

NAGRADA ZA IDEJU – Projekt V Arhitektura za projekat (MALO) MINISTARSTVO ZNANJA

NAGRADA ZA ENTERIJER – Fo4a Arhitektura za projekat STAY AT HOME

NAGRADA ZA PUBLIKACIJU – Sabina Tanović za knjigu DESIGNING MEMORY

SPECIJALNO PRIZNANJE ZA PARTICIPACIJU I ATKIVIZAM U ARHITEKTURI – Igor Kuvač i Small Scale Tim za projekat DOMESTICATE (Odomaćivanje u javnom prostoru)

SPECIJALNO PRIZNANJE ZA KONKURSNI RAD – Trokut i Polygon Workshop for architecture za projekat DAISY CULTURAL CENTRE

SPECIJALNO PRIZNANJE ZA URBANIZAM – Emina Alić, Asmir Šabić, Zejd Kobilica, Jasmin Sirčo za projekat SARAJEVSKI MOZAIK

Izložba likovnih radova „VRATA MOGA GRADA“

Grad Sarajevo je u saradnji sa JU Srednjom školom primijenjenih umjetnosti u periodu od 06.04.-13.04.2021. godine u Galeriji Akademije likovnih umjetnosti priredio izložbu likovnih radova „Vrata moga grada“. Ista je zvanično otvorena na Dan grada Sarajeva, 06.04.2021. u 12:30 sati.

Navedena izložba predstavlja koordinirani projekat Grada Sarajeva i nastavnika Srednje škole primijenjenih umjetnosti Sarajevo, a koji obuhvata javni poziv za takmičenje učenika svih srednjih škola sa područja KS, nagrade i otkup najuspješnijih radova uz prigodnu izložbu. Cilj projekta je razvijanje kreativnosti, likovnosti i takmičarskog duha kod učenika, uz mentorstvo priznatih umjetnika, upoznavanje učenika s multikulturalnošću ambijenta grada Sarajeva, te na najbolji način obilježiti 6. april – Dan grada Sarajeva. Naziv izložbe „Vrata moga grada“ inspirisan je svakodnevnom gradskom situacijom i mjestima kojima se svakodnevno krećemo, te vrata kroz koja prolazimo. Ona simbolizuju prolaz iz jednog svijeta u drugi svijet, prag između spoljnog i unutrašnjeg, poznatog i nepoznatog, kao i profanog i sakralnog. Vrata

predstavljaju graničnu funkciju, razdvajanje i zaštitu prostora. U alegorijskom smislu, vrata su simbol novog početka. Sredstva Grada Sarajeva za realizaciju cjelokupnog projekta uključujući i novčane nagrade izdvojena su u iznosu od 3.500,00 KM. Gradonačelnik Abdulah Skaka zvanično je otvorio izložbu, čestitao mladim autorima i proglasio najbolje radove.

I nagrada

Autor: Almedin Mešić – JU Srednja škola primijenjenih umjetnosti Sarajevo

II nagrada

Autor: Emina Muratović – JU Srednjoškolski centar „Nedžad Ibrišimović“ Ilijaš

III nagrada

Autor: Lamija Kabaš – JU Srednja muzička škola Sarajevo

Program na otvorenom/online format povodom Dana grada Sarajeva 6. aprila u 2021. godini

Dječji kulturno-umjetnički program

Projekat „SARAJEVO VAS ZOVE“ u saradnji sa JU Centar kulture i mladih Općine Centar, obzirom na propisane mjere uslijed pandemije COVID-19, realizovan je 6. aprila 2021. godine u prilagođenom online formatu i na ulicama grada Sarajeva. U programu trajanja cca 80 minuta, učestvovali su brojni poznati i mladi izvođači – muzičari, plesači, glumci, pjevači, mađioničari i animatori. Voditelji programa bili su glumci Mona Muratović, Armin Omerović i Tarik Džinić. Online emitovanje realizovano je 6. aprila 2021. godine u 18.00 sati na platformama Grada Sarajeva, JU Centar kulture i mladih Općine Centar i Udruženja „Mali ambasadori Sarajeva“. Također, kao edukativni dio programa, partner projekta Udruženje „Mali ambasadori Sarajeva“ organizovalo je besplatnu turu po gradu „Duhom olimpijskih igara“ za djecu od osam do 13 godina, „Sarajevska dama Vijećnica“ za djecu od 10 do 15 godina te obilazak uže jezgre grada Sarajeva za djecu do 10 godina. U programu su učešće uzeli i članovi muzičke sekcije Centra za slijepu i slabovidnu djecu i omladinu. Za kompletnu organizaciju, najam prostora i opreme, angažman učesnika, scenarijo, režiju, grafički dizajn, tehničku i druge elemente realizacije Grad Sarajevo izdvojio je 9.500,00 KM.

Kafa s gradonačelnikom

Zbog epidemiološke situacije tradicionalno druženje građana na Baščaršijskom trgu sa zvaničnicima i gostima Grada Sarajeva, nije održano.

Svečana sjednica Gradskog vijeća Grada Sarajeva

Svečana sjednica Gradskog vijeća Grada Sarajeva zbog epidemiološke situacije nije se mogla održati. Ovo je i razlog zbog kojeg Šestoaprilske nagrade i priznanja Grada Sarajeva, sukladno Odlukama Gradskog vijeća Grada Sarajeva, nisu mogle biti osobno uručene na prigodnoj svečanosti u skladu sa Programom obilježavanja 6. aprila – Dana grada Sarajeva. Svečana sjednica je naknadno održana 7. oktobra 2021. godine sa početkom u 19:00 sati u auli Vijećnice,

te su tom prilikom dodijeljene nagrade i priznanja Grada Sarajeva, kao i „Šestoaprilaska nagrada Grada Sarajeva“ u 2021. godini. Zbog higijensko-epidemioloških mjera koje su bile snazi u tom periodu prisustvo medija nije bilo moguće, izuzev TVSA koja je organizovala prijenos sjednice uživo.

Međunarodna saradnja

Programom međunarodne saradnje Grada Sarajeva za 2021. godinu bilo je predviđeno obilježavanje 6. aprila – Dana grada Sarajeva u prisustvu delegacija pobratimskih i prijateljskih gradova. Nažalost, zbog pandemije COVID-19, ova aktivnost nije bila realizovana.

Međutim, važno je istaći kako ni u 2021. godini nisu izostale čestitke brojnih pobratimskih i prijateljskih gradova među kojima su Vukovar, Magdeburg, Podgorica, Skoplje.

3.3.Sufinansiranje, projekti i manifestacije iz oblasti obrazovanja, kulture/kulturno-historijskog naslijeđa, sporta i mladih

Oblast kulture

Kulturne manifestacije od posebnog interesa za Grad Sarajevo čija je organizacija sufinansirana u 2021. godini:

- 1) „27. Sarajevo film festival“ (kulturna manifestacija od posebnog interesa za Grad Sarajevo);
- 2) „27. Sarajevske večeri muzike SVEM 2021“ (kulturna manifestacija od posebnog interesa za Grad Sarajevo);
- 3) „25. Festival Bašćaršijske noći 2021“ (kulturna manifestacija od posebnog interesa za Grad Sarajevo);
- 4) „61. Internacionalni teatarski festival MESS 2021“ (kulturna manifestacija od posebnog interesa za Grad Sarajevo);
- 5) „12. Balet fest Sarajevo 2021“ (kulturna manifestacija od posebnog interesa za Grad Sarajevo);
- 6) „60. Međunarodni knjižni festival Sarajevski dani poezije 2021“ (kulturna manifestacija od posebnog interesa za Grad Sarajevo);
- 7) „7. Festival dječje umjetnosti FEDU 2021“ (kulturna manifestacija od posebnog interesa za Grad Sarajevo);
- 8) „6. Međunarodni festival književnosti Bookstan. No East. No West. 2021“ (kulturna manifestacija od posebnog interesa za Grad Sarajevo);
- 9) „Sarajevo Big Band 2021“ (kulturna manifestacija od posebnog interesa za Grad Sarajevo).

Na osnovu Budžeta Grada Sarajeva za 2021. godinu iz oblasti kulture podržana su sljedeća udruženja i ustanove:

- 1) Udruženje „KreArtivci“ (sufinansiranje redovnih aktivnosti);
- 2) Udruženje za propagiranje i očuvanje kulturnog, građevinskog i historijskog naslijeđa osmanske civilizacije „Hadži Mujaga“ Sarajevo (sufinansiranje dijela troškova režija i programskih aktivnosti „Balkanskog mevlvijskog istraživačkog kulturnog centra);

- 3) Podrška projektima Muzeja ratnog djetinjstva (sufinansiranje nabavke nove izložbene opreme);
- 4) Nabavka knjižnog fonda za potrebe JU Biblioteka Sarajevo;
- 5) Finansijska podrška ustanovama kulture BiH: Narodno pozorište, Pozorište mladih, Kamerni teatar 55 i Sarajevska filharmonija;
- 6) Finansiranje organizovanog odlaska učenika osnovnih i srednjih škola u muzeje, pozorišta i druge kulturno-sportske manifestacije i takmičenja;
- 7) JU „Gradski muzeji“ Sarajevo (sufinansiranje funkcionisanja i planiranih aktivnosti).

Po osnovu upućenih zahtjeva za finansijsku podršku podržani su projekti i organizacije:

- 1) Asocijacija arhitekata u BiH, projekat Šestoaprilska izložba Collegium Artisticum povodom obilježavanja Dana grada Sarajeva – 6. aprila;
- 2) JU Srednja škola primijenjenih umjetnosti, projekat „Vrata moga grada“ povodom obilježavanja Dana grada Sarajeva – 6. aprila;
- 3) JU Centar za kulturu i mlade Općine Centar Sarajevo, projekat „Sarajevo vas zove“ povodom obilježavanja Dana grada Sarajeva – 6. aprila;
- 4) Udruženje „Sevdah za mlade“, pokroviteljstvo Bajramskog koncerta u 2021. godini;
- 5) JU Sarajevski ratni teatar „SARTR“, pokroviteljstvo projektu „Ljetna scena SARTR-a“;
- 6) Udruženje mladih umjetnika UMU Ilidža, pokroviteljstvo Omladinskom filmskom festivalu;
- 7) Filozofsko društvo „Theoria“, sufinansiranje redovnih aktivnosti;
- 8) Udruženje „KUD Bašćaršija“, pokroviteljstvo projektu „Sve boje tradicije“;
- 9) JU „Kamerni teatar 55“, pokroviteljstvo pozorišnoj predstavi „Schindlerov lift“;
- 10) Udruženje plesni klub „Aster“, pokroviteljstvo Salsa Kongresa;
- 11) Udruženje dramskih umjetnika Altteatar, pokroviteljstvo Kongres Artivista 2021;
- 12) Muzej književnosti i pozorišne umjetnosti BiH, pokroviteljstvo projektu „Imamo Muzej“;
- 13) Grad Goražde, pokroviteljstvo projektu „Likovna izložbi umjetnika Irfana Hoze povodom obilježavanja Dana državnosti BiH u Goraždu“;
- 14) Udruženje Plesni klub „SPIN“, pokroviteljstvo učešća na Svjetskom kupu u Ljubljani i Međunarodnom takmičenju u Zagrebu;
- 15) Agencija „Nova maS“, sufinansiranje humanitarnog projekta podrške oboljeloj djevojčici Emi Isić;
- 16) Udruženje filmskih radnika u Federaciji Bosne i Hercegovine, finansijska podršku pri uplati članarina i učešće u programima organizacija European Film Promotion i Film New Europe.

Oblast mladih

- Sufinansiranje projekata iz oblasti obrazovanja u osnovnim i srednjim školama;
- Podrška i promovisanje projekata mladih i omladinskih udruženja sa područja Grada Sarajeva i
- Implementacija Plana djelovanja za mlade Grada Sarajeva – finansijska podrška JU „Studentski centar“ Sarajevo za nabavku inventara.

Oblast sporta

6. april – Dan grada Sarajeva 2021.

Prije nego je Gradska služba za obrazovanje, kulturu, sport i mlade krenula u proceduru pripreme Programa obilježavanja 6. aprila – Dana grada Sarajeva u 2021. godini, a koji se treba po Programu rada Gradskog vijeća razmatrati na sjednici Gradskog vijeća u decembru 2020. kontaktirani su svi organizatori sportskih manifestacija koje se nalaze u Programu obilježavanja 6. aprila – Dana grada Sarajeva. Od njih je traženo, uvažavajući činjenicu i novonastalu situaciju sa pandemijom COVID-19, da se izjasne da li planiraju i kada da održe svoju manifestaciju. Samo tri organizatora su nas obavijestili da se ne smiju upustiti u rizik te su Službu obavijestili da neće organizovati manifestaciju, dok su se drugi izjasnili da planiraju organizovati ukoliko epidemiološki uslovi budu dozvoljavali. U skladu s tim napravljen je prijedlog Programa obilježavanja 6. aprila – Dana grada Sarajeva koje je Gradsko vijeće usvojilo na decembarskoj sjednici 2020. godine.

Nažalost, epidemiološke prilike u martu i aprilu 2021. godine, te mjere Kriznog štaba KS nisu dozvolile organizatorima da se manifestacije održe u planiranom terminu, pa su pomjerene za neki drugi termin odnosno kada se epidemiološka situacija značajno popravi. Nijedna sportska manifestacija nije održana u predviđenom terminu zbog pogoršane epidemiološke situacije i mjere zatvaranja koja je uslijedila u Kantonu Sarajevo. Ponovo je Služba kontaktirala organizatore i tražila da dostave nove termine za organizaciju manifestacija što su organizatori i učinili.

1. Sportske manifestacije koje su pomjerile datum održavanja i koje su održane:

MEĐUNARODNI KUGLAČKI TURNIR ZA SLIJEPE „SARAJEVO 2021“

Termin: 09.-10.04.2021. godine (pomjereno i održano 29.05.2021.) Mjesto održavanja: Kuglana „Zetra“. Organizator: Sportsko društvo slijepih i slabovidnih KS. Povodom Dana grada Sarajeva, u kuglani „Zetra“, održan je 12. Međunarodni kuglački turnir za slijepce „Sarajevo 2021“. Uvažavajući propisane epidemiološke mjere koje su limitirale broj učesnika u zatvorenom prostoru, te je učestvovalo znatno manje takmičara nego prethodnih godina. Na turniru je nastupio 31 kuglač i kuglačica iz 8 ekipa (Subotice, Novog Sada, Beograda, Visokog, Banja Luka i Sarajeva). Ekipno prvo mjesto je osvojila ekipa SD SIS KS 1, drugo mjesto ekipa VID Banja Luka, treće mjesto SD SIS KS 2. U pojedinačnoj konkurenciji bilo je šest kategorija tri muške i tri ženske kategorije. Najuspješniji su bili kuglaši iz Sarajeva koji su osvojili pet zlatnih medalja.

MEĐUNARODNI KOŠARKAŠKI TURNIR

Termin: 09.-11.04.2021. godine (pomjeren i održan turnir 28.-30.05.2021.) Mjesto održavanja: Centar Skenderija. Organizator: Košarkaški klub „Koš“. Na ovogodišnjem turniru učestvovalo je po četiri ekipe iz četiri zemlje Hrvatske, Srbije, Srne Gore i Bosne i Hercegovine u kategorijama pionira i kadeta. U kadetskoj konkurenciji pobijedila je ekipa KK Partizan iz Beograda, drugo mjesto osvojila je ekipa domaćina KK KOŠ, a treće mjesto pripalo je ekipi KK Zadar. Proglašena je i najbolja petorka turnira Ajdin Bećirović – KK Koš, Belmin Avdić –

KK Koš, Roko Lukić – KK Zadar, Aleksa Milenković – KK Partizan i Vasilije Todorović – KK Studentski centar. Najkorisniji igrač je bio Efe Tahmaz iz KK Partizan.

U konkurenciji pionira prvo mjesto osvojila je ekipa KK Zadar, drugo mjesto je osvojila ekipa KK Koš, a treće je pripalo ekipi KK Partizan. Najbolja petorka u ovoj konkurenciji bila je u sastavu Hamza Đedović – KK Koš, Ajdin Delić – KK Koš, Vice Grbić – KK Zadar, Mladen Milićević – KK Partizan, Bakir Dedović – KK Spars. Za najkorisnijeg igrača proglašen je Toni Torbarina iz KK Zadar. Takmičenje je otvorio zamjenik gradonačelnice Haris Bašić.

TURNIR U STRELJAŠTVU ZA OSOBE SA INVALIDITETOM

Termin: 27.03.2021. godine (pomjeren i održan 17.04.2021.) Mjesto održavanja: Streljana „Zetra“ Organizator: Streljački savez invalidnih lica FBiH. U povodu 6. aprila – Dana grada Sarajeva, a u organizaciji Streljačkog saveza osoba sa invaliditetom Federacije Bosne i Hercegovine na strelištu Zetra, održan 18. Tradicionalni šestoaprilski turnir u streljaštvu za osobe sa invaliditetom. Učestvovalo je 8 ekipa sa preko 60 strijelaca iz Sarajeva, Zenice, Tuzle, Maglaja, Tešnja, Banovića i Živinica. Strijelci su se takmičili u ekipnoj i pojedinačnoj konkurenciji i postigli zapažene rezultate. U ekipnom plasmanu prvo mjesto osvojila je ekipa SIK Tuzla sa 534 kruga, drugo mjesto pripalo je SK OSI Novi Grad Sarajevo sa 502 kruga, a treće SKOSI Tešanj sa 455 krugova. Zlatne medalje po kategorijama invalidnosti osvojili su Šaban Fatić, Ervin Bejdić i Fahrudin Mujić. U ekipnoj konkurenciji kod žena ekipa SKOSI Živinice je osvojila prvo mjesto sa 358 krugova, drugo mjesto je osvojila ekipa SKOSI Zenica sa 334 kruga, a treće mjesto pripalo je ekipi SIK Tuzla sa 309 krugova. Zlatne medalje po kategorijama invalidnosti osvojile su Rasma Beganović, Safeta Jagodić i Zerina Skomorac.

MEĐUNARODNI HRVAČKI TURNIR „KUP GRADA SARAJEVA 2021“

Termin: 03.04.2021. godine (pomjeren i održan 16-17.10.2021.) Mjesto održavanja: Dvorana R, Organizator: Hrvatski klub „Bosna“. Na turniru je nastupilo je 116 takmičara iz Slovenije, Srbije, Hrvatske, Crne Gore i naše zemlje. Nakon 136 borbi pobjednik ovog turnira je bio Hrvatski klub „Bosna“ Sarajevo. Od stranih ekipa najuspješnija je bila ekipa „Radnički“ iz Sombora. Najuspješniji domaći takmičar je Affan Smajić. Najuspješniji strani takmičar Ivan Bedeković, HK „Vindija“ iz Varaždina, a najuspješnija takmičarka je bila Leda Ećimović RK „Dinamo“ iz Pančeva. Najbolji mladi takmičari bili su Hana Brkanić kod djevojčica te Bakir Gobeljić kod dječaka, a oboje su članovi HK „Bosna“. Takmičenje je otvorio predsjedavajući Gradskog vijeća Jasmin Ademović.

MEĐUNARODNI ŠESTOAPRILSKI TURNIR U STRELJAŠTVU

Termin: 02.-04.04.2021. godine (pomjeren i održan 18.-19.09.2021.) Mjesto održavanja: Streljana „Zetra“. Organizator: Streljački klub „Sarajevo“. Takmičenje se održalo prema pravilima Svjetske streljačke federacije uz organizaciju tri finalna gađanja. Gađalo se na elektronske mete, a sama organizacija je protekla bez bilo kakvih problema. Pored domaćih sudija, na takmičenju su sudile i međunarodne sudije iz zemalja učesnica. U pojedinačnoj konkurenciji kod žena prvo mjesto osvojila je Segmedina Bjelošević takmičarka SK Sarajevo, drugo mjesto Krstina Stojanović iz SD Crvena Zvezda, SRB, a treće Almedina Arnautović SSK Željezničar. U ekipnoj konkurenciji najbolje su bile domaće takmičarke. Seniorska ekipa Streljačkog kluba Sarajevo je osvojila prvo mjesto ispred ekipe juniorki SK Sarajevo, dok je

treće mjesto osvojila ekipa SD Crvena Zvezda iz Srbije. Pobjednici turnira kod seniora puškom su domaći takmičari SK Sarajevo. Nedžad Fazlija je osvojio prvo mjesto, Nikola Ćorić drugo, a Nedžad Džanković treće.

U ekipnoj konkurenciji takmičari Streljačkog kluba Sarajevo bili su ubjedljivi osvojivši prvo i drugo mjesto, dok je ekipi SK Visoko pripalo treće mjesto. U disciplini zračni pištolj pobjednik turnira je Belmin Mešanović iz SK Visoko, dok su Anes Krečo, SK Sarajevo i Ivan Slijepčević, SK Mladost, osvojili drugo odnosno treće mjesto. U ekipnoj konkurenciji prvo mjesto osvojila je ekipa SK Sarajevo, drugo mjesto pripalo je ekipi SK Visoko, dok je treća bila ekipa SK Mladost. Bilten sa takmičenja je proslijeđen Svjetskoj streljačkoj federaciji i Evropskoj streljačkoj konfederaciji. Bilten je objavljen na stranici Evropske streljačke konfederacije.

MEĐUNARODNI MEMORIJALNI JUDO TURNIR „VINKO ŠAMARLIĆ“

Termin: 06.04.2021. godine (pomjeren i održan 10.-11.09.2021.) Mjesto održavanja: Sportska dvorana Gorna Čengiđ, Novo Sarajevo. Organizator: Judo klub „Željezničar“. Na turniru je nastupilo preko 300 takmičara iz Srbije, Hrvatske, Slovenije, Crne Gore i naše zemlje. Najuspješnija ekipa turnira je JK Famos iz Istočnog Sarajeva, drugo mjesto osvojila je ekipa Randori iz Sarajeva, a treće mjesto pripalo je ekipi Partizan Ains iz Novog Sada. Pojedinačno najuspješnija takmičarka bila je Olga Orlović iz Judo kluba Partizan, a kod muškaraca najbolji je bio domaći takmičar Kenan Smajlović iz JK Željezničar.

2. Manifestacije koje su pomjerene, ali se nisu održale:

MEĐUNARODNI PLIVAČKI MITING „SARAJEVU S LJUBAVLJU 2021“

Termin: 03.-04.04.2021. godine (pomjereno za septembar-oktobar – nije održan)
Mjesto održavanja: Olimpijski bazen "Otoka" Organizator: Plivački klub „Bosna“.

MEĐUNARODNI ŠAHOVSKI FESTIVAL „SARAJEVO 2021“

Termin: 04.04.2021. godine (pomjereno za 05.09.2021. godine – nije održan)
Mjesto održavanja: Dom oružanih snaga BiH. Organizator: Šahovski klub „Sarajevo“.

MEĐUNARODNI TURNIR U RITMIČKOJ GIMNASTICI „SUADA DILBEROVIĆ“

Termin: 03.-04.04.2021. godine (pomjereno za 02-03.10.2021. godine – nije održan)
Mjesto održavanja: Sportska dvorana Novo Sarajevo. Organizator: Klub ritmičke gimnastike „Bosna Gym“.

3. Otkazane manifestacije:

KARATE TURNIR „KARATE KUP OSLOBOĐENJA – MEMORIJAL SALKO ĆURIĆ“

Termin: 11.04.2021. godine (otkazan)
Mjesto održavanja: Centar Skenderija Dvorana 1. Organizator: Karate klub „Salih Salko Ćurić“.

a) Finansiranje sportskih manifestacija od interesa za Grad

Gradsko vijeće je u skladu sa Odlukom o provođenju javnog interesa Grada Sarajeva u oblasti sporta utvrdilo sportske manifestacije od interesa za Grad Sarajevo. Zbog pandemije COVID-19 neke sportske manifestacije su otkazane, ali je većina manifestacija priređena uspješno. U skladu sa raspoloživim budžetskim sredstvima podržano je devetnaest sportskih manifestacija od interesa za Grad, i to:

1. Međunarodni memorijalni turnir u dizanju tegova „Andrija Maleč“;
2. Međunarodni memorijalni judo turnir „Vinko Šamarlić“;
3. Memorijalni bokserki turnir „Braća Kadić“;
4. Međunarodni memorijalni bokserski turnir „Mustafa Hajrulahović Talijan“;
5. Međunarodni teniski turnir za juniore-ke do 16 godina „Open RCT Barcelona 1899-Sarajevo“;
6. Međunarodni velemajstorski šahovski super turnir „Bosna“ Sarajevo;
7. Međunarodni turnir u sjedećoj odbojci „SARAJEVO OPEN“;
8. Međunarodno skijaško takmičenje FIS Kup „Djeca za mir u svijetu“;
9. Međunarodno FIS takmičenje u snowboardu „Evropa KUP Sarajevo“;
10. Šestoaprilski turnir u hrvanju „Kup grada Sarajeva“;
11. Međunarodni Šestoaprilski turnir u kuglanju za slijepce i slabovidne osobe;
12. Međunarodni Šestoaprilski turnir u streljaštvu;
13. Međunarodni Šestoaprilski turnir u košarci;
14. Sarajevski polumaraton;
15. Međunarodni fudbalski turnir U-17 „Igraj fudbal živi život“;
16. Međunarodni skokovi u vodu „Bentbaša“;
17. Šestoaprilski turnir u streljaštvu za invalide;
18. Sportske igre mladih,
19. Sportske igre Oaze.

b) Podrška razvoju zimskih sportova za osobe sa invaliditetom

Planiranim sredstvima iz Budžeta Grada Sarajeva udruženje „Ilmer” realizuje godišnje planske aktivnosti.

c) Učešće Službe u organizaciji/realizaciji/finansiranju drugih udruženja:

1. Udruženje „Futsal klub-akademija „Centar“ Sarajevo“
2. Udruženje „Dečki u plavom“
3. Udruženje „Stoteniserski klub Aladža-A“
4. Udruženje „Brazilska jiu jitsu akademija Activ-Rteam“
5. Udruženje fudbalski klub „Vratnik“ Sarajevo
6. Udruženje „Sarajevski fudbalski klub 2000 Sarajevo“
7. Udruženje „Plivački klub Bosna“ Sarajevo
8. Udruženje „Sportski savez u Bosni i Hercegovini“
9. Udruženje za unaprjeđenje sporta „Košarkaški klub Royal“
10. Udruženje TAEKWONDO Klub „Novi Grad“ Sarajevo
11. Udruženje Streljački klub „Sarajevo“
12. Univerzitetski Sportski Judo klub „NIPPON“

13. Udruženje Skijaški klub „Bjelašnica“
14. Sportsko rekreativno udruženje „Klub šampion“
15. Udruženje Škola fudbala „Šampion“
16. Udruženje „Omladinski rukometni klub „Bosna“
17. Udruženje „Sportsko društvo slijepih i slabovidnih KS“
18. Udruženje „Iron-Puki boxing club“
19. Udruženje „Mininogomet“
20. Udruženje Fudbalski klub „Mošćanica“
21. Udruženje Fudbalski klub „Sarajevo“
22. Udruženje Fudbalski klub „Željezničar“
23. Udruženje Plivački klub „SPID“
24. Skijaški klub „NAŠ TIM“
25. Udruženje Klub za praktično streljaštvo & taktički trening „Point“
26. Udruženje „SAŠK 1910 – Napredak“
27. Udruženje Plesni klub „SPIN“
28. Udruženje Univerzalna škola sporta „PROSPORT“
29. Udruženje skijaški klub osoba sa invaliditetom „ILMER“
30. Taekwondo savez Bosne i Hercegovine
31. Udruženje Šahovski klub „Bosna“
32. Udruženje za promociju sporta „Marathon“
33. Udruženje za podsticaj kulture i sporta „Profesional“
34. Udruženje Judo klub „Željezničar“
35. Udruženje Sarajevski skijaški klub „Sarajevo“
36. Udruženje Klub borilačkih sportova „Braća Kadić“
37. Udruženje za promociju sporta i turizma „SporTur“
38. Udruženje Košarkaški klub „KOŠ“
39. Streljački savez osoba sa invaliditetom F BiH
40. Udruženje hrvatski klub „Bosna“
41. Udruženje boksterski klub „Zlatni ljiljani“
42. Udruženje za sport i rekreaciju mladih
43. Udruženje „Razvoj sporta – Sport Centar“

Oblast mladi

- 1) Sufinansiranje projekata iz oblasti obrazovanja u osnovnim i srednjim školama i
- 2) Podrška i promovisanje projekata mladih i omladinskih udruženja sa područja Grada Sarajeva

4. ZAKLJUČNA RAZMATRANJA SA PRIJEDLOGOM MJERA

Obzirom na pandemiju, poštivanje propisanih mjera i preporuka od strane nadležnih institucija i organa, ali i raspolaganje dosta ograničenim budžetskim sredstvima, Grad Sarajevo je održao kontinuitet svog djelovanja, te je u skladu sa mogućnostima podržao mnoštvo različitih sportskih kolektiva, kulturnih manifestacija i institucija, mnoge obrazovne institucije, različite projekte iz oblasti u nadležnosti Službe, kao i perspektivne pojedince.

Grad Sarajevo treba nastaviti činiti atraktivnim, dinamičnim i otvorenim gradom turizma, kulture, obrazovanja i sporta koji će biti sadržajan i dostupan za sve njegove građane i turiste. U oblasti kulture je neophodno kontinuisano analizirati propise, postojeće stanje, kapacitete i konkurentnost institucija kulture u gradu Sarajevu.

Grad Sarajevo bi trebao biti aplikant i partner u projektima kulture u EU programima s ciljem stvaranja novih kulturnih sadržaja koji obogaćuju domaću i evropsku scenu.

Neophodno je unaprijediti međugradsku saradnju u oblasti obrazovanja, kulturne i sportske saradnje, kao i poticati na razumijevanje značaja zaštite, njegovanja i promocije raznolikosti kulturno-historijskog naslijeđa grada Sarajeva.

Važno je provoditi promotivne aktivnosti i upoznati građane sa projektima i aktivnostima Grada Sarajeva, te nastaviti okupljati i konsultovati stručnjake, ugledne građane, uspješne sportske i kulturne djelatnike pri izradi projekata, strateških i programskih dokumenata Grada Sarajeva.

Grad Sarajevo treba značajnije pružati podršku projektima za mlade, te njihovom inovativnom i umjetničkom stvaralaštvu. Neophodno je koordinirati rad sa višim nivoima vlasti i nevladinim organizacijama s ciljem razvijanja zajedničkog pristupa ka mladima.

9. GRADSKA SLUŽBA ZA INTERNU REVIZIJU

Djelokrug i nadležnosti Gradske službe interne revizije Grada Sarajeva su definisani Zakonom o internoj reviziji u javnom sektoru u Federaciji Bosne i Hercegovine, Odlukom o organizaciji i djelokrugu organa uprave Grada Sarajeva, kao i Metodologijom rada interne revizije u javnom sektoru u FBiH.

1. Aktivnosti Gradske službe za internu reviziju u 2021. godini.

Gradska služba interne revizije je postupajući po Godišnjem planu rada interne revizije za 2021. godinu obavila 11 internih revizija u Gradu Sarajevu u 2021. godini čime je ispunjen Godišnji plan rada interne revizije za 2021. godinu. Pored navedenih revizija obavljena je ad hoc revizija J.U. „Gradski muzeji“ Sarajeva a po nalogu bivšeg gradonačelnika. U nastavku se nalazi lista provedenih revizija u 2021. godini:

- Interna revizija J.U. „Gradski Muzeji“ Sarajevo
- Interna revizija Sigurnost na radu
- Interna revizija Procedure
- Interna revizija Plate i naknade
- Interna revizija Realizacija plana obrazovanja i edukacije
- Interna revizija Stanje i funkcionisanje voznog parka
- Interna revizija Tok dokumentacije
- Interna revizija Ljudski resursi
- Interna revizija Troškovi službenih putovanja
- Interna revizija Troškovi poslovanja
- Interna revizija Sudski sporovi
- Interna revizija Javne nabavke

Po obavljenim revizijama, uključujući i reviziju u J.U „Gradski Muzeji“ Sarajeva je dato ukupno 54 preporuka.

Pored provođenja internih revizija u 2021. godini je vršena i kontrola provođenja datih preporuka po konačnim izvještajima interne revizije. Kontrolom preporuka je ustanovljeno da je postupljeno po ukupno 27 preporuka (posljednja kontrola po revizijama iz 2021. godine je izvršena u februaru 2022. godine), po 20 preporuka nije postupljeno dok za dvije revizije još uvijek nije provedena kontrola preporuka ili je ista u toku.

U skladu sa odredbama Zakona o internoj reviziji u javnom sektoru u FBiH, Gradska služba interne revizije je u decembru 2021. godine izvršila procjenu rizika te na osnovu procjene rizika sačinila Strateški plan rada gradske službe interne revizije za period 2022.-2024. te Godišnji plan rada Gradske službe interne revizije za 2022. godinu. Na oba plana je dobivena saglasnost Gradonačelnice.

U 2021. godini je Ured za reviziju institucija u FBiH proveo finansijsku reviziju Grada Sarajeva za 2020. godinu. Interni revizor je koordinirao aktivnosti između gradskih službi i Ureda za reviziju u smislu prikupljanja informacija od gradskih službi i dostavljanja istih za potrebe predrevizije koja je obavljena u januaru 2021. godine te isto i za potrebe konačne revizije koja je obavljena u junu 2021. godine.

2. Aktivnosti Gradske službe interne revizije u narednom periodu

U 2022. godini Gradska služba interne revizije nastavlja sa provođenjem internih revizija u skladu sa Godišnjim planom rada interne revizije za 2022. godinu te sa kontrolom provedbe preporuka iz ranije obavljenih revizija.

10. STRUČNA SLUŽBA GRADONAČELNICE GRADA SARAJEVA

ODJELJENJE ZA KABINETSKE POSLOVE

Uredbom o osnivanju Stručne službe gradonačelnice Grada Sarajeva („Službene novine Kantona Sarajevo“, broj 24/21) je propisano da se Odjeljenje za kabinetske poslove osniva radi obavljanja određenih stručnih, administrativno-tehničkih, operativnih i sličnih poslova. Uredbom je, također, utvrđen djelokrug rada, organizacija, rukovođenje, odgovornost, kao i druga pitanja od značaja za funkcionisanje i rad Stručne službe gradonačelnice Grada Sarajeva koji su usklađeni sa zakonom, Statutom Grada Sarajeva i drugim općim aktima Grada Sarajeva. U izvještajnom periodu (01.01.-31.12.2021.godine) Odjeljenje za kabinetske poslove, samostalno ili u saradnji sa drugim Gradskim službama, obavljalo je poslove koji se odnose na aktivnosti i potrebe gradonačelnice, zamjenika gradonačelnice i radnih tijela gradonačelnice, i to kako slijedi:

- priprema materijala, prijedloga i mišljenja u vezi sa neposrednim aktivnostima gradonačelnice i zamjenika gradonačelnice;
- izrađivanje dopisa, zahtjeva, mišljenja i drugih pisanih materijala za potrebe gradonačelnice i zamjenika gradonačelnice;

- obavljanje normativno-pravnih, stručnih i administrativnih poslova u pripremi nacрта i prijedloga propisa i drugih akata iz nadležnosti gradonačelnice;
- davanje mišljenja na akte i odluke koje pripremaju druge službe;
- pregled i kontrola materijala, odnosno izrađenih nacрта/prijedloga akata, izvještaja i drugih sličnih materijala upućenih Gradskom vijeću Grada Sarajeva u vezi sa kojima saglasnost daje gradonačelnica, odnosno koji su predloženi gradonačelnici na razmatranje i odlučivanje;
- saradnja sa Stručnom službom za poslove Gradskog vijeća u pripremi materijala za sjednice Gradskog vijeća, a što podrazumijeva vršenje korekcija i sređivanje, kao i distribuciju materijala ka Stručnoj službi za poslove Gradskog vijeća;
- rad na neposrednoj izradi akata upućenih na razmatranje i odlučivanje Gradskom vijeću Grada Sarajeva;
- vršenje uobičajene korespondencije i korespondencije po uputi gradonačelnice i zamjenika gradonačelnice;
- organizovanje i pripremanje materijala za rad Kolegija gradonačelnice, Gradskog savjeta i drugih radnih tijela gradonačelnice, kao i vođenje i sačinjavanja zapisnika sa sjednica Kolegija gradonačelnice, Gradskog savjeta i drugih radnih tijela gradonačelnice,
- izrada zaključaka sa Kolegija gradonačelnice i Gradskog savjeta u pisanoj formi te njihova distribucija nadležnim službama i odjeljenjima na daljnje postupanje, kao i praćenje pravovremenog postupanja i provođenja zaključaka i izvještavanje o istom;
- izrađivanje godišnjeg Programa rada gradonačelnice u saradnji sa ostalim službama i odjeljenjima;
- provođenje procedura Javnih oglasa;
- utvrđivanje dinamike realizacije i praćenje izvršenja, staranje o pravovremenom planiranju i provođenju javnih nabavki iz svoje oblasti;
- obavljanje svih ostalih pratećih poslova, kao i svih drugih poslova po nalogu gradonačelnice i rukovodioca službe.

Radeći na provođenju politike Grada Sarajeva i aktivnostima gradonačelnika/ce u period 01.01.2021.-31.12.2021. godine uredno i pravovremeno su obavljani svi redovni, kao i dodatni kabinetski poslovi.

Odjeljenje je tokom cijele godine vodilo:

- evidenciju prisustva i odsustva na poslu i izrađivala mjesečne izvještaje za državne službenike i namještenike Odjeljenja i
- evidenciju korištenja godišnjih odmora, bolovanja, te drugih plaćenih, odnosno neplaćenih odsustvovanja s posla za sve koji su ostvarivali prava iz radnog odnosa u Odjeljenju.

ZAKLJUČNA RAZMATRANJA SA SMJERNICAMA ZA NAREDNI PERIOD

Odjeljenje će nastaviti s redovnim izvršavanjem poslova iz svog djelokruga u obimu i prema dinamici vezanoj prvenstveno za Program rada gradonačelnice Grada Sarajeva za 2022. godinu i u okviru sredstava za rad Grada Sarajeva, utvrđenih u Budžetu Grada Sarajeva za 2022. godinu.

Odjeljenje će nastaviti sa izvršavanjem poslova organa uprave, odnosno poslova utvrđenih zakonskim i drugim propisima te Uredbom o osnivanju Stručne službe gradonačelnice Grada Sarajeva, na osnovu koje je izvršena i unutrašnja organizacija i sistematizacija radnih mjesta.

ODJELJENJE ZA INFORMISANJE

Tokom 2021. godine zakonska i statutarna obaveza podnošenja izvještaja javnosti o provođenju gradske politike realizovana je putem Odjeljenja za informisanje, a kroz saradnju sa medijima: elektronskim, printanim i portalima, putem službene web stranice Grada Sarajeva i društvenih gradskih mreža, te Viber Community (Viber zajednicu Grada Sarajeva) i gradskog youtube kanala.

Aktivnosti Odjeljenja podrazumijevaju:

- pripremanje i plasiranje obavijesti i saopćenja s fotografijama za medije;
- organizovanje press konferencija;
- koordinisanje pri obezbjeđenju odgovora/izjava gradskih zvaničnika na upite i zahtjeve medija o aktivnostima, kapitalnim i tekućim projektima, kao i o manifestacijama u organizaciji ili pod pokroviteljstvom Grada;
- koordinisanje pri gostovanju u elektronskim medijima i davanju intervjua;
- koordinisanje pri obezbjeđenju odgovora na upite i zahtjeve u skladu sa Zakonom o slobodi pristupa informacijama u FBiH;
- obavljanje poslova akreditovanja novinara;
- svakodnevno ažuriranje web-strane Grada Sarajeva, www.sarajevo.ba, i profila na društvenim mrežama Grada Sarajeva;
- monitoring objava u medijima od interesa za rad Gradske uprave, izrada posebnih izvještaja i press clippinga;
- pokretanje i obavljanje procedure javne nabavke vezane za medijsku promociju razvojnih projekata, prigodnih manifestacija grada Sarajeva, kao i za objavu čestitki povodom državnih, vjerskih i novogodišnjih praznika.

Koristeći gore navedene komunikacione alate, Odjeljenje nastoji putem medija građanima prezentovati ključne poruke i važne događaje i projekte za Grad, tj. svakodnevno je informisati o svom radu, konzistentno komunicirati s njom, od javnosti dobiti podršku za svoje aktivnosti i projekte, te u javnosti ostvariti dobar ugled.

Istovremeno, nastoji graditi dobre i proaktivne odnose sa medijima kako bi rad gradskih organa učinili što transparentnijim i podložnim ocjeni javnosti, i time joj omogućili da formira jasniju sliku o ulozi, funkcionisanju i značaju institucije Grada Sarajeva.

Dobre reakcije i uspješna saradnja sa novinarima rezultat su stalne dostupnosti uposlenika Odjeljenja, kao i permanentne saradnje koju Odjeljenje za informisanje brižljivo njeguje. S tim u vezi, Odjeljenje je tokom 2021. godine pripremilo ukupno 420 saopćenja sa preko 1.500 fotografija.

Prošlu godinu obilježio je izbor nove gradske administracije na čelu sa gradonačelnicom Benjaminom Karić, nakon čega su se **u fokusu medijske promocije našle aktivnosti, projekti i događaji na kojima se radilo, i nastaviti će se intenzivno raditi u korist građanki i građana grada Sarajeva, poput:**

- Sporazuma o saradnji u aktivnostima na prevenciji i borbi protiv korupcije;
- Formiranje Gradskog savjeta;
- Sporazum sa Turističkom zajednicom KS;
- Podizanja spomen-obilježja na lokalitetu Kazani;
- rekonstrukcija Bistričke stanice;
- pokretanje procesa koji vode ka rekonstrukciji opservatorija na Trebeviću, bob staze na Trebeviću, te izgradnji muzeja savremene umjetnosti ARS AEVI;
- aktivnosti oko zajedničke kandidature za Zimske olimpijske igre 2030. s Gradom Barcelona;
- nastavak aktivnosti na projektu Vidikovac;
- pristupanje projektu izgradnje biciklističke staze Sarajevo-Pale;
- sanacija saobraćajnice na Darivi;
- sa agencijom GIZ – nabavka kanti za sitni ulični otpad;
- podrška projektu Sarajevo grad filma;
- finansijska podrška onima koji su u socijalnom i ekonomskom smislu najranjiviji, potom zdravstvenim ustanovama, obrtnicima i zanatlijima, vrhunskim sportistima, sportskim kolektivima i nadarenim mladim sportistima, kulturnim manifestacijama i institucijama, vjerskim zajednicama i crkvama, Roditeljskoj kući Udruženja „Srce za djecu oboljelu od raka“, Udruženju „Obrazovanje gradi BiH“, koje je proglašeno od posebnog značaja za Grad Sarajevo, studentskim domovima, mladima u IT sektoru;
- rekordan broj stipendija (508);
- praćenje i izvještavanje o susretima i dogovorima dužnosnika Grada sa predstavnicima gradova: Podgorica, Prag, Istanbul, Pariz, Dubrovnik, Split, Novi Pazar, Vukovar, kao i sa predstavnicima bh. gradova: Mostar, Banja Luka, Goražde, Tuzla;
- praćenje i izvještavanje o međunarodnim događajima: Javno praćenje izricanja presude Ratku Mladiću, Sesija s političkim direktorima Upravnog odbora Vijeća za provedbu mira, 5. Forum gradonačelnika centralne i istočne Evrope i NR Kine, prvi sastanak Mreže balkanskih gradova, Dani Sarajeva u Bursi.

Pored saopćenja sa fotografijama, **web-stranica Grada** se dopunjava i osvježava i sa novim gradskim dokumentima i sadržajima (odluke, javni pozivi, informacije, najave javnih rasprava, izvještaji...), vizualima povodom prigodnih datuma, događaja i manifestacija, kao i video klipovima.

Službena web stranica Grada je među rijetkima sa ozvučenim tekstovima kako bi slijepe i slabovidne osobe imale priliku da se informišu o projektima i aktivnostima Grada, ali i da iznesu svoje potrebe i interese.

ODJELJENJE ZA MEĐUNARODNU SARADNJU

U skladu sa Programom rada Gradskog vijeća Grada Sarajeva za 2022. godinu, broj: 01-GV-02-1776/21, donesenim na 10. sjednici održanoj 29.12.2021. godine, predviđen je Izvještaj o ostvarivanju Politike Grada Sarajeva i aktivnostima gradonačelnice Grada Sarajeva za period od 01.01. do 31.12.2021. godine.

Pravni i drugi osnov za izradu ovog Izvještaja nalazi se u članu 39. stav 1. tačka 9. Statuta Grada Sarajeva.

U skladu sa Programom rada Gradskog vijeća Grada Sarajeva za 2021. godinu, u oblasti Saradnja i udruživanje, realizovano je sljedeće:

- Izvještaj o aktivnostima Grada Sarajeva u oblasti međunarodne saradnje u 2020. godini, podnesen je na 47. sjednici Gradskog vijeća Grada Sarajeva, održanoj 24.2.2021. godine;
- Nacrt Programa međunarodne saradnje Grada Sarajeva za 2022. godinu razmatran je na Sedmoj sjednici Gradskog vijeća Grada Sarajeva, održanoj 27.10.2021. godine te je upućen u javnu raspravu. Nakon provedene javne rasprave, Prijedlog Programa međunarodne saradnje Grada Sarajeva za 2022. godinu, usvojen je na 10. sjednici Gradskog vijeća Grada Sarajeva, održanoj 29.12.2021. godine;
- Prijedlog Programa saradnje sa dijasporom za 2022. godinu razmatran je na Devetoj sjednici Gradskog vijeća Grada Sarajeva, održanoj 01.12.2021. godine te je upućen u javnu raspravu u formi Nacrta. Nakon provedene javne rasprave, Prijedlog Programa saradnje sa dijasporom za 2022. godinu usvojen je na 10. sjednici Gradskog vijeća Grada Sarajeva, održanoj 29.12.2021. godine;
- Informacija o privrednoj saradnji Grada Sarajeva sa pobratimskim i partnerskim gradovima primljena je k znanju na 10. sjednici Gradskog vijeća Grada Sarajeva, održanoj 29.12.2021. godine.

Gradsko vijeće Grada Sarajeva tokom 2021. godine usvojilo je sljedeće odluke:

- Gradsko vijeće Grada Sarajeva, na Šestoj sjednici održanoj 29.9.2021. godine, donijelo je Odluku o uspostavljanju saradnje između Grada Sarajeva i Grada Züricha;
- Gradsko vijeće Grada Sarajeva, na Sedmoj sjednici održanoj 27.10.2021., donijelo je Odluku o davanju saglasnosti za suosnivanje Evropskog ogranka asocijacije „Gradonačelnici za mir“;
- Gradsko vijeće Grada Sarajeva, na Devetoj sjednici održanoj 01.12.2021. godine, donijelo je Odluku o davanju saglasnosti za potpisivanje Sporazuma sa Gradom Sanliurfa o postavljanju dva jarbola sa zastavom Grada Sarajeva i zastavom zvanične maskote XIV ZOI „Vučko“;
- Gradsko vijeće Grada Sarajeva, na Devetoj sjednici održanoj 01.12.2021. godine, donijelo je Odluku o uspostavljanju saradnje između Grada Sarajeva i Grada Izmira potpisivanjem Sporazuma o bratimljenju.

Aktivnosti koje su Programom bile planirane, ali nisu realizovane zbog okolnosti izazvanih pandemijom COVID-19, su sljedeće:

- Izložba „Exodus“ maestra Safeta Zeca koja je trebala biti održana u zgradi Ujedinjenih nacija u New Yorku (SAD), 27.1.2021. godine;
- Posjeta inostranih delegacija u povodu 5. aprila – Dana opsade grada Sarajeva i 6. aprila – Dana grada Sarajeva;
- Retrospektivna izložba djela umjetnika Safeta Zeca, koja je u okviru obilježavanja 14. godišnjice službenog prijateljstva između Sarajeva i Dubrovnika trebala biti održana u Dubrovniku u maju ili junu 2021. godine;
- Peti Austrijski bal u Sarajevu koji je trebao biti održan u Vijećnici u junu 2021. godine.

Od aktivnosti iz oblasti međunarodne saradnje koje su rezultirale konkretnim benefitima ili će uslijediti realizacija dogovorenih aktivnosti, izdvajamo sljedeće:

- **Grad Innsbruck je donirao sanitetsko vozilo** Gradu Sarajevu u svrhu borbe protiv pandemije COVID-19. Odlukom Gradskog vijeća Grada Sarajeva sanitetsko vozilo je poklonjeno JU Dom zdravlja KS, a primopredaja je izvršena 26.1.2021. godine;
- **Lift u Domu zdravlja „Omer Maslić“**, koji je izgrađen uz **finansijsku podršku Grada Friedrichshafena i Grada Sarajeva**, pušten je u rad u martu 2021. godine;
- **Turski Grad Sanliurfa** iskazao je spremnost da u cilju realizacije projekta postavljanja jarbola sa zastavom Grada Sarajeva i zastavom zvanične maskote 14. Zimskih olimpijskih igara „Vučko“ na istočnom ulazu u grad Sarajevo, **donira Gradu Sarajevu dva jarbola visine 25 m, čija ukupna vrijednost iznosi cca 100.000,00 KM;**
- Tokom **radne posjete delegacije Grada Sarajeva Gradu Istanbulu** u julu 2021., definisani su konkretni vidovi saradnje **u oblasti urbanizma i komunalne djelatnosti, te je razgovarano o održavanju kulturne manifestacije „Dani Sarajeva u Istanbulu“**. Prilikom uzvratne posjete delegacije Grada Istanbula u septembru 2021., u fokusu razgovora bila je **podrška Grada Istanbula infrastrukturnim projektima i zaštiti kulturno-historijskog naslijeđa grada Sarajeva;**
- Prilikom posjete delegacije Grada Sarajeva Gradu Izmiru u septembru 2021., inicirano je uspostavljanje **pobratimskih odnosa između Grada Sarajeva i Grada Izmira što je u skladu sa parlamentarnom procedurom rezultiralo obostranim donošenjem odluka o bratimljenju čije potpisivanje bi trebalo uslijediti 2022. godine;**
- **U Sarajevu je održana ceremonija obilježavanja uspješnog okončanja projekta „Sarajevo bez mina 2020“**. Memorandum o razumijevanju između Grada Sarajeva i američke organizacije Marshall Legacy Institute kojim će se omogućiti potpuno deminiranje Sarajeva i susjednih općina oba entiteta do kraja 2020., potpisan je u Washingtonu u oktobru 2018. godine. Projekat je uspješno je okončan uz nekoliko mjeseci kašnjenja zbog pandemije, a završetak je **ozvaničen svečanom ceremonijom koja je održana u Sarajevu 01.09.2021. godine;**
- Gradovi **Barcelona i Sarajevo** su dobili podršku Nacionalnih olimpijskih komiteta zemalja Srednje i Jugoistočne Evrope, među kojima su Slovenija, Albanija,

Makedonija, Kosovo, Poljska, za apliciranje za **Zimske olimpijske igre 2030. godine**. S obzirom da bi kandidat bio poznat već krajem 2022. godine, **pred BiH i Sarajevom je godina dana lobiranja za podršku zajedničkoj kandidaturi sa Barcelonom i Španijom;**

- Grad Sarajevo, u suorganizaciji sa Gradom Pekingom, organizovao je **5. Forum gradonačelnika glavnih gradova Srednje i Istočne Evrope i NR Kine**, na temu „Održivi razvoj gradova: ka otpornoj saradnji u borbi protiv pandemije“ te je bio u fokusu pažnje velikog broja predstavnika gradova i institucija iz oblasti privrede, turizma, obrazovanja i zdravstva;
- **Grad Novi Pazar je donirao novčana sredstva u iznosu od 10.000,00 eura**, kao pomoć za otklanjanje posljedica nastalih uslijed **elementarnih nepogoda – poplava**.
- **Delegacija Grada Züricha** posjetila Grad Sarajevo sa namjerom nastavka saradnje u okviru projekta **Urbane Transformacije „Reactivate Sarajevo“ (UTPS)**, te je **postignut dogovor o saradnji na konkretnim projektima u oblasti urbanog razvoja**.
- Slijedom **Memoranduma o razumijevanju između Grada Sarajeva i Grada Mannheima**, potpisanog u oktobru 2020., nastavljene su aktivnosti prijenosom znanja putem virtualnih konsultacija o konkretnim projektima u oblastima lociranim u Agendi 2030, koje se tiču održivog i zelenog urbanog razvoja. **U toku je razmjena znanja i iskustava u vezi sa uspostavljanjem sistema sprječavanja i smanjenja nastajanja otpada od hrane;**
- Grad Sarajevo je učestvovao na **prvom sastanku Mreže balkanskih gradova (B40 Balkan Cities Network Summit)** na temu „Bolja saradnja, bolja budućnost“. Jedna od dogovorenih aktivnosti i obaveza gradova učesnika je **formiranje radih grupa** sastavljenih od osoba stručnih za sljedeće oblasti: **Lokalna klimatska akcija, Lokalna demokratija i migracije, Pametni gradovi i digitalna transformacija i Lokalna ekonomska saradnja**, koje su aktivno počele raditi od januara 2022., održavajući jednom u tri mjeseca online sastanke;
- Prilikom susreta delegacije Grada Sarajeva sa predsjednikom Skupštine Grada Zagreba, **razgovarano je o uspostavljanju uže saradnje Gradskog vijeća Grada Sarajeva i Skupštine Grada Zagreba;**
Iniciran je projekat koji za cilj ima poboljšanje komunalnih usluga na području sve četiri gradske općine, te je s tim u vezi potpisan **Sporazum između Njemačke razvojne agencije GIZ i KJKP „RAD“ 21.12.2021.**, kojim je **ozvaničen dogovor nabavke 150 kanti za sitni ulični otpad u Sarajevu ukupne vrijednosti 53.925,30 KM;**
- **U okviru projekta Festival RUTA Grupa Triglav, koji je inicirao Grad Podgorica, a podržao Grad Sarajevo**, u novembru su u Sarajevu gostovali teatri iz Ljubljane, Zagreba, Podgorice, Skoplja i Beograda sa svojim vrhunskim predstavama.

Ostale aktivnosti iz oblasti međunarodne saradnje realizovane tokom 2021. godine:

- **Gradonačelnici Sarajeva i Praga** razgovarali o uspostavljanju saradnje i povezivanju dva grada u različitim oblastima kao što su ekonomija, kultura, promocija i razvoj turizma.

- Sa **Gradom Sofijom** inicirano unaprjeđenje saradnje u okviru programa **Kreativna Evropa** i drugim oblastima.
- **Grad Sarajevo je u saradnji sa Historijskim muzejom BiH**, građanima Podgorice **poklonio postavku izložbe „Između fašizma i antifašizma: u 11 činova“**, koja je bila izložena u Podgorici od 13.07. do 13.08.2021.
- **Kulturna manifestacija „Dani Sarajeva u Bursi“** održana je od 01. do 04.09.2021. godine;
- Razmjena informacija sa Gradom Friedrichshafenom u vezi pripreme za obilježavanje **50. godišnjice bratimljenja između Sarajeva i Friedrichshafena**, koje će se održati u Friedrichshafenu od 23. do 26.05.2022., a u Sarajevu od 01. do 04.10.2022. godine;
- Razmjena informacija sa Gradom Magdeburgom u vezi pripreme za obilježavanje **45. godišnjice bratimljenja između Sarajeva i Magdeburga**, koje će se održati u Sarajevu u septembru 2022. godine;
- Grad Sarajevo je pružio **podršku kandidaturi Grada Barcelone** za produženje mandata u **Izvršnom odboru asocijacije Eurocities**;
- **Osječko-baranjska županija i Grad Osijek** izrazili su želju za uspostavljanjem saradnje sa Gradom Sarajevom;
- U razgovoru sa **stručnim službama Grada Ljubljane** ponuđena je razmjena znanja i iskustava u procesu izgradnje ljubljanskog olimpijskog bazena, razmjena iskustava sa školama za djecu sa poteškoćama u razvoju, dogovoreno je partnerstvo na apliciranju na međunarodne fondove;
- Fokus gradske administracije bio je na jačanju **privrednih veza sa pobratimskim, partnerskim i drugim gradovima, te uspostavljanju veza sa dijasporom sa ciljem njenog uključenja u lokalni razvoj**;
- Uz podršku Grada Sarajeva i Druge gimnazije Sarajevo, učenici **Druge gimnazije Sarajevo i Prve bošnjačke gimnazije**, učestvovali su u **6. Međunarodnoj olimpijadi metropola, koja je održana u organizaciji Vlade Grada Moskve, te osvojili treće mjesto i šest medalja**.

Gradovi koji su u izvještajnom periodu iskazali želju za uspostavljanjem saradnje sa Gradom Sarajevom ili je saradnja inicirana od strane Grada Sarajeva su: Chambery, Brisel, Pariz, San Marino, Bologna, Bratislava.

Grad Sarajevo su posjetile delegacije: Konye, Vlade Katalonije, Novog Pazara, Dubrovnika, Splita, Mostara, Burse, Barcelone, Istanbula, Ljubljane, Izmira i izmirske Općine Karşıyaka, Osječko-baranjske županije i Grada Osijeka, Zürich, Magdeburga, Privredne komore IR Iran.

Grad Sarajevo je boravio u službenim posjetama sljedećim gradovima: Podgorici, Pragu, Istanbulu, Bursi, Novom Pazaru, Izmiru, Splitu, Zagrebu.

Predstavnici Grada Sarajeva su prisustvovali obilježavanju dana sjećanja na žrtve logora Jasenovac i obilježavanju Dana sjećanja na žrtvu Vukovara 1991.-2021., kao i kulturnim događajima održanim u Ljubljani, Podgorici, Dubrovniku, Beču i Zagrebu.

U izvještajnom periodu ostvareni su susreti sa gradonačelnicima Istanbula, Konye, Ljubljane, Novog Pazara, Pariza, Praga, Splita.

Grad Sarajevo je učestvovao u međunarodnim skupovima od kojih izdvajamo:

- Međunarodni okrugli stol pobratimskih gradova i Forum o urbanom upravljanju, Tianjin (NR Kina) /online/
- Seminar „Češka rješenja za pametne gradove”, Sarajevo
- Četvrti Pariški mirovni forum, Pariz
- Konferencija/Radionica iz sektora restauracije, konzervacije i obnove potresom oštećenih građevina, Sarajevo
- Balkanski integracioni forum 2021, Podgorica /online/
- B40 Balkan Cities Network Summit, Istanbul

Grad Sarajevo je, u saradnji sa Gradom Pekingom, organizovao 5. Forum gradonačelnika glavnih gradova Srednje i Istočne Evrope i NR Kine /online/.

Učešće u okviru međunarodnih asocijacija čiji je Grad Sarajevo član:

- a) Prvi online sastanak Upravnog odbora Evropskog ogranka „Gradonačelnici za mir“
- b) Online sastanak Izvršnog odbora Svjetske unije olimpijskih gradova (UMVO)
- c) Online sesija Smart Cities & Sport, na temu „Sportski turizam u (r)evoluciji: oblikovanje budućnosti“
- d) Online 17. Svjetska konferencija Lige historijskih gradova
- e) Online sastanak Izvršnog odbora Međunarodne asocijacije „Gradovi glasnici mira“ u organizaciji Grada Volgograda
- f) Smart Cities & Sport Summit, Kopenhagen (Danska) i Godišnji sastanak Svjetske unije olimpijskih gradova (UMVO), Lillehammer (Norveška).

Saradnja s diplomatsko - konzularnim predstavništvima i misijama:

Grad Sarajevo su posjetili ili je ostvaren kontakt sa predstavnicima diplomatsko-konzularnih predstavništava sa sjedištem u i izvan BiH, među kojima su ambasade: NR Kine, Republike Turske, Države Libije, Republike Austrije, SR Njemačke, Republike Francuske, SAD, Japana, Češke Republike, Kraljevine Nizozemske, AR Egipat, IR Iran, NR Kine, Republike Italije, Rumunije, Kraljevine Švedske, Države Kuwait, Ruske Federacije, Švicarske Konfederacije, Republike Bugarske, Republike Slovenije, Rumunije, Republike Slovačke, Misije IOM-a, Republike Irske, Republike Mali, Republike San Marino, Republike Kazahstan, te međunarodne organizacije i specijalne misije u BiH: Delegacija EU u BiH, OSCE, UNDP, Ujedinjene nacije u BiH, Ured Specijalnog predstavnika EU (EUSR).

Od susreta sa predstavnicima država izdvajamo susrete sa sljedećim diplomatama:

Delegacijom Kongresa SAD; Isabelle Dumont, savjetnicom Predsjednika Republike Francuske; Martinom Klusom, državnim sekretarom Ministarstva vanjskih i evropskih poslova Republike Slovačke; Michaelom Linhartom, ministrom vanjskih poslova Republike Austrije; Hannesom Swobodom, predsjednikom Međunarodnog instituta za mir i bivšim članom Evropskog parlamenta; Josipom Juratovićem, članom Parlamenta SR Njemačke.

Dokumenti koji su potpisani tokom 2021. godine:

- Memorandum o razumijevanju između Razvojnog programa Ujedinjenih nacija (UNDP) i Grada Sarajeva, potpisan u julu 2021. godine;
- Grad Sarajevo i Kanton Sarajevo potpisali Sporazum o izgradnji Muzeja savremene umjetnosti Ars Aevi, prema projektu Renza Piana;
- Memorandum o razumijevanju između Grada Sarajeva i Grada Züricha u okviru projekta Urbane transformacije Sarajeva;
- Deklaracija „B40 Balkan Cities Network Summit“;
- Posredstvom Grada Sarajeva potpisan je Sporazum između Njemačke razvojne agencije GIZ i KJKP „RAD“ d.o.o., Sarajevo, 21.12.2021. godine.

Priznanja Grada Sarajeva:

Svečana sjednica Gradskog vijeća Grada Sarajeva, koja se tradicionalno održava 6. aprila, u povodu obilježavanja Dana grada Sarajeva, održana je u Vijećnici 07.10.2021. godine. Tom prilikom uručene su nagrade i priznanja inostranim dobitnicima, kako slijedi:

U skladu sa Odlukom Gradskog vijeća Grada Sarajeva na sjednici održanoj 30.09.2020. godine, priznanje „Počasni građanin grada Sarajeva“ u 2020. godini uručeno je Jure Franku.

U skladu sa Odlukom Gradskog vijeća Grada Sarajeva usvojenom na sjednici održanoj 27.01.2021. godine, priznanje „Počasni građanin Grada Sarajeva“ uručeno je ambasadoru Diego Enrique Arria Salicettiju i prof. dr. Robertu J. Doniji.

U skladu sa Odlukom Gradskog vijeća Grada Sarajeva usvojenom na sjednici održanoj 24.02.2021. godine, priznanje „Počasni građanin Grada Sarajeva“ uručeno je gradonačelniku Ljubljane Zoranu Jankoviću i Alexanderu Langeru – posthumno; priznanje „Graham Bamford“ uručeno je Ausiliji Inaudi, a „Plaketa Grada Sarajeva“ dr. Dunji Latifić – Jasnić.

ZAKLJUČAK

U izvještajnom periodu međunarodna saradnja je bila usmjerena ka održavanju i unaprjeđenju postojeće saradnje s pobratimskim i partnerskim gradovima, međunarodnim asocijacijama i institucijama, te uspostavljanju saradnje sa gradovima za koje je iskazan obostrani interes.

Bilo da se radilo o bilateralnim susretima ili učešću u međunarodnim skupovima, fokus je bio na saradnji u oblastima primjene smart city rješenja, održivog razvoja, urbane mobilnosti, kulture, turizma, obrazovanja, klimatskih promjena, privrede i u drugim oblastima od značaja za Grad Sarajevo.

Ocjenjujući međunarodnu saradnju Grada Sarajeva tokom 2021. godine uspješnom u smislu unaprjeđenja postojećih i uspostavljanja novih partnerskih veza i vidova saradnje te u smislu realizovanih projekata, izuzetno je važno i dalje jačati prijateljstva i partnerstva sa gradovima u svim interesnim područjima.

Stvaranjem partnerskih odnosa između gradova omogućava se brz transfer znanja, iskustava i primjera dobrih praksi, te se unaprjeđuju ekonomske i kulturne veze.

Diplomacija gradova izrasla je u efikasan mehanizam za rješavanje problema sa kojima se susreću gradovi današnjice. Susreti gradova nisu samo tradicija, nego imperativ našeg vremena u kojem razmjena iskustva doprinosi bržem razvoju i unaprjeđenju kvalitete života njihovih stanovnika, te rješavanju zajedničkih problema sa kojima se suočavaju, ne samo u okviru regije, nego i šire.

ODJELJENJE ZA PROTOKOL

08. 02. 2021. godine – Obilježavanje godišnjice ZOI 84

- Zajednička Svečana akademija Grada Sarajeva i OK BiH u Olimpijskom muzeju
- Koktel
- Otvaranje sportskih manifestacija

01. Mart – Dan nezavisnosti BiH

- Polaganje cvijeća na spomen obilježja na području četiri gradske općine (Kalendar)
- Kulturno-obrazovni program sa osnovnim i srednjim školama na području grada Sarajeva u organizaciji Službe za obrazovanje, kulturu, sport i mlade
- Učešće u pripremi i realizaciji Svečane akademije Skupštine Kantona Sarajevo, Gradskog vijeća Grada Sarajeva i općinskih vijeća općina Kantona Sarajevo
- Koktel

5. april – Dan opsade Sarajeva

- Kulturno-obrazovni program
- Polaganje cvijeća

06. april – Dan Grada Sarajeva:

- Polaganje cvijeća na spomen obilježja na području četiri gradske općine
- Kulturno-obrazovni program sa osnovnim i srednjim školama na području grada Sarajeva u organizaciji Službe za obrazovanje, kulturu, sport i mlade
- Kulturno – edukativni program za građane Sarajeva
- Protokol Svečane sjednica Gradskog vijeća Grada Sarajeva
- Priprema i izrada priznanja Grada Sarajeva
- Svečani prijem/koktel
- Prihvat i protokol za goste (gradonačelnike i predstavnike gradova pobratima, dobitnike priznanja itd.)
- Organizacija Svečane večere

9. maj – Dan pobjede nad fašizmom, Dan Evrope i Dan sjećanja na ubijenu djecu opkoljenog Sarajeva 1992.-1995.

- Polaganje cvijeća na Spomen obilježju ubijenoj djeci opkoljenog Sarajeva 1992.-1995.
- Kulturno-obrazovni program sa osnovnim i srednjim školama na području grada Sarajeva u organizaciji Službe za obrazovanje, kulturu, sport i mlade

Godišnjica otvaranja Vijećnice

- Učešće u organizaciji i realizaciji programa

August 2021. – Otvaranje SFF-a

- Protokol
- Gosti Grada Sarajeva
- Prijem za goste Festivala

21. septembar – Međunarodni dan mira

- Polaganje cvijeća na Spomen obilježju ubijenoj djeci opkoljenog Sarajeva 1992.-1995.

25. novembar – Dan državnosti BiH

- Polaganje cvijeća na spomen obilježja na području četiri gradske općine
- Podizanje zastave BiH na brdu Hum
- Kulturno-obrazovni program sa osnovnim i srednjim školama na području grada Sarajeva u organizaciji Službe za obrazovanje, kulturu, sport i mlade
- Učešće u pripremi i realizaciji Svečane akademije Skupštine Kantona Sarajevo, Gradskog vijeća Grada Sarajeva, SABNOR-a BiH i općinskih vijeća općina Kantona Sarajevo
- Koktel

15. decembar – Otvaranje Sarajevo Holiday Marketa /Hastahana

- Ceremonija otvaranja

31. decembar/01. januar – Javni doček Nove godine

- Učešće u pripremi i realizaciji Centralnog programa – Javnog dočeka Nove 2022. godine.
- Posjeta čelnika Grada Sarajeva Prvoj policijskoj upravi MUP KS, Profesionalnoj vatrogasnoj brigadi KS, JU Hitna pomoć, saobraćajna policija KS, porodilištu KCUS

Polaganje cvijeća i odavanje počasti na spomen obilježja na području grada Sarajeva

- 15.01. – Kod Sarajevske pivare (Isevića sokak)
- 22.01. – Alipašino polje

- 26.01. – Igmanski marš
- 27.01. – Mjesto počinka Ante Sučića
- 04.02. – Dobrinja ul. Oslobodilaca Sarajeva
- 05.02. – Pijaca Markale
- 19.03. - Dan reintegracije Grbavice
- 18.04. – Dan pogibije generala i narodnog heroja Safeta Hadžića
- 02/03.05 – Bitka za odbranu Predsjedništva BiH i granatiranje glavne pošte u Sarajevu
- 07. 05. – DB Butmir
- 16.05. – Pofalićka bitka
- 21.05. – Granatiranje Olimpijske dvorene „Zetra“
- 26.05. – Granatiranje porodilišta „Zehra Muidović“
- 27.05. – Stradanje građana u ul. Ferhadija
- 01.06. – Dobrinja (nogometno igralište)
- 08.06. – Dan oslobođenja platoa Žuč
- 12.06. – Budakovići (mezarje)
- 14.06. – Dan pogibije 47 građana Ahatovića (autobus, Sokolina)
- 17.06. – Deblokada Dobrinje
- 17.06. – Dan pogibije komandanta Safeta Zajke
- 18.06. – Dobrinja, OŠ Skender Kulenović
- 26.06. – MZ Bsitrik, ul. Bakarevića
- 30.06. – Otvaranje aerodroma Sarajevo za humanitarne letove
- 12.07. – Dobrinja, ul. Hakije Turajlića do br. 37
- 21.07. – Dobrinja, ul. Vahide Maglajlić
- 27.07. – Dan ustanka naroda i narodnosti BiH
- 22.08. – Dan pogibije Komandanta TO Ramiza Salčina
- 23.08. – Daira, ul. Halači
- 26.08. – Granatiranje Vijećnice
- 28.08. – Gradska tržnica, ul. M.M. Bašeskije
- 30.08. - Alipašino polje (pijaca), ul. Trg Solidarnosti
- 01.09. - Formiranje 1. Korpusa Armije RbiH
- 06.09. – Prva ratna pozorišna predstava
- 28.09. – Mjesno groblje Buljakov potok
- 09.11. - Alipašino polje, Trg ZAVNOBIH-a
- 10.11. – Otoka ul. Ilije Engela i Žrtava Fašizma 12
- 29.11. – Drvenija, ul. H. Kreševljakovića 47
- 14.12. – Drvenija (kod škole), ul. Obala Kulina Bana i Gimnazijska

11. STRUČNA SLUŽBA GRADSKOG VIJEĆA GRADA SARAJEVA

Stručna služba za poslove Gradskog vijeća je osnovana Uredbom o osnivanju Stručne službe za poslove Gradskog vijeća („Službene novine Kantona Sarajevo”, broj 30/21) koja je stupila na snagu 12.07.2021. godine i kojom je utvrđen djelokrug rada, organizacija, rukovođenje,

odgovornost, kao i druga pitanja od značaja za funkcionisanje i rad Stručne službe, a do tada je djelovala kao Gradska služba za Gradsko vijeće.

Uredbom o osnivanju Stručne službe za poslove Gradskog vijeća je propisano da se Stručna služba osniva radi obavljanja određenih stručnih, administrativno-tehničkih i drugih poslova utvrđenih Uredbom i koji su usklađeni sa zakonom, Statutom Grada Sarajeva i drugim općim aktima Grada Sarajeva, za potrebe rada Gradskog vijeća, radnih tijela Gradskog vijeća, gradskih vijećnika, te predsjedavajućeg i zamjenika predsjedavajućeg Gradskog vijeća.

Stručna služba za poslove Gradskog vijeća radi u skladu sa Statutom Grada Sarajeva, Poslovníkom Gradskog vijeća Grada Sarajeva, a uz primjenu Pravilnika o unutrašnjoj organizaciji i sistematizaciji radnih mjesta organa uprave i stručnih službi Grada Sarajeva kao i drugih propisa u kojima se reguliše rad Službe i propisuju prava i obaveze državnih službenika i namještenika.

Rad Stručne službe za poslove Gradskog vijeća je naslonjen na intenzivne i inicijativne aktivnosti Gradskog vijeća Grada Sarajeva u 2021. godini, a što je posljedica početka rada Gradskog vijeća u novom mandatu. Broj i dinamika zasjedanja Gradskog vijeća i radnih tijela Gradskog vijeća, te rezultati rada u 2021. godini, svjedoče o aktivnostima koje su bile intenzivnije i sadržajnije nego li je to propisano. Tako je od početka aktuelnog saziva, za osam mjeseci, organizovano i realizovano 15 zasjedanja Gradskog vijeća, i to za 10 redovnih sjednica i za Konstituirajuću sjednicu.

U 2021. godini je organizovano i realizovano 15 sjednica Gradskog vijeća, i to 13 redovnih sjednica, (tri u prethodnom sazivu Gradskog vijeća, a deset u novom sazivu Gradskog vijeća), Konstituirajuća sjednica Gradskog vijeća i Svečana sjednica Gradskog vijeća u povodu obilježavanja Dana Grada Sarajeva, s tim da su se tri sjednice odvijale u više zasjedanja.

U pripremi sjednica Gradskog vijeća pripremljeno je i realizovano 19 sjednica Kolegija Gradskog vijeća Grada Sarajeva, i to četiri u prethodnom sazivu Gradskog vijeća, a 15 u novom sazivu Gradskog vijeća, čiju pripremu, organizaciju i realizaciju je Služba, u okviru svog djelokruga, u cjelini izvršila.

Uredno su izvršeni i svi kabinetski poslovi, a javnost je redovno informisana o aktivnostima Gradskog vijeća i funkcionera Gradskog vijeća.

OSTVARIVANJE OSNOVNIH FUNKCIJA STRUČNE SLUŽBE ZA POSLOVE GRADSKOG VIJEĆA

1. Pripremanje Programa rada Gradskog vijeća i praćenje realizacije Programa rada Gradskog vijeća Grada Sarajeva

Služba je radila u skladu sa Programom rada Gradskog vijeća Grada Sarajeva za 2021. godinu, koji je donesen na 45. sjednici Gradskog vijeća Grada Sarajeva, održanoj 30.12.2020. godine, do implementacije rezultata lokalnih izbora 2020. godine u organima Grada Sarajeva i dalje, odnosno do donošenja izmjenama i dopunama Programa, vrlo brzo po konstituisanju Gradskog vijeća u novom sazivu.

Služba je kontinuisano predlagala periodičnu dinamiku aktivnosti svih subjekata i pratila realizaciju aktivnosti, s ciljem stvaranja uslova za evaluaciju Programa rada Gradskog vijeća Grada Sarajeva za 2021. godinu, na sjednicama Kolegija Gradskog vijeća.

Kolegij Gradskog vijeća Grada Sarajeva je na Prvoj sjednici održanoj 30.04.2021. godine razmatrao potrebu za reprogramiranjem Programa rada Gradskog vijeća Grada Sarajeva za 2021. godinu, te kao ovlašteni predlagač Programa rada Gradskog vijeća Grada Sarajeva, a cijeneći činjenicu da Gradsko vijeće radi u novom sazivu, inicirao predlaganje izmjena i dopuna Programa rada Gradskog vijeća Grada Sarajeva za 2021. godinu u kome bi bile sadržane sve propisane obaveze (kao što je Budžet, obaveze iz drugih zakonskih i gradskih propisa i sl.), informacije o stanju u oblastima koje su uređene zakonskim i drugim propisima koje Grad stvarno provodi (obrazovanje, kultura i sport, komunalni poslovi, upravljanje vodotocima, podizanje spomenika, međunarodna saradnja, odnosi s vjerskim zajednicama i crkvama i dr.) strateški i planski dokumenti propisani zakonom i Statutom, kao i dokumenti kojima se, u skladu sa planskim dokumentima koje gradonačelnica predloži i koje Gradsko vijeće usvoji, usvaja organizacija i djelokrug organa uprave Grada Sarajeva. Budući da je inicirano donošenje bitnih izmjena Programa, Služba je obradila Izmjene i dopune Programa rada Gradskog vijeća Grada Sarajeva za 2021. godinu koje je Gradsko vijeće donijelo na Trećoj sjednici održanoj dana 30.06.2021. godine.

Služba je početkom godine pripremila dinamiku aktivnosti u pripremi sjednica Gradskog vijeća Grada Sarajeva za 2021. godinu, koju je Kolegij Gradskog vijeća usvojio na sjednici održanoj 08.01.2021. godine.

Na osnovu godišnje dinamike, Služba je pripremala mjesečnu dinamiku aktivnosti za održavanje sjednica radnih tijela i sjednice Gradskog vijeća.

Služba je, u skladu s usvojenim Programom rada Gradskog vijeća Grada Sarajeva za 2021. godinu, inicirala izradu Programa rada Gradskog vijeća Grada Sarajeva za 2022. godinu, u određenim rokovima, pripremom zahtjeva svim subjektima koji sudjeluju u njegovoj izradi i objedinila pristigle inicijative u radni materijal u formi nacarta. Poslije utvrđivanja i razmatranja nacarta na sjednici Gradskog vijeća, materijal je upućen u javnu raspravu, kako bi se u potrebnim rokovima mogao pripremiti izvještaj s javne rasprave i radni materijal za predlaganje Programa, te izvršila sve potrebne tehničke poslove kako bi usvojeni Program bio dostupan svim subjektima. Program rada Gradskog vijeća Grada Sarajeva za 2022. godinu je objavljen na službenoj internet stranici Gradskog vijeća <https://gradskovijece.sarajevo.ba/aktuelni-program-rada/>.

2. Pripremanje i izrada Izvještaja o radu Gradskog vijeća Grada Sarajeva i Izvještaja o radu Službe

Služba je obradila i sačinila materijal za Izvještaj o radu Gradskog vijeća Grada Sarajeva za 2021. godinu.

Služba je obradila i sačinila Izvještaj o radu Stručne službe za poslove Gradskog vijeća za 2021. godinu, koji je dostavljen gradonačelnici.

3. Pripremanje, sazivanje i održavanje sjednica Gradskog vijeća Grada Sarajeva i radnih tijela Gradskog vijeća, te Kolegija Gradskog vijeća

3.1. U protekloj godini, Gradsko vijeće je održalo ukupno 13 redovnih sjednica, i to tri u prethodnom sazivu Gradskog vijeća, a deset u novom sazivu Gradskog vijeća, Konstituirajuću sjednicu Gradskog vijeća i Svečanu sjednicu Gradskog vijeća u povodu obilježavanja Dana Grada Sarajeva, koja je održana 07.10.2021. godine.

3.2. U pripremi sjednica Gradskog vijeća održano je 208 sjednica stalnih radnih tijela Gradskog vijeća (15 sjednica radnih tijela u prethodnom sazivu i 193 sjednice radnih tijela u novom sazivu) čiju pripremu, organizaciju i realizaciju je Služba, u okviru svog djelokruga, u cjelini izvršila, i to kako slijedi:

1.	ODBOR ZA INFORMATIKU I TELEMATIKU GRADA SARAJEVA	8
2.	KOMISIJA ZA IZBOR I IMENOVANJA	22
3.	ODBOR ZA JAVNE SLUŽBE, INFRASTRUKTURU I JAVNI SAOBRAĆAJ	9
4.	ODBOR ZA LOKALNI BIZNIS I TURIZAM	9
5.	ODBOR ZA BUDŽET I FINANSIJE	13
6.	MANDATNO-IMUNITETSKA KOMISIJA	8
7.	KOMISIJA ZA MEĐUNARODNU SARADNJU	17
8.	ODBOR ZA URBANIZAM I UPOTREBU LOKALNOG ZEMLJIŠTA	11
9.	KOMISIJA ZA LJUDSKA PRAVA I SLOBODE	10
10.	ODBOR ZA DRUŠTVENE DJELATNOSTI	10
11.	ADMINISTRATIVNA KOMISIJA	14
12.	KOMISIJA ZA STATUT I AKTE	24
13.	KOMISIJA ZA PITANJA MLADIH	9
14.	KOMISIJA ZA JEDNAKOPORAVNOST SPOLOVA	8
15.	KOMISIJA ZA ODNOS E S VJERSKIM ZAJEDNICAMA I CRKVAMA	9
16.	KOMISIJA ZA DRUGOSTEPENO UPRAVNO RJEŠAVANJE	6
17.	KOMISIJA ZA SPOMENIKE GRADSKOG VIJEĆA	11
18.	ETIČKO VIJEĆE GRADSKOG VIJEĆA	10
	UKUPNO	208

3.3. Održano je 19 sjednica Kolegija Gradskog vijeća Grada Sarajeva, i to četiri u prethodnom sazivu Gradskog vijeća, a 15 u novom sazivu Gradskog vijeća, čiju pripremu, organizaciju i realizaciju je Služba, u okviru svog djelokruga, u cjelini izvršila.

3.4. Odbor za dodjelu „Šestoaprilske nagrade Grada Sarajeva” započeo je sa radom u 2020. godini, kada je održana jedna sjednica Odbora, dok je u 2021. godini održano pet sjednica, čiju pripremu, organizaciju i realizaciju je Služba, u okviru svog djelokruga, u cjelini izvršila.

4. Pripremanje i izrada tekstova nacrti i prijedloga akata, izvještaja, mišljenja, zapisnika, kao i drugih analitičko informacionih i dokumentacionih materijala po programu, na zahtjev i za potrebe Gradskog vijeća, radnih tijela i gradskih vijećnika

Služba je razmatrala formu nacrti i prijedloga akata u pogledu njihove usklađenosti sa Statutom Grada Sarajeva i Poslovníkom Gradskog vijeća Grada Sarajeva, prije upućivanja u proceduru razmatranja na radnim tijelima i Gradskom vijeću.

Služba je bila obrađivač određenih materijala za Gradsko vijeće te akata koje su unutar svog djelokruga donosila radna tijela Gradskog vijeća.

Od ukupno 213 tema razmatranih na sjednicama Gradskog vijeća, Služba je bila obrađivač za 45 materijala.

Realizacija Programa rada Gradskog vijeća za 2021. godinu je sadržana u Izvještaju o radu Gradskog vijeća Grad Sarajeva za 2021. godinu.

Služba je pripremila 15 podsjetnika za sjednice Gradskog vijeća, tonske zapise sa sjednica pretvarala je u tekstualne, te na osnovu njih izrađivala zapisnike sa sjednica Gradskog vijeća. Izrađeno je 13 zapisnika, koji su razmatrani i, bez primjedbi, usvojeni na sjednicama Gradskog vijeća.

Svi akti, koje je Gradsko vijeće usvojilo, obrađeni su poslije održanih sjednica Gradskog vijeća i upućeni na objavu u „Službene novine Kantona Sarajevo“ te postavljeni na službenoj stranici Gradskog vijeća, odnosno upućeni odgovarajućim subjektima.

Pored toga, Služba je obradila i pripremila 166 inicijativa, 37 vijećnička pitanja i 28 zaključka sa sjednica Gradskog vijeća te obrađivala amandmane na prijedloge akata koje su podnosili pojedini predlagači.

Služba je obradila 685 izvještaja radnih tijela koji su gradskim vijećnicima dostavljani uz akte pripremljene i predložene za razmatranje na sjednicama Gradskog vijeća, a pored toga obrađivani su i izvještaji radnih tijela po pojedinim pitanjima koja su radna tijela razmatrala u pauzama sjednica Gradskog vijeća.

5. Osiguravanje dokumentacionog materijala i podataka

Služba je pripremila i osiguravala sav potreban materijal za rad Gradskog vijeća, Kolegija Gradskog vijeća i radnih tijela, u cilju stvaranja uslova za kvalitetan rad Gradskog vijeća i radnih tijela Gradskog vijeća.

U toku 2021. godine, službena dostava poziva i materijala za sjednice Gradskog vijeća vršena je elektronskim putem.

Služba je, u pripremi sjednica Gradskog vijeća, dostavljene materijale skenirala u formi koju podržava stranica za službenu elektronsku komunikaciju te postavljala pozive sa tako pripremljenim materijalima koji su upućeni Gradskom vijeću na razmatranje.

Po završenim sjednicama Gradskog vijeća, Služba je pripremala i na službenu stranicu postavljala materijale o realizaciji sjednica, odnosno o statusu akata razmatranih na sjednicama. Za sjednice Gradskog vijeća, putem SMS poruka i putem elektronske pošte, upućeno je oko 1962 najave s informacijom i elektronskim poveznicama na pozive, sa materijalima za sjednice Gradskog vijeća gradskim vijećnicima, gradonačelnici i Gradskoj upravi, radnim tijelima Gradskog vijeća, a po potrebi gradskim općinama, Kantonu Sarajevo, predstavnicima nevladinih organizacija i organizacija međunarodne zajednice koje prate rad Gradskog vijeća, drugim subjektima ovisno o aktualnoj problematici, te svaku sjednicu Gradskog vijeća najavljivala medijima javnog informisanja (za oko 50 medijskih kuća).

Služba Gradskog vijeća je pripremila 236 poziva za sjednice radnih tijela za koje je upućeno oko 6144 (SMS poruke i putem elektronske pošte) poziva članovima radnih tijela Gradskog vijeća, gradonačelnici i po potrebi, vanjskim saradnicima, odnosno gostima. O radu sjednica radnih tijela sačinjeno je 206 zapisnika koji su dostavljani uz poziv za sljedeću sjednicu radnog tijela sa prijedlozima zaključaka za Gradsko vijeće.

Upućeno je 718 poziva (SMS poruke i putem elektronske pošte) za 19 sjednica Kolegija, izrađeno 19 podsjetnika u pripremi sjednica Kolegija Gradskog vijeća, sačinjeno 19 zapisnika koji su dostavljani uz poziv za sljedeću sjednicu Kolegija. Kolegij Gradskog vijeća usvojio je 41 zaključak.

6. Vršenje arhiviranja svih dokumenata, posebno akata donesenih na sjednicama Gradskog vijeća Grada Sarajeva i zapisnika o radu sjednica i radnih tijela, uređivanje i izdavanje izvornika

Svi akti doneseni od strane Gradskog vijeća Grada Sarajeva, kao i zapisnici o radu i izvornici sa sjednica Gradskog vijeća, zapisnici sa sjednica radnih tijela i Kolegija Gradskog vijeća su arhivirani i o njima se vodi uredna evidencija u skladu sa Zakonom.

U toku 2021. godine u pisarnici Službe protokolirano je 1808 akata (dopisi, pozivi za sjednice radnih tijela i sjednice Gradskog vijeća, zapisnici, rješenja, odluke, zaključci, izvještaji, programi, informacije, obavještenja o prestanku mandata, planovi i drugo).

7. Izvršavanje i drugih poslova Stručne službe za poslove Gradskog vijeća u skladu sa važećim propisima, te stručnih, administrativno tehničkih poslova i zadataka za potrebe Gradskog vijeća i radnih tijela Gradskog vijeća, klubova vijećnika, pružanje stručne pomoći vijećnicima u njihovom radu u Gradskom vijeću u okviru svog djelokruga te pružanje svih potrebnih informacija za pripremu i za rad Gradskog vijeća i radnih tijela

Služba je tokom cijele godine radila:

- na obradi materijala potrebnog za odlučivanje gradonačelnice u pripremi za provođenje Pravilnika o kriterijima i postupku za korištenje finansijskih sredstava sa pozicije nepredviđenih izdataka u Budžetu Grada Sarajeva – segment sredstava za rad Gradskog vijeća,

- na pripremi zahtjeva za službena putovanja funkcionera Gradskog vijeća i gradskih vijećnika,
- pripremi prijedloga i obradi materijala za nabavke i plaćanja za potrebe Gradskog vijeća i Službe.

Služba je tokom cijele godine vodila:

- evidenciju prisustva i odsustva na poslu i izrađivala mjesečne izvještaje za državne službenike i namještenike, dok su funkcioneri vodili evidenciju o svom prisustvu na poslu;
- evidenciju korištenja godišnjih odmora, bolovanja, te drugih plaćenih, odnosno neplaćenih odsustvovanja s posla, za sve koji su ostvarivali prava iz radnog odnosa u Službi.

Služba je vršila svakodnevno poslove, u okviru svog djelokruga, po zahtjevima funkcionera Gradskog vijeća i gradskih vijećnika.

8. Pružanje pomoći građanima i pravnim licima, obradom podnesaka i prijedom stranaka, u cilju ostvarivanja njihovih prava i obaveza iz djelokruga Grada Sarajeva ili drugih organa, upućivanjem prema nadležnim organima i traženjem informacija po pojedinim pitanjima od nadležnih organa

Ukupno zaprimljenih akata je 660, a otpremljenih 1493, od čega je 269 akata upućeno nadležnim organima na daljnje postupanje.

9. Služba je vršila poslove obrade materijala potrebnog za realizaciju javnih nabavki za potrebe Gradskog vijeća i Stručne službe za poslove Gradskog vijeća

Uposleni u Službi su radili na obradi materijala potrebnog za realizaciju javnih nabavki za potrebe Gradskog vijeća i Stručne službe za poslove Gradskog vijeća.

10. Saradnja s drugim organima i organizacijama, priprema sastanaka i javnih istupa Predsjedavajućeg Gradskog vijeća, komunikacije s javnošću

Ostvarivana je saradnja s općinskim vijećima i službama za upravu, Kantonalnom Skupštinom i organima uprave Kantona Sarajevo, pojedinim Federalnim organima, organizacijama međunarodne zajednice, Centralnom izbornom komisijom BiH i drugim subjektima.

Služba je vršila poslove za potrebe predsjedavajućeg i zamjenika predsjedavajućeg Gradskog vijeća, a vezano za njihovu pripremu za sastanke i skupove u čijem radu su učestvovali, a posebno pripremu za sjednice Gradskog vijeća i Kolegija Gradskog vijeća. Služba je pripremala dopise i druge akte koje je upućivao predsjedavajući Gradskog vijeća u službenoj i protokolarnoj komunikaciji i vršila druge poslove po nalogu predsjedavajućeg i zamjenika predsjedavajućeg Gradskog vijeća.

Služba je osiguravala prisustvo predstavnika medija javnog informisanja na samim sjednicama Gradskog vijeća, a u skladu s epidemiološkom situacijom te propisanim mjerama u Kantonu Sarajevo. Služba je vršila poslove najave i praćenja sjednica Gradskog vijeća i o tome

informisala javnost. Služba je pratila aktivnosti Gradskog vijeća i funkcionera Gradskog vijeća i o tome, uz odobrenje funkcionera, informisala javnost. Pratila je objavu akata Gradskog vijeća i drugih informacija o radu Gradskog vijeća na web stranici Grada Sarajeva, u drugim medijima javnog informisanja, komunicirala sa predstavnicima medija zainteresovanim za informacije u vezi sa radom Gradskog vijeća te izvršavala druge poslove iz oblasti odnosa sa javnošću. Služba je, uz saopćenja za javnost, pripremala fotografije i upućivala ih javnosti, zajedno sa saopćenjem.

Služba je učestvovala u organizaciji i realizaciji Svečane sjednice Gradskog vijeća u povodu obilježavanja Dana Grada Sarajeva u 2021. godini, koja je održana 07.10.2021. godine.

ORGANIZACIJA SLUŽBE

Do stupanja na snagu Uredbe o osnivanju Stručne službe za poslove Gradskog vijeća, za obavljanje stručnih i drugih poslova za potrebe Gradskog vijeća, Odlukom Gradskog vijeća o organizaciji i djelokrugu organa uprave Grada Sarajeva („Službene novine Kantona Sarajevo“, br. 27/17 i 9/20), bila je obrazovana Gradska služba za Gradsko vijeće.

Stupanjem na snagu Uredbe o osnivanju Stručne službe za poslove Gradskog vijeća („Službene novine Kantona Sarajevo“, broj 30/21), unutar Stručne službe obrazovane su osnovne organizacione jedinice, i to:

1. Odjeljenje za stručne poslove
2. Odjeljenje za kabinetske poslove

U Stručnoj službi, izvan organizacionih jedinica, raspoređen je sekretar Gradskog vijeća koji obavlja poslove od značaja za rad i funkcionisanje Gradskog vijeća Grada Sarajeva, u neposrednoj saradnji sa predsjedavajućim Gradskog vijeća, zamjenicima predsjedavajućeg Gradskog vijeća i rukovodiocem Stručne službe za poslove Gradskog vijeća, a za svoj rad, zakonitost i upravljanje odgovara gradonačelnici.

Stručnom službom za poslove Gradskog vijeća neposredno rukovodi rukovodilac Stručne službe koji za svoj rad i upravljanje odgovara gradonačelnici.

Odjeljenjima rukovode šefovi odjeljenja koji za svoj rad i upravljanje odgovaraju rukovodiocu Stručne službe.

Unutrašnja organizacija Stručne službe utvrđena je Pravilnikom o unutrašnjoj organizaciji i sistematizaciji radnih mjesta organa uprave i stručnih službi Grada Sarajeva, broj 01/04-04-3746/21 od 16.07.2021. godine, na osnovu kojeg je gradonačelnica postavila državne službenike i namještenike na radna mjesta u Stručnoj službi, uz prethodno obavljene konsultacije sa predsjedavajućim Gradskog vijeća.

Služba je od stupanja na snagu Uredbe o osnivanju Stručne službe za poslove Gradskog vijeća, za obavljanje stručnih i drugih poslova za potrebe Gradskog vijeća, radila u organizaciji i sastavu kako slijedi:

1. Odjeljenje za stručne poslove:

- šef Odjeljenja za stručne poslove – VSS-1,
- stručni savjetnik za odnose sa javnošću – VSS – 1,

- viši referent za poslove pripreme sjednica radnih tijela i Gradskog vijeća Grada Sarajeva – SSS – 2,
 - viši referent za tehničku obradu materijala – SSS – 2,
 - viši referent za prijem i otpremu pošte – SSS – 1,
- Radom Odjeljenja neposredno rukovodi šef Odjeljenja.

2. Odjeljenje za kabinetske poslove:

- viši referent – tehnički sekretar – SSS – 2

Radom Odjeljenja neposredno rukovodi šef Odjeljenja za kabinetske poslove (mjesto nije popunjeno).

U Službi je u 2021. godini, po osnovu ugovora o stručnom osposobljavanju, pripravnički/volonterski rad obavljala jedna osoba (VSS). Po ugovoru je, na poslovima analize stanja sa prijedlogom mjera međunarodne saradnje Gradskog vijeća, bila angažirana jedna osoba, na period od tri mjeseca.

Radna mjesta koja su sistematizovana Pravilnikom o unutrašnjoj organizaciji i sistematizaciji radnih mjesta organa uprave i stručnih službi Grada Sarajeva u dijelu za Stručnu službu za poslove Gradskog vijeća nisu popunjena u potpunosti (za obim i sadržaj poslova Službe bitno je bilo što prije popuniti radna mjesta Šefa odjeljenja za kabinetske poslove i stručnog savjetnika za normativno-pravne poslove u Odjeljenju za stručne poslove).

IV. ZAKLJUČNA RAZMATRANJA SA SMJERNICAMA ZA NAREDNI PERIOD

Služba će nastaviti s redovnim izvršavanjem poslova iz svog djelokruga u obimu i prema dinamici vezanoj prvenstveno za Program rada Gradskog vijeća Grada Sarajeva za 2022. godinu i u okviru sredstava za rad Gradskog vijeća, utvrđenih u Budžetu Grada Sarajeva za 2022. godinu.

Služba će nastaviti sa izvršavanjem poslova organa uprave, odnosno službi za upravu utvrđenih zakonskim i drugim propisima te Uredbom o osnivanju Stručne službe za poslove Gradskog vijeća, na osnovu koje je izvršena i unutrašnja organizacija i sistematizacija radnih mjesta. Očekuje se početak rada šefa Odjeljenja za kabinetske poslove, a za što je konkursna procedura u toku. Također, nastavit će se s praksom angažovanja pripravnika/volontera kako bi se mladim ljudima omogućilo za završe pripravnički staž.

U toku 2022. godine slijedi inoviranje službene elektronske komunikacije u Gradskom vijeću, nastavlja se popunjavanje, odnosno zamjena dijela kompjuterske opreme, a u planu je i nastavak opremanja prostorija u Vijećnici koje koristi Gradsko vijeće, odnosno radna tijela Gradskog vijeća i funkcioneri Gradskog vijeća.